


Pygmalion, 1895



Digitized by the Internet Archive
in 2014

<https://archive.org/details/inperantiquamsac00schi>




BESSARIONIS
*graphica effigies ex pereleganti
in Schola S.*

CARDINALIS
*pictura quae exstat Venetiis
Marine Caritatis.*

10875

IN PERANTIQUAM
SACRAM TABULAM GRÆCAM
INSIGNI SODALITIO
SANCTÆ Mariæ CARITATIS
VENETIARUM
AB AMPLISSIMO
CARDINALI BESSARIONE
DONO DATAM
DISSERTATIO.

9
BIBL.
B
14
ANTONIANUM
COLL.



ILLUSTRISSIMIS, SPECTABILIBUSQUE D. D.
JACOBO ZUCCATO
MAGNO CUSTODI
CETERISQUE CONFRATRIBUS
VENERANDÆ SODALITATIS S. Mariæ DE CARITATE

JOANNES BAPTISTA SCHIOPPALARBA
EJUSDEM SODALITATIS CAPELLANUS
FELICITATEM.



Amdiu quærebam,
atque ab eo præ-
fertim tempore, quo me Sa-
cris celeberrimi Sodalitii hu-
jus Vestri curandis præfecistis,
me-

mecum ipse meditabar , qua
potissimum ratione & meæ er-
ga Vos observantiæ , & pro
plurimis in me collatis bene-
ficiis grati animi testimonium
aliquod publicum ederem ;
cum Vosmetipsi pulcherrimam
eamque justissimis æquam vo-
tis meis occasionem præbui-
stis . Nam cum Illustrissimus
Dominus JOSEPH COMINCIOLI ,
Vestræ hujus Nobilissimæ So-
dalitatis Magnus elapso anno
Custos , & de ipsa , pro tot ,
tantisque rebus , nunquam in-
terituro ejus ornamento futu-
ris , præclare cœptis optime
meritus , jam inde a sui Re-
giminis primordiis nihil sibi

ma-

magis propositum habuerit ,
quam ut antiquissimam Sacram
Tabulam , Majoribus Vestris
a felicitis recordationis Cardi-
nali Bessarione dono datam ,
in qua Salutiferæ Crucis , &
Tunicæ Domini Nostri Jesu
Christi portiones aliquot in-
signes asservantur , temporis
injuria haud leviter læsam ,
reficiendam , atque in pristi-
num statum restituendam cu-
raret , Vos omnes non modo
pari plenoque consensu annui-
stis , verum etiam pretiosi hu-
jus sacræ antiquitatis monu-
menti opus ectypum ære in-
cidi , & publici juris fieri ju-
bentes , ejus mihi illustrandi
pro-

provinciam demandastis. Quod
profecto munus libentissime
obeundum suscepi, tum quia
semper apud me auctoritas
Vestra plurimum valuit, tum
quia hac mihi ratione sum
visus Sodalitatis hujus Vestrae
dignitati, & gloriae inservi-
re, quæ inter Confratres suos
præstantissimum illum in pri-
mis Virum, omnique laude
cumulatissimum, tot sibi be-
nevolentia, atque existima-
tionis officiis addictum ha-
buisse gloriari potest, ut pu-
blice testatum voluerit, præ-
dictam Sacram Tabulam *nul-*
libi posse tutius, honorificentius,
& præclarius locari, quam in hac
se-

felicissima, & amplissima, ac Christianissima Civitate Venetiarum; ejusque Civitatis ad nullum alium potissimum locum, quam apud Venerabilem, & Devotissimam Congregationem Caritatis, cui sese adscriptum, dedicatumque voluit (a). Unum, fatebor, me a tanto onere, utpote quod viribus meis impar sentirem, fubeundo deterruisset, ingenii scilicet exilitas, & eruditionis inopia, ac pæne jejunitas; nisi me benignitate, consilio, auctoritate denique Vestra ne animo deficerem hortati fuissetis.

Quam-

(a) Hæc scilicet verba leguntur in Charta Donationis a Card. Bessarione factæ, quam integram Operis hujus Cap. IX. exhibebimus.

Quamobrem Vobis, Illustrif-
simi D. D. , qui celeberrimo
huic Sodalitio præestis, Tibi
vero in primis hanc , qualif-
cumque tandem ea sit, Differ-
tationem nuncupo, Humanif-
sime Vir, omnique virtutum
genere multo ornatissime, JA-
COB ZUCCATE, qui licet aliis
gravissimis muneribus disten-
tus , quibus Veneti Excellen-
tissimi Senatus auctoritate, cu-
jus es a Secretis, summa cum
dexteritate, neque minori cum
integritate fungeris, maximam
tamen hoc anno, quo Sodali-
tatem regis, rerum omnium cu-
ram, præclarissimas cogitatio-
nes, incredibilem diligentiam
pro

pro ejus decore , ac dignitate sustinere non desinis . Vestrum igitur erit imbecillitatem meam Patrocinio Vestro tueri, meumque bene de hac Insigni Sodalitate Vestra merendi studium ea humanitate complecti , ut me spe mea minime excidisse omnibus innotescat . Hoc enim uno tutamento , ac fulcimine innixus, sicuti hoc opus aggressus sum , ita me , multis Vobis nominibus devinctissimum , satis justam laudem, jussis Vestris obtemperando , assequutum fuisse gloriabor .

INDEX CAPITUM.

- I. **D**E Sacrarum Tabularum ad Sancta Lipsana *asser-*
vanda origine, usu, & forma apud antiquos Chri-
stianos.
- II. *Tabulae nostrae Generalis Descriptio.*
- III. *De Picturis, quae anteriorem Tabulae nostrae partem*
exornant.
- IV. *De Cruce argentea deaurata in interiori Tabula nostra*
sita.
- V. *De Imaginibus Constantini Magni, & S. Helenae.*
- VI. *De Archangelorum Michaelis, & Gabrielis Iconibus.*
- VII. *De Vivificae Crucis, & Tunicae D. N. Jesu Christi par-*
ticulis in Tabula nostra asservatis.
- VIII. *De Antiquis Tabulae nostrae Possessoribus.*
- IX. *De Sacrae Tabulae Donatione Sodalitio nostro a Cardinali*
Bessarione facta.
- X. *De Tabulae nostrae Translatione e Bononia Venetias.*

CAPUT PRIMUM.

*De Sacrarum Tabularum ad Sancta Lipsana asservanda
origine, usu, & forma apud antiquos Christianos.*

I.



Obilissimam S. Mariæ de Caritate Sodalitatem inter Magnas, ut vocant, Urbis hujus Venetiarum Scholas principem locum tenere, in dubium a nemine revocari potest; sive antiquitas ejus spectetur, qua ceteris anteire Scriptores omnes testantur (*a*); sive piorum operum multitudo, queis & pauperum necessitatibus occurrere, & Divinum semper cultum promovere studuit; sive tandem ratio habeatur tum conditionis Sociorum illustris, a quibus regitur, tum numeri Clarissimorum Virorum & Veneta, & Romana Purpura insignium, quin imo Principum etiam exterorum, atque longinquorum, qui ei nomina dederunt (*b*). Præ ceteris tamen omnibus Sodalitatis nostræ orna-

B 2

men-

(*a*) Sodalitatis hujus exordia tum Anonymus Rerum Venetarum Chronologus, Sanfovius de Veneta Urbe Lib. VII., alique Scriptores, tum marinoz Epigraphes Scholæ parietibus affixæ, & antiquissimus Statutorum ejus Codex ad annum 1260. referunt die 6. Novembris Divo Leonardo Sacra. Citatus vero Anonymus conceptis verbis declarat, multos alios ex Venetis, pios nostri Sodalitii Confratres æmulantes, aliam anno sequenti 1261. instituisse Sodalitatem, quam S. Joannis Evangelistæ Scholam appellarunt.

(*b*) Longum nimis esset, atque a re nostra alienum, catalogum hic texere Venetorum Principum, & Patriciorum, quin & S.R.E. Cardinalium, Episcoporum, Abbatum, Ducum, & Principum exterorum, aliorumque Spectatissimorum Virorum, qui Sodalitatem Caritatis suis nominibus illustrarunt. Hoc a nobis alio fortasse tempore, & magis idoneo præstabitur. Sat nunc erit Nobilissimos memorare

mentis fulgent, ac supereminet tot veneranda Sanctorum Lipsana, honorificentissime in Sacris ejus Aedibus servata, inter quæ perantiquæ illi Sacræ Tabulæ, Vivificæ Crucis, & Tunicæ D. N. Jesu Christi particulis ornatae, de qua nobis instituendus est sermo, primas tribuendas esse fatebuntur omnes, quibus compertum fuerit, Amplissimum Cardinalem Bessarionem, cujus ipsa munus est singulare, publice professum, *nihil in hac vita habuisse pretiosius, nihil Sanctius, nihil de quo magis animi desiderium, & devotionem explere posset* (a).

2. Ut igitur ea qua par est diligentia imposito muneri satisfaciam, antequam ipsius Tabulæ descriptionem suscipio, nonnulla de harum Tabularum origine, usu, & forma adnotabo: quod quidem liceat mihi aliquanto altius repetere. Sanctorum Reliquias magno semper in honore habitas fuisse a nascentis Ecclesiæ primordiis, dubitare non sinunt Acta primorum Martyrum quæ extant, Veterumque omnium Patrum luculentissima testimonia. Memores enim
Chri-

morare ex Japponiæ Regno Principes *Mantium Ito*, Regis *Fiungæ* nepotem, & *Michaelem Cingivam*, Regis *Arimæ* Consanguineum; illum Regis *Bungi*, hunc Regis *Arimæ* ad Romanum Pontificem Legatos, eorumque socios *Martinum Fara*, & *Julianum Nicaura*, Principes Regni *Tingen*, qui cum, Legatione peracta, Venetias appulissent anno 1585.; & die v. Julii ad Sacras nostri Sodalitii Aedes accessissent, ut Sanctorum Lipsana in ipsis servata venerarentur, non modo in Confratrum numerum recipi, & albo Sodalitatis habiru a Magno Custode, tunc *Julio de Nigris*, indui petierunt, sed suorum etiam Regum nomina eidem Sodalitio adjicientes, jurejurando promiserunt, aliud hujusmodi sub eodem Caritatis titulo in suis Regionibus instituturos: cujus rei memoriam tum ex Lapide, cui creditam voluere Loci Rectores, tum ex Mss. Sodalitatis Codicibus typis evulgavit, aliisque illustravit documentis Præstantissimus Venetus Senator, multisque eruditissimis editis Operibus Clarissimus; *Flaminius Cornelius* (*Eccl. Ven. Dec. VII. pag. 202. & seqq.*)

(a) *Charta Donationis citata.*

Christifideles Sudaria, & Semicinctia Pauli (a), imo umbram ipsam Petri solam (b) ægros sanasse, & spiritus imundos e corporibus eiecisse, jure persuasum semper habuerunt, sancta hujusmodi pignora nobis a Deo fuisse concessa, *ut sint nobis*, verbis utar Chrysostomi (c), *veluti portus quidam, & idoneum solatium malorum, quæ assidue nos affligunt.*

Primis autem tribus Ecclesiæ Sæculis nondum inventum morem fuisse reor, arculas, seu capsulas, aut ejusmodi vasa condendi, in quibus portiones aliquot e Sanctorum Corporibus detractæ, pro Fidelium privata devotione reponerentur; tum quia nulla de illis apud Sæculorum illorum Scriptores mentio, tum quia temporum illorum ea consuetudo erat, ut integra fervarentur Sanctorum Corpora, ex quibus ne tenues quidem licebat particulas auferre: quam consuetudinem Sexti quoque Sæculi initio, imo eo etiam labente, saltem apud Occidentales, viguisse discimus ex Epistolis S. Germani ad Hormisdam Pontificem sub Consulatu Rustici Anno D. 520. (d); & Magni Gregorii ad Constantinam Augustam Anno 594.; qui inter cetera hæc habet: *Cognoscat autem tranquillissima Domina, quia Romanis consuetudo non est, quando Sanctorum Reliquias dant, ut quidquam tangere præsumant de corpore* (e).

Ad IV. tamen Sæculi initium harum capsularum, seu the-

(a) Act. XIX. 12.

(b) Ibid. v. 15.

(c) Homil. in S. Ignat. Mart. circa fin. Tom. II. Ejus Oper. pag. 601. Edit. Ven. 1755.

(d) Ap. Baron. in Not. ad Martyrolog. ad diem xv. Jun.

(e) Registri Epistolar. Lib. IV. Epist. 30. Edit. Ven. 1744.

thecarum origo referenda esse videtur. Post restitutam enim Ecclesiæ pacem, inventumque a Magno Constantino Vitale Crucis Lignum, nemo est qui ignoret quanto in pretio apud omnes fuerint ejus quælibet minima frustula, quantoque animi desiderio ab omnibus expetita: quod in causa fuit, cur ab illis quibus hæc fors obtigerat, ea summo cum honore, ac reverentia argenteis, aureisque thecis inclusa servari cœperint; id testante Chrysostomo (a) his verbis: *Particulam ejus (Crucis) multi sumentes auro inclusam tum viri, tum mulieres a collo suspendunt ad ornatum*: quæ quidem consuetudo secutis postea temporibus ad Sanctorum etiam Reliquias traducta est.

3. Quemadmodum autem tum Vivificæ Crucis, aliorumque Instrumentorum Sacratissimæ Passionis Christi, tum Sanctorum omnium Lipsana, ut pluribus probant Ducangius (b), & nunquam satis laudandus Pontifex Benedictus XIV. (c), *Patrocinia* ab antiquis vocata fuere, ita capsulæ illæ, sive arculæ, aut thecæ, in quibus ea recondita erant, *Phylacteria* Græco vocabulo appellabantur, quod nempe servarentur, vel deferrentur *εἰς φυλακὴν*, ut loquitur Theophanes (d), hoc est *in custodiam* adversus hominum insidias, adversus fallacias Dæmonum, ceteraque infortunia, quibus obnoxii homines in hoc terrarum orbe esse solent: *φυλακὴ* enim Græcis idem sonat quod Latinis *Custos*. Atque id optimo quidem consilio: quippe Christifidelium Ecclesia reli-

(a) *Lib. Contr. Judæos Tom. I. pag. 572.*

(b) *Glossar. Med. & Inf. Latin. V. Patrocinia.*

(c) *De Servor. Dei Beatific. Lib. IV. Par. II. cap. 4. n. 14.*

(d) *Anno XXXI. Copronimi pag. 375. Edit. Paris.*

religiosam superstitiosæ observationi opponere volens , non modo Ethnicorum Phylacteria (a) ut diabolicas inventiones , apud Christianos etiam invec̃tas proscripsit , sed Sacras præterea Reliquias tantum , aureis , vel argenteis , aut alterius cujuscvis materiæ thecis inclusas , hoc vocare nomine cœpit , fucosis illis , vanitatisque refertis hæc vere Sancta , & divinam quamdam adversus nociva quæque virtutem habentia subrogans , ipsumque nomen quodammodo sanctificans .

4. Hujusmodi Phylacteriorum quædam erant minora , majora quædam ; inclusaque in singulis plerumque habebatur Vitalis Ligni particula . Minora collo appendebantur , testantibus antiquis Patribus , inter quos , ut supra diximus , S. Joannes Chrysostomus . Hinc a Græcis ἐγκόλπια vocabantur , quippe quæ catenulis de collo ad pectus pendentia

tia

(a) Phylacteriorum usus antiquissimus apud Ethnicos , qui ut a certis morbis , certisque periculis immunes essent , collo appensos gestabant lapides quosdam , sive metalli laminas , sub certis astrorum aspectibus , insculptas characteribus magicis , ut videre est apud Pignorium (*Charact. Aegypt.*) Jacobum Gothofredum (*Leg. III. Cod. Theodof. de Malef.*) ; & Carolum Patinum (*Introduçt. a la Connoissr. des Medailles pag. 140.*) . Amuleta etiam vocata fuere , imo apud Medii Sæculi Scriptores *Brevia* , & *Ligaturæ* . Ad hoc genus referenda putant nonnulli ea antiquorum Idola , quæ iter facientes , aut cum hostibus congressuri , in viis , & castris secum adferebant , quorum nempe tutelæ , fideique vitam , & fortunam crederent , ut fuscè probat Spencerus (*De Legib. Hebræorum Ritual. Lib. III. Cap. 3. Dissert. 1.*) utque colligere licet ex Rachelis historia , patris sui Teraphim suffurantis (*Gen. xxxi.*) . Quemadmodum autem hæc Gentium deliramenta per os Patriarcharum , & Prophetarum se odiisse testatus est Deus , ita ea Catholica Ecclesia semper execrata est , ac tandem in Laodicensi Concilio (*Can. 36.*) vetuit , illisque Sanctorum Reliquiis ornatas thecas suffecit , Phylacteriorum retento nomine : quod nec novum , nec singulare in Ecclesia Dei , quæ res plurimas , atque usus ab Ethnicis institutos , eorumque nomina ad sanctiorem cultum redegit , ut probant P. Michael-Angelus Carmeli , magno Litterariæ Reipublicæ detrimento nuperrime defunctus , in Opere , cui titulus : *Storia di varj Costumi Sacri , e Profani* , & Joannes Marangonius in Tractatu inscripto : *Delle cose Gentilesche ad uso delle Chiese* .

tia gestabantur; ἐγκολπιζω etenim a κόλπος *sinus*, est *in sinum recipio* : unde Anastasius (*a*) : *Crucem cum pretioso Ligno, vel cum Reliquiis Sanctorum ante pectus portare suspensam ad collum, hoc est quod vocant Encolpium*. Ejusmodi Encolpia ab Imperatoribus præsertim, & Patriarchis Constantinopolitanis gestari solita fuisse testatur Octava Synodus (*b*), testantur passim Byzantini Scriptores, a Ducangio (*c*) citati, testantur denique Numi, in quibus *Encolpium* perspicue exhibetur : atque ab hoc more Episcopis auream, vel argenteam Crucem è sinu pendentem gestare Sacris Reliquiis refertam usuvenisse, post Magrium (*d*) merito credidit Philippus Venutus (*e*).

5. Encolpii, sive minoris Phylacterii forma plerumque videtur fuisse Crucis : quod constat non modo ex citati Anastasii verbis, sed etiam ex Gregorio Magno, qui ad Theodelindam Langobardorum Reginam scribens hæc habet : *Adulovaldo Regi transmittere Phylacteria curavimus, idest Crucem cum Ligno Sanctæ Crucis Domini* (*f*). Interdum tamen eadem rotundæ, interdum etiam quadratæ formæ fuisse colligimus tum ex iis, quæ de Encolpio Romani Diogenis refert Ducangius (*g*), tum ex historia alterius Encolpii, quod Martinus Abbas anno 1205. Ecclesiæ Parisiensi largitus est, quodque Græcorum Principes collo appensum diebus maxime

(*a*) *Ad Act. v. Octavæ Synodi.*

(*b*) *Act. viii.*

(*c*) *In not. ad Alexiad. Annæam pag. 247. Edit. Paris. & Dissert. 26. ad Joinvillam.*

(*d*) *Hierolex. V. Encolpium.*

(*e*) *Dissert. de Cruce Cortonensi pag. 22.*

(*f*) *Epistolar. Lib. XIV. al. XII. Epist. 12. al. 7.*

(*g*) *Not. ad Alexiad. pag. 277.*

me festis soliti erant circumferre ; ut ex Gunthero refert Raynaldus (*a*).

6. Sed ad majora Phylacteria, ad quæ nostra certe Tabula spectat, veniamus. Horum itaque originem in Orientali Ecclesia nonnulli, ut notat laudatus Venutus (*b*), ad annum Ær. Chr. 971. referunt, in quo Imperator Joannes Tzemisce, post celebrem illam victoriam ex Bulgaris relatum, de qua loquitur Zonaras (*c*), Constantinopolim ingressus, Deiparæ Virginis Imaginem, cui victoriam illam referebat acceptam, triumphali currui, quem ipsi Senatus paraverat, impositam, albo insidens equo antecessit. Ab eo igitur anno horum Phylacteriorum usum apud Augustos Byzantinos inductum putant; atque hujus opinionis fautorem se habere autumant eruditissimum Ducangium (*d*), qui tamen solum asseruit, Cruces omnes, aut Tabulas nostræ adsimiles possessoribus ante id temporis pro privatis tantum Phylacteriis intervuisse: quod quidem non inficiabimur. Earum vero originem apud Orientales licet ignorare fateamur, anteriorem tamen esse Joannis Tzemisce Imperio credimus: quod probare videtur inscriptio Crucis Cortonensis a laudato Venuto illustratæ, quam Clarissimus Auctor Nicephoro Phocæ, dicti Joannis antecessori, adjudicandam censet; atque adeo ceteris omnibus ejusmodi Græcanicis Phylacteriis, quotquot usque adeo novimus, antiquiorem probat: quod certe constat ex iis quæ de hoc argumento differuerunt eruditissimi

C

viri

(*a*) *Annal. Eccl. Tom. I. Ann. 1205. n. 41.*

(*b*) *Dissert. cit. pag. 17.*

(*c*) *Annal. Par. III.*

(*d*) *Dissert. XXVI. in Joinvillam.*

viri Bernardus Montfauconius (*a*), Carolus Ducangius (*b*), Anselmus Costadonus (*c*), Philippus Venutus (*d*), Antonius Franciscus Gorius (*e*), & inter alios doctissimus, præstantissimusque Senator Venetus Flaminius Cornelius, qui tres hujusmodi Tabulas Græcas in Ducalis Basilicæ S. Marci Cimetærio adservatas, ea qua solet eruditione, post Joannem Theupolum (*f*) illustravit (*g*) : quibus, ne ab aliis actum agere videar, ne verbum quidem addam.

7. Altius vero repetenda videtur horum Phylacteriorum origo in Occidentali Ecclesia. Inter antiquissimos namque ritus Monasterii Farfensis, quod saltem VII. circiter labente Sæculo erectum constat ex ejus Chronico, a Clariss. Ludovico Antonio Muratorio edito (*b*), hæc legimus : *Post versum seniores ponant Phylacterias super altare hinc inde, sicuti in choro consistunt (i)* : & in Vita S. Benedicti Ananienſis Abbatis, qui ad Sæculi VIII. finem, & IX. initium florebat, memoratur *Tabula Sacrata, in qua Beati Dionysii erant Reliquiæ, aliorumque Sanctorum plantatæ (k)*. Ex quibus colligere licet, antiquiorem etiam in Ecclesia Occidentali, quam in Orientali fuisse usum ejusmodi Sacra Phylacteria super
alta-

(*a*) *Diar. Ital. Cap. IV. pag. 53. & seq. ; & Palæogr. Græc. Lib. IV. cap. 6.*

(*b*) *Dissert. cit.*

(*c*) *Observat. in pervet. Icon. Ligni S. Crucis.*

(*d*) *Dissert. cit.*

(*e*) *Comment. de Mitrato J. C. Capite.*

(*f*) *Trattato delle Santissime Reliquie ec.*

(*g*) *Eccl. Ven. Illustr. Dec. XIII. Par. 1. pag. 152. & seqq.*

(*h*) *Rer. Italicar. Tom. II. Par. II.*


(*i*) *Guidon. Discipl. Farfen.*

(*k*) *Sæc. XIV. Benedict. Par. 1. pag. 206.*

altaria publicæ fidelium venerationi statuendi : quæ consuetudo jam inde ab eo tempore initium cœpisse, atque inolevisse videtur, quo, nimis aucto eorum numero, qui aut morum sanctitate, aut sanguinis effusione Ecclesiam Dei illustrarunt, Sanctorum nomina in Sacris Diptychis scripta legi in Ecclesiis, ut moris erat, desueverunt, & Dipthycha ipsa cum Sanctorum Reliquiis super altaria Sacrorum Mysteriorum tempore collocari cœperunt: quod ex Missæ Flaccianæ apud Edmundum Martene (a), & Dionysianæ apud Salig (b) erui notavit Sebastianus Donati in eruditissimo opere Italice edito de Veterum Dipthychis (c); cujus exemplar ad me Luca dono misit eximiae doctrinæ vir, mihiq; amicitia conjunctissimus Joannes Baptista Marcucci, Congregationis Matris Dei Lucensis Presbyter, cui & pro aliis monumentis, quibus huic meo labori perficiendo operam contulit suam, gratum animum testor. Dubium itaque oriri posset, utrum Latini a Græcis, ut putat Cl. Costadonus (d), an vero Græci a Latinis morem hujusmodi Tabulas condendi, & in ipsis Lignum S. Crucis inferendi mutuati fuerint: cui dubitationi pondus addit Crux illa, quæ in Thesauro Basilicæ Baptisterii Florentini adservatur, ab Antonio Francisco Gorio in citato Commentario illustrata, quæ nullum exhibet Græcanicæ institutionis, aut moris characterem, & Caroli Magni Francorum Regis donum fuisse creditur.

C 2

8. Ut



(a) *De Antiq. Eccl. Rit. Lib. I. cap. 4. art. 12.*

(b) *De Diptychis Veter. &c.*

(c) *De' Dittici degli Antichi Lib. I. cap. 17. pag. 63.*

(d) *Observat. eit. cap. 1.*

8. Ut ut sit (possent enim Phylacteria, seu Tabulæ, de quibus apud laudatos Scriptores fit mentio, Imperatorum, & Patriarcharum Orientalium fuisse munera, ad Principes, & Monasteria Occidentalis Ecclesiæ missa; licet hoc probari minime possit) illud certum est, Phylacteria majora Græca, de quibus præsertim loquimur, Augustorum, & Augustarum potissimum Constantinopolitanorum, aliorumque Imperialis Familiæ Principum devotioni condita, ac dicata fuisse: quod satis constat ex iis pene omnibus Tabulis, quotquot novimus a citatis Auctoribus illustratas, & de nostra item mox aperte constabit. Iis autem possessores non pro Phylacteriis tantum privatis utebantur, sed ea fidei etiam faciendæ, vel securitatis firmandæ gratia, & in mutui pacti, ac sacramenti confirmationem sæpe illis tradebant, mittebantve, cum quibus pactiorem inierant: qua occasione, licet minora etiam Phylacteria, sive Encolpia adhiberi solita Byzantini referant Scriptores, majoribus tamen tum plerumque uti consuevisse testantur, cum de maximi momenti rebus, ac de plena, & quæ neminem præterire deberet sponsione sancienda agebatur: cujus rei testimonium, ut alia omittam, habetur in Alexiade Annæa (a). Cum enim Alexii Imperatoris Mater Anna Dalassena in propriæ securitatis pignus ab Augusto Nicephoro Botoniate Crucem petiisset, oblatum a Strabomano ejus Ministro *Encolpium* recusavit, *Majus* ab Imperatore *Phylacterium* postulans: quod ideo dicebat (subdit Auctor Nobilissima) *ut manifestum exstaret indicium jurisjurandi sibi præstiti; si enim in parva Cruce promissio facta esset, latuisset ea plurimos.*

9. Quod

(a) Lib. II. pag. 53.

9. Quod vero ad majorum horum formam Phylacteriorum spectat , saltem apud Græcos , videtur usitator fuisse quadrata ; nam talia sunt ea omnia , quæ in Occidentalium Ecclesiarum thesauris ex Oriente asportata visuntur . Σταυροί , seu *Crucēs* ab ipsis vocabantur , quia in illis reconditæ Crucis particulæ exstabant , mediumque in ipsis locum tenebat Crux , vel ex ipso Vitali Ligno , vel ex pretiosa aliqua materia efformata : *Tabulæ* autem , *Tabelli* , & *Tabuleta* a Latinis appellabantur , quia ex asse vel picto , vel auro , aut argento incluso confecta erant . Apud hos tamen nonnulla formam etiam Crucis habuisse adparet ex laudata Cruce Basilicæ Baptisterii Florentini , licet theca illa , in qua nunc clauditur , recentis sit artificii .

His de origine forma , & usu Phylacteriorum apud Christianos in genere delibatis , ad Tabulæ nostræ descriptionem gradum faciamus .



CAPUT SECUNDUM.

Tabule nostræ Generalis Descriptio.

I.



X crasso Tiliæ Orientalis asse Tabula hæc nostra constat, cujus longitudo xvi. uncias Veneti pedis æquat, latitudo xi; crassitudo vero $1\frac{1}{3}$. Ejus antica pars pictis imaginibus, multicoloribus lapillis, unionibus, nonnullisque argenteis laminis deauratis ornatur, posticam vero argentea lamina tegit. Margines, seu extremitates ejus aliæ efformant crassiores laminæ ex cupro deaurato, totamque Tabulam argenteus pes excipit, ac sustinet, in hastæ formam definens, ut ad gestationem in publicis supplicationibus sit accommodata.

Affis ad quartam circiter unciaë partem in medio ita est excavatus a vertice, xiv. uncias in longum, vii. vero in latum, ut quamdam veluti capsulam repræsentet, quæ ejusdem ligni operculo clauditur, a summitate immisso per quosdam canaliculos, seu commissuras, in ipsius affis lateribus, quæ hinc inde supererminent, iccirco efformatas. Operculo amoto adparet in media Tabula exquisiti operis Crux ex argento deaurato filatim elaborata, in qua Christi Cruci affixi imago ex argento pariter deaurato fusa conspicitur. Ad Crucis latera quatuor hinc illincque Icones prominent, quarum duæ superiores, in lamina argentea deaurata anaglyphico opere sculptæ, Sanctos Archangelos Michaellem, & Gabrielem, inferiores vero, in vitro depictæ, Constantinum Magnum, Divamque matrem ejus Helenam exhibent.

Inter

Inter superiores, & inferiores Icones duæ in ipsa Tabula excavatæ arculæ exstant, duæque aliæ sub inferioribus imaginibus, quæ totidem argenteas thecas deauratas continent; in quarum primis duæ Vivificæ Crucis D. N. Jesu Christi portiones, in secundis vero particulæ duæ Sanctissimæ ejus Tunicæ asservantur. Reliquam tandem interioris Tabulæ aream vestiunt argenteæ laminæ, encausto carulei coloris, aureisque huc illuc stellulis depictæ.

2. E Tabulæ nostræ pede argenteis catenulis appensæ pendent parvula Crux, & Ancora ex argento efformatæ (Tab. 1.). Prima in parvæ thecæ formam efficta conspicitur, in qua Vitalis Ligni particula aliqua quondam servabatur. Ea Crux est pectoralis (ut vetus habet apud Sodalitatis nostræ Confratres traditio) ipsius Bessarionis. Ab eo autem ferunt ancoram etiam supradictam collo pendentem una cum pectorali Cruce gestari consuevisse: cujus rei testimonia cum invenire non potuerim, doctissimum Dyrichii Archiepiscopum Josephum Schirò, cujus summam in me benignitatem nunquam fatis mirabor, per litteras consului; qui solis conjecturis sententiam hac de re ferri posse, humanissima ad me data responsione, nuper exposuit. Nam cum apud Græcos S. Martyris Clementis Ancyranî nomini, & sepulcro ea præcipue ratione honor, & cultus in dies magis auctus fuerit, quod ex ejus invocatione, ac meritis plurimi urgentes fluctus, & sævas maris tempestates evaserint, id apud eos in more positum est, ut aureas, argenteas, ferreas, plumbeas, & ligneas etiam ancoras, pro cujusque conditione, ac viribus sibi comparent, easque S. Martyris Aræ, Lipsanisque devote primum admotas, atque ex eorum contactu quodammodo sanctificatas, collo appen-

appensas propterea gestent, ut adversus maris pericula sacro aliquo pignore, ac præsidio muniantur. Hujusmodi porro esse putat laudatus Archiepiscopus ancoram hanc nostram, quam Bessario, vel ex voto emisso impendentis alicujus tempestatis, a qua fuit ereptus, occasione, vel devotionis ergo, tamquam Sacrum Amuletum gerere solebat. Neque alienum a vero esset, si quis existimaret hujusce nautici instrumenti formam, tamquam firmitatis Fidei Symbolum ad aliorum exemplum fuisse a Bessarione perlatam. Notum enim est, ac pervulgatum opus S. Epiphaniî Constantiæ, seu Salaminæ in Cypro Episcopi, titulo *Ancorati* inscriptum, quo ceu sacra ancora stabilirentur Fideles, ne a falforum dogmatum fluctibus, aut ab omni vento doctrinæ circumferrentur.

3. Tandem argentæ illi laminæ, quæ posteriorem Tabulæ partem exornat, altera minor lamina affixa cernitur, in qua hanc ipse Bessario sculpendam curavit Epigraphen, de qua Dissertationis hujus capite x. iterum instituendus erit a nobis sermo.

BESSARIO. EPISCOPUS. SABIN.
CARDINALIS. NICÆNUS. PATRIAR-
CHA. CONSTANTINOPOLITANUS.
BEATÆ. VIRGINI.
MARIÆ. SCHOLÆ. CARITATIS.
VENETIIS.

4. Sola hæc generalis Sacræ Tabulæ nostræ descriptio satis superque Francisci Sanfovini (a) errorem detegit, qui
tantum

(a) Venez. Descritta. Lib. VII.

tantum laudati Cardinalis munus simplicem tabulam , imo tabellam pictam , non vero solidum opus , ac pretiosissimum , cujusmodi revera est , existimavit : quem errorem ipsissimis Sanfovini verbis exscripsit Petrus Antonius Pacificus (*a*) . Nec veritati omnino consonum est quod Anonymus quidam Congregationis Oratorii Auctor (*b*) nuperime , de eodem Sacro Pignore verba faciens , vulgavit ; auream nempe Crucem illud vocans , in qua Vitalis Ligni particula , & parvula Dominicæ Vestis portio clausa servatur : quæ partim falsa esse , partim vero minus accurate exposita , ex iis , quæ speciatim de singulis Tabulæ nostræ partibus differemus , clarius constabit.



D

C A-


(*a*) *Cronaca Veneta* . pag. 481.

(*b*) *Vite e Memor. de' SS. spett. alle Chiese di Venez.* Tom. IV. pag. 119.

CAPUT TERTIUM.

De Picturis, quæ anteriorem Tabulæ nostræ partem exornant.

I.



N quatuor igitur quasi segmenta antica Tabulæ hujus nostræ facies dividitur : etenim a vertice excavatus in medio assis, ut diximus, duo latera, & basim Lipsanothecæ efformat ; medium vero segmentum reliquis latius, licet ab ipsa Tabula sejunctum, ut monuimus, vices tamen operculi gerens, in unam quodammodo cum duobus lateribus, & basi continuam superficiem coalescit, ut Tab. II. repræsentat.

Pictis imaginibus universa hæc superficies ornatur, gypso primum, deinde coloribus, ac denique gummea quadam litura ad splendorem, durabilitatemque induc̃ta. Singula duo latera, perpendiculari descriptione servata, in tres æquales areolas parallelogrammæ formæ distinguuntur, in quarum singulis præcipua Christi Patientis Mysteria repræsentantur. Inter unam, & aliam areolam veluti quædam angusta parastasis ex argento deaurato, multicoloribus lapillis, atque unionibus ornata, media est ; singulis autem Græca superposita habetur inscriptio.

2. Prima dexteri lateris areola (A) turbam multam exhibet cum laternis, facibus, & armis, Juda Iscariote præeunte, a quo utpote amplexante, & os ad os apponente, Christus Jesus proditus cernitur, ut ipsa quoque Epigraphe ΙΠΟΔΟΧΙΑ testatur, hoc est *Proditio*.

3. Lævi lateris oppositi areola (B) prima (Historiæ namque sequi malumus ordinem, quam eum quo dispositæ sunt

sunt

sunt tabellæ) Herodem Antipam Galileæ Tetrarcham , qui id temporis Pascha celebrandi causa Hierosolymis versabatur , repræsentat , stricto sceptro existentem inter exercitus sui Duces , mediumque inter duos milites Jesum , tunica coccinea , & purpurea quadam veluti stola indutum , quasi ab ipso Herode illusum , & ad Pilatum redeuntem : quod explicat inscriptio Ο ΕΜΠΑΙΓΜΟC, idest *Illusio*,

Patet ex Lucaë Evangelio (a), Herodem, ad quem Christum miserat Pilatus , cum de multis illum interrogasset , nullumque ab eo responsum tulisset , sprevisse illum cum exercitu suo , & tamquam fatuum , ac sensu carentem hominem contempsisse , indutumque veste alba ad Pilatum remisisse . Cujusnam generis vestimentum hoc fuerit dissident inter se Eruditi , ut apud Casaubonum (b) fuse de hoc differentem licet inspicere . Verosimilior tamen eorum videtur sententia , qui observantes græcam dictionem λαμπράν , quæ apud Evangelistam legitur , non proprie quam dicimus *albam* vestem significare , sed *splendidam* potius , & *nitentem* ; quod magis fulgorem , quam colorem vestium indigitat ; regale hic indumentum designari putarunt . Eo enim modo quasi fatuum illusum fuisse constat ab Herode insignibus regis Dominum , affectati Regni accusatum : ut etiam animadvertunt ad hunc locum Tirinus , & Calmet , qui hoc adjungunt , ex Syriaca versione hic *coccineam* vestem designari , seu *purpuream* Regibus propriam , & Christo irridendo appositam : quam versionem Eruditi plures se-

(a) Cap. XXIII. v. II.

(b) Exercit. XVI. in Baron.

quantur Baronius (*a*), Montacutius (*b*), Stukius (*c*), aliique.

Pictor igitur noster regalibus indutum vestibus Servatorem repræsentans, duos hosce colores distinxit, *Coccineum* in tunica, & *Purpureum* in stola. Licet enim duo hi colores sæpius a Scriptoribus confundantur, diversos tamen esse probat inter alios Joannes Braunius (*d*), qui *purpura* rubrum quidem colorem significari affirmat, sed exuberantem, & instar nigricantis rosæ; *coccino* vero rubrum, sed rubedine florida, hilariori atque dilutiori instar rosæ micantis.

4. In secunda ejusdem lævi lateris areola (*C*) Christus designatur flagellatus; quod hoc verbo exprimitur Η ΜΑΣΤΙΓΩΣΙΣ, seu *Flagellatio*. Non omnino nudus in Tabula nostra exhibetur Jesus, sed ad modestiam satis velatus: quod licet omnium Scriptorum sententiæ adversari affirmet Suarezius (*e*), magis tamen veritati consentaneum esse credimus cum Augustino Calmet (*f*), Ægidio Strauchio (*g*), & Joanne-Jacobo Seypellio (*h*).

A duobus tantum militibus non virgis, ut liberi, sed flagris, ut servi affici solebant (*i*), cæsus pingitur, ut communior fert opinio: quippe *femetipsum exinanivit*,
for-

(*a*) *Ad Ann.* xxxiv. n. 39.

(*b*) *Origin. Eccles. Tom. I. Par. II. pag.* 387.

(*c*) *Antiquit. Conviv. Lib. II. cap.* 26.

(*d*) *Vestit. Sacerd. Hebr. Lib. I. cap.* 10.

(*e*) *In 3. Par. D. Th. Tom. II. Disp.* 36. *sect.* 4.

(*f*) *Dissert. de Suppliciis S. Script.*

(*g*) *De Flagellandi ritu ap. Hebr. num.* 20.

(*h*) *De Flagellandi ritu ap. Rom. num.* 15.

(*i*) *Paulus l. 4. ff. de incen. ruin. & nanfrag. Ulpian. l. levia ff. de pœn.*

formam servi accipiens (a). Quatuor fuisse lictores, diræ hujus Pilati immanitatis ministros affirmat Cornelius Janse-
nius Yprensis Episcopus (b); unum vero tantum ex Hieronymo (c), Romanorum more Pilatum hæc decrevisse docente, colligi posse docet Benedictus XIV. (d); cui in id consentientibus Scriptoribus omnibus, singularis Venerabilis Bedæ (e) sententia non probatur, qui nimium forte litteræ inhærens, Jesum flagellis cæsum inon ab alio, quam ab ipso Pilato arbitratur. Eidem vero Bedæ merito opponitur inter alios Lyranus (f), docens Pilatum flagellasse Jesum *non per se ipsum immediate, sed per milites suos, ac ministros*. Serryus item (g), & D. Hieronymi vestigia premens, & Buxtorfii auctoritati innixus, seu consuetudini tam Romanorum, quam Hebræorum inhærens, stat pro uno lictore flagellante. Ceterum nihil certi de eorum numero, qui Dominum flagellarunt, statui posse affirmat cum aliis Clarissimus Cardinalis Gotti (h).

5. Pedibus columnæ alligatis, & manibus inter se fune strictis Servator cernitur, quemadmodum Ecclesiæ fert traditio, quicquid effutiat Calvinus, ut observatum est a Gretfero (i), eaque columna oblonga, & alta est, respondetque columnæ illi, quæ visitur in Coemeterio S. Nicolai ad
Car-

(a) *Philipp. II. 7.*

(b) *In Cap. xxvii. Matth.*

(c) *Comment. in idem Matth. cap.*

(d) *De Fæstis D. N. J. C. Lib. I. cap. 7. §. 54. pag. 187. Edit. Rom. 1751.*

(e) *Ia Marci Cap. xv.*

(f) *In Cap. xix. Joann.*

(g) *Exercit. LII. num. 4.*

(h) *Della Verità della Relig. Crist. Tom. IV. Par. II. cap. 25. §. 1.*

(i) *Lib. I. de Cruce cap. 10.*

Carcerem Tullianum, ante septingentesimum annum facta, ut notat Federicus Cardinalis Borromæus (*a*) . Cujusmodi ea vere fuerit, diversa Scriptores tradunt. Breviorem fuisse probabilius putant nonnulli, inter quos laudatus Serrius: ipsissimam enim columnam, in qua Jesus Christus flagellatus fuit, quamque in Ecclesia Montis Sion positam quondam fuisse testantur Auctor Itinerarii Hierosolymitani (*b*), qui Constantini temporibus vixit, Hieronymus (*c*), Gregorius Turonensis (*d*), & Venerabilis Beda (*e*), ex orientalibus partibus anno 1223. a Joanne Cardinali Columna, cum Legati munus ibi exerceret, delatam, & Romæ in Ecclesia S. Praxedis collocatam fuisse, ubi nunc etiam adservatur, Raphael Volaterranus (*f*), Onuphrius Panvinius (*g*) Alphonsus Ciacconius (*h*), alique Scriptores tradiderunt. Hanc vero columnam Romanam, quæ brevis est, ut ejus ectypa ostendit imago a Joanne Ciampino (*i*) evulgata, licet integram esse probabilius judicet P. Honoratus a S. Maria (*k*), ejus tantum partem tamen esse alii eruditi viri censent, inter quos laudatus Benedictus XIV. (*l*) . Cui quidem sententiæ favere videntur memorati Patres, & præcipue citato loco Hieronymus, qui de Paula sacra loca

Hie-

(*a*) *De Piæ. Sacra Lib. II. cap. 4.*

(*b*) *Ap. Gretser. loc. cit.*

(*c*) *Epist. 108. al. 27.*

(*d*) *De Glor. Martyr. Lib. I. cap. 7.*

(*e*) *De Loc. Sanct.*

(*f*) *Antropol. 22.*

(*g*) *Tract. de VII. Eccl.*

(*h*) *Vit. Pontif. & Cardin. in Jo. Columna.*

(*i*) *Vet. Monim. Par. I. Tab. XLIX.*

(*k*) *Animadv. in Reg. Crit. Lib. V. Dissert. V. Art. 3.*

(*l*) *De Canonizat. Sanctor. Lib. IV. Par. II. Cap. X. §. 16.*

Hierosolymis perlustrante ait : *ostendebatur illi columna , Ecclesiae porticum sustinens , infecta cruore Domini , ad quam vindictus ducitur , & flagellatur* : quæ verba humili nimis Romanæ Columnæ convenire non videntur , nisi pars tantum esse dicatur , basis scilicet , seu capitulum ejus Columnæ , qua , juxta Hieronymum , porticus Ecclesiae Montis Sion fulciebatur .

6. Exhibetur in secunda lateris dexteri areola (D) Christus vestimentis suis iterum indutus , & ligatis manibus , adstante , ut videtur Pilato , & alio Principe , seu Regulo , cujus vestis stellulis aureis distinguitur , ab uno milite ductus ad crucifigendum , ut his verbis adnotatur : *ερχο ες τὴν* ; quæ contractæ inscriptionis voces ita supplentur : *ἐρχόμενος ἐπὶ σωτῆρα* , idest *vadens ad Crucem* ; quod expresse habemus apud Matthæum (a) : *& milites induerunt eum vestimentis ejus , & duxerunt eum ut crucifigerent* .

7. Tertia ejusdem lateris areola (E) Christi Crucifixionem designat . Cernitur itaque erecta jam Crux , quam miles quidam ad basim cuneis adigens firmat . Cruci Scala adposita , ac duo milites Servatorem in Crucem attollentes ; nempe alter ad sinistram erecto scamno superpositus eum efferens , alter e terra ex alia parte eundem sustinens . Ipsa Epigraphe *ΙC ΧC ANABAC ΕΠΙCΤΑΤΡΟΙ* , hoc est *Jesus Christus ascendens in Crucem* , modum hunc Crucifixionis declarat , quem exhibet pictor , quemque usitatio apud antiquos fuisse probat Lipsius (b) ; licet in Crucem etiam humi positam aliquando agi fontes consue-

viffe

(a) Cap. xxvii. v. 31.

(b) De Cruce Lib. II. cap. 7.

viffe tradat . Hinc quamvis inter Scriptores quæstio fit , utrum Servator noster erectæ , an vero humi positæ Cruci affixus fuerit , & pro secunda hac opinione stent Salmeron (*a*) , Quaresinius (*b*) , & Gretferus ipse (*c*) , qui eam existimat probabiliorem , in erectam tamen Crucem actum existimant Eruditi pæne alii omnes , qui de hac re differuerunt , Binæus (*d*) Nicquetus (*e*) , Calmet (*f*) , Vetus Auctor Tragediæ , cui titulus *Christus Patiens* , Benedictus XIV. (*g*) , Serryus (*h*) , qui hoc inter omnes *certo certius* affirmare non dubitat , Sandinus (*i*) aliique permulti , quorum sententiæ favent Veteres Patres Athanasius (*k*) , Hilarius (*l*) , & Augustinus (*m*) .

8. Oppositi lateris areolam tertiam (*F*) occupat Jesu Christi a Cruce avulsio , seu depositio , illique titulus H AΠΟΚΑΘΗΛΩCΙC , hoc est *Refixio* . Ambæ Christi manus è clavis liberæ pendent , infra cujus brachium dexterum pars ejus corporis superior a B. Virgine sustinetur ; scalæ , autem innixus vir quidam lævum Domini brachium sinistra , reliquumque Corpus a tergo dextera manu sustentat . Josephum
ab

(*a*) *Tom. X. Comment. in Evang.*

(*b*) *Elucidar. Hist. Theol. & Mor. Terræ Sanctæ Tom. II. Lib. V. cap. 36.*

(*c*) *Loc. cit. cap. II.*

(*d*) *De Morte Christi Lib. III.*

(*e*) *Hist. Tit. S. Crucis. Lib. I. cap. 19.*

(*f*) *In cap. xxvii. v. 32. Matth.*

(*g*) *De Festis D. N. J. C. Lib. I. cap. 7. §. 83. pag. 212.*

(*h*) *Exercit. LIV. num. 2.*

(*i*) *Hist. Fam. Sacr. cap. 13. de Christo §. 18.*

(*k*) *Serm. de Pass.*

(*l*) *Lib. X. de Trin.*

(*m*) *In Append. Serm. de Divers. Serm. LIX. cap. 3.*

ab Arimathæa hic a pîctore credimus repræsentari ; ejus enim caput circumstat nimbus , quo Sanctitas ejus designatur . Græca quippe Ecclesia eum semper coluit , ejusque festum celebrat die 31. Maii . Etiam in Martyrologio Romano nomen ejus legitur , sed multo serius scriptum , nempe post annum 1585. (*a*) . Ad Crucis denique suppedaneum vir senex conspicitur , qui e Christi pedibus clavos educere nititur , quique Nicodemum forte exhibet ; ac post eum , sed in parte superiori vir junior visitur , qui S. Joannem Evangelistam repræsentat , licet ob incitiam pîctoris nimbo carentem , quo Virgo Maria , & Nicodemus emicant .

9. Tandem areola (G) quæ basim , ut diximus , Lipsanothecæ hujus efformat , quæque inter adhuc descriptas areolas interjacet , Christi Sepulturam designat , eique superposita inscriptio : ΤΟ ΕΠΙΤΑΦΙΟΝ , seu *Epitaphium* : quæ quidem vox pro sepulcro ponitur in veteri Inscriptione apud Gruterum (*b*) : Græcos autem medii , & inferioris ævi , *Christi in sepulcro jacentis imaginem* hac voce significasse observat , ex Simeone Thessalonicensi (*c*) , Jacobus Goar apud Ducangium (*d*) .

Funeris Christi curatores fuisse duo discimus ex Evangelio , Josephum nempe ab Arimathæa , & Nicodemum , non ex infima plebe viros , sed illustres , ac nobiles : primum quidem divitem Decurionem , qui a Pilato petiit Corpus Jesu (*e*) , secundum vero Principem Judæorum (*f*) , qui

E magnam ,

(*a*) Bolland. die VII. Mart. pag. 507. 508.

(*b*) Inscript. Ant. Tor. Orb. Tom. IV. pag. LXXXVIII. Edit. Amstel. 1707.

(*c*) Lib. de Templo.

(*d*) Glossar. Med. & Inf. Græcit.

(*e*) Luc. XXIII. 50.

(*f*) Joann. III. 1.

magnam, quam secum ferebat aromatum copiam, illi curando, & ungendo suppeditavit (a). Duo alios in hac areola nobis exhibet pictor, præter eos; Mariam nempe Dei Matrem, & Joannem Evangelistam. Cernitur itaque Christi Corpus extra sepulcrum sindone involutum, & linteis, fasciisque a pedibus ad collum usque colligatum, ut moris erat apud Judæos (b). Prope ejus pedes Nicodemus, ad genua S. Joannes, ad caput Joseph, quasi ex ostio monumenti, quod in petra quadrato ferme opere excavatum repræsentatur, Sacratissimum Corpus excepturus. Inter hos media Beata Virgo quasi osculum mortuo Servatori figens: quam quidem, licet Evangelistæ taceant, Josepho tamen, & Nicodemo Christi pollinctoribus adjungit Metaphrastes, itidemque universa fere pictorum turba, illiusque sacrum vultum sudario, ut ferebat usus, deterfisse scribit (c). Ceterum hic observandum superest, prædictas figuras omnes nimbo esse circumdatas, præter unum Nicodemum. Illud item animadversione dignum duco, Beatæ Mariæ Virginis vestem aureis maculis parvulæ rosæ formam referentibus (quibus alii parvulas cruces floridas, alii vero stellulas a pictore exhiberi voluisse conjiciunt) conspici depictam, quarum una velum quo ejus frons obtegitur, adumbrat: quod etiam in simili habitu ejusdem Virginis in areola Reflexionis, quam declaravimus, observare licet. Sed de his parvulis Crucibus, ac stellulis nonnulla inferius adnotabimus.

10. Re-

(a) *Ibid.* XIX. 39.

(b) *Ibid.* v. 40.

(c) *Orat. de Ortu & educat. SS. N. Deip.*

10. Reliquum est ut de picturis , quæ Tabulæ operculum (H) exornant , loquamur . Servator igitur in medio operculo visitur Cruci adfixus, promissis capillis ex una tantum parte, seu sinistra defluentibus, brevique barba, ut passim in Orientalium Imperatorum numis conspicitur ; nec tamquam mortuus clausis oculis , sed tamquam vivus , ac pæne loquens exprimitur: quod pluribus inspectis monumentis se observasse testatur laudatus Antonius Franciscus Gorius (*a*) in antiquissimis Christi in Cruce suspensi imaginibus.

11. Crux ejus est generis, quæ vocatur *immissa* , in qua scilicet stipes supra lignum transversum eminet : quam Crucis Christi veram fuisse formam communior est Patrum, & Interpretum sententia, quamvis pro *commissa*, quam Græcorum littera Tau, & Latinorum T repræsentat, nonnulli stare videantur, ac præcipue Serryus (*b*); quas inter partes, tamquam spectator otiosus affidet Sandinus.

12. Nullus Cruci nostræ Titulus; sed tantum circa superiorem stipitis extremitatem hinc atque illinc in lamina argentea deaurata, quæ ibi operculum tegit , sculpta Epigraphe H CTATPΩCIC, idest *Crucifixio* . Hæc autem eadem Epigraphe etiam sub lamina prædicta in ipsa Tabula legitur characteribus antiquiorem ævum redolentibus , minio depictis : quod mihi , cui Tabulæ huic reficiendæ præesse commissum fuit, datum est observare. Tituli defectum non modo in Crucibus illis , quæ Stationales vocabantur , de quibus erudite inter alios agit Ciampinus (*c*) , sed in plu-

E 2 ribus

(*a*) *De Mitrato Cap. J. C. pag. 159.*

(*b*) *Exercit. LIII. num. 4.*

(*c*) *Veter. Mon. Par. II. cap. 6.*

ribus etiam aliis Servatoris Iconibus Cruci adfixis notavit Dominicus Maria Manni (*a*). Quo autem consilio Titulus omitti consueverit apud veteres, quem supra Crucem a Judæis positum omnes testantur Evangelistæ (*b*), aliorum judicio relinquit laudatus Auctor : quem ego quoque non ejus tantum, sed aliorum etiam Scriptorum exemplo, & præsertim laudatissimi Laurentii a Turre (*c*), qui idem usu olim venisse observavit in Imagine Christi Cruci adfixi in antiqua Tabula sculpta, potius imitari statueram, quam nullius momenti conjecturis acquiescere. Verum cum acris ingenii, optimæque eruditionis viro Bartholomæo Sabbionato Mothenfi (quocum plurimis ab hinc annis arctissima mihi intercedit amicitiae necessitudo, & familiaritas, qua fit, ut litterarios labores nostros, bono quidem utriusque emolumento vicissim communicemus) meum hac de re propositum patefecissem, hujusce omissionis haud improbabilem causam, ut mea sane fert sententia, mihi suggestit. Cum enim ex Stephani Infessuræ Chronico, ut observat Joannes Ciampinus (*d*), & post eum Sandinus (*e*), titulus Crucis mille circiter annos latuerit, sive usque ad annum 1492. sub Innocentio VIII. in summitate majoris arcus Basilicæ Sessorianæ, seu S. Crucis in Hierusalem, illic inclusus vel ab ipsa D. Helena Constantini Matre, ut vetus habet ejus Basilicæ Inscriptio, vel a Valentiniano III. qui anno 425. fuit ad Imperium evectus, ut referunt Honuphrius Panvinius,

(*a*) *De Tit. S. Cruc. Cap. XIII. num. 4.*

(*b*) *Matth. XXVII. 37. Marc. XV. 26. Luc. XXIII. 38. Joann. XIX. 19. & 20.*

(*c*) *Dissert. de duobus Psalt. Forojul.*

(*d*) *De Sacris Ædific. Cap. III.*

(*e*) *Loc. cit. Cap. XV. §. II.*

nus, (a) & Joannes Severanus (b), hinc factum est, ut ante Sæculum XVI. Pictores fere omnes Crucem Domini effingentes, & ab archetypo abludere sibi ipse religioni ducentes, eam sine titulo, ut re vera in dicta Ecclesia ad ea usque tempora conspiciebatur, repræsentarint. Ceterum non inficiabimur nonnullas etiam antiquissimas Cruces reperiri Titulo ornatas; inter quas memoratu digna est Tabula quædam eburnea, vulgo *Pax* appellata, quam insigni Capitulo Forojulienfis Ecclesiæ, ubi etiamnum asservatur, dono dedit Ursus Dux Cenetensis, Petri Forijulii Ducis Frater, qui juxta Sigonium anno 705. florebat. In ea enim Christi imago Cruci adfixi sculpta cernitur, in cujus summitate hujusmodi legitur inscriptio: IHSNAZA

REXIVDE

quod mihi per humanissimum, mihiq; amicissimum singularis doctrinæ, atque eruditionis Virum Joannem Josephum Liruti, diversis, iisque insignibus Operibus, ac præcipue Monetis Forojulienfis, Notitiisque Forojulensium Eru-
ditorum & Virorum editis, Orbi Litterario satis cognitum nuper innotuit.

13. Non omnino nudus Jesus Christus a pictore nostro exhibetur Cruci adfixus, sed lata zona a renibus pæne ad genua usque nuda protegente. Nulla capiti ejus corona spinea: quatuor clavis confixus: pedibusque subjecta tabella est, in qua plantæ illæ sacræ quiescunt, & unamquamque clavis figit: quæ omnia num historicæ veritati consentanea sint breviter inquiremus.

Nudum

(a) De VII. Urb. Eccl. pag. 126.

(b) Mem. Sacr. delle VII. Chiese di Roma pag. 586.

Nudum igitur prorsus in Crucem sublatum fuisse Jesum ab Evangelii Scriptoribus licet aperte non significetur, haud obscure tamen indicatum fuisse observant plerique Interpretes, Sanctorum Patrum pæne omnium auctoritatibus innixi, inter quos præsertim Augustinus (a). Huic sententiæ calculum adjecit Benedictus XIV. (b), qui laudabilem ceteroqui cum omnibus consuetudinem vocat, imagines Jesu Christi Cruci adfixi non omnino nudas repræsentandi, ut spectantium honestati parcatur. Huic vero Clarissimo Auctori sæpe memoratus Serryus (c) præiverat, qui copiosum Patrum, & Eruditorum numerum pro sua parte pugnantium congeffit. Imo Alphonsus Paleottus (d) hoc ex Prophetarum vaticiniis adstruere conatur.

Nobis tantorum pace Scriptorum magis arridet cum D. Anselmo (e) eorum opinio, qui velamine aliquo ea, quæ pudor celari jubet, obvolutum fuisse Jesum tradiderunt, dum Cruci adfigeretur. Nam præterquamquod viri hистoriæ profanæ periti (f) eos, qui in crucem agebantur, non prorsus nudos è cruce pependisse testantur, nullo etiam negotio in hanc sententiam Patres omnes consentire probari potest, ut observat Gretserus (g), qui nudum in Cruce suspensum fuisse Jesum scribunt. Nudus enim vulgo dicitur, cui, ce-
teris

(a) *Lib. XII. contr. Faust.*

(b) *Loc. cit. §. 88. pag. 213.*

(c) *Exercit. LIV. num. 9.*

(d) *Spiegaz. della S. Sindone cap. VI.*

(e) *Dial. de Pass. Dom. cap. x.*

(f) *Menoch. de Rep. Hebræor. Lib. VI. Cap. 2. Tossat. Paradox. V. cap. 42. Salmeron. Tom. X. cap. 35.*

(g) *Lib. I. de Cruce cap. 22.*

teris licet vestibus expoliato, pars aliqua corporis adhuc velata remanet : non secus ac Joannes (*a*) nudum ait fuisse Petrum, cum illi manifestavit se Jesus ad mare Tiberiadis; quem tamen non omnino nudum fuisse communior est Interpretum opinio. Hoc autem magis convenire videtur Divinæ Servatoris honestati, ut pluribus probat citato loco Tostatus.

14. Quod ad Spineam Coronam spectat, ea ne capiti imposita fuerit Christus in Crucem actus, an secus, ut in Tabula nostra, disputant Scriptores. Cum autem nihil certi de hac re tradiderint Evangelistæ, qui pro Corona pugnat, Tertulliani (*b*), & Origenis (*c*) nituntur auctoritate. Horum tamen verba, post Tillemontium (*d*), ad examen revocavit laudatus Laurentius a Turre (*e*), atque ab iis contrarium erui probare contendit. A veritatis quidem specie abhorreere doctissimo quoque Augustino Calmet (*f*) videtur, Christum coronato capite Cruci adfixum fuisse : quippe milites postquam illuserunt eum, antequam ad crucem ducerent, Regni fictitias omnes ademisse notas probabilissimum est : nisi tamen velimus ad Calvarium Coronam rursus eidem immissam a militibus Romanis, ut verbis *Rex Judæorum* superposito titulo insertis responderet : quæ videtur esse opinio Duranti, Mellonii, & Ayalæ apud Bene-

(*a*) XXI. 7.

(*b*) *Lib. contr. Judæos cap. 13.*

(*c*) *In Matth. xxvii. 7.*

(*d*) *Mem. Eccl. Tom. I. Art. 18.*

(*e*) *Dissert. cit.*

(*f*) *In Matth. xxvii. 35.*

Benedictum XIV. (*a*). Quoquo modo res se habeat , ferius certe , ut animadvertit Cl. Gorius (*b*), mos invaluit , ut caput Jesu Christi Cruci adfixi spinis coronatum exhiberetur : quod in pluribus picturis , atque sculpturis antiquis se observasse testatur .

15. Non funibus , ut ex Heterodoxis nonnulli (*c*) somniarunt , sed clavis confixum fuisse Servatorem certo certius evincitur ex multis Scripturæ locis (*d*) . Eos autem non tres , sed quatuor fuisse , singulos nempe in quovis pede , ac manu , ut Tabula nostra repræsentat , ita communis Eruditorum fert opinio , Gregorium Turonensem (*e*) , aliosque antiquos Patres (*f*) sequentium , ut de hoc non sit cur loquendo diutius immoremur . Eruditis enim abunde consultum a doctissimis viris Baronio (*g*), Quaresmio (*h*), Curtio (*i*), Rocca (*k*), Bellarminio (*l*), Ayala (*m*), Serryo (*n*), Bonarrotio (*o*), Benedicto XIV. (*p*), & aliis , qui præter alia testantur , antiquissimas imagines Jesu Christi vel pictas , vel cælatas , vel sculptas , eum quatuor clavis

vis

(*a*) *Loc. cit.* §. 89. pag. 215.

(*b*) *Comment. cit.* pag. 179.

(*c*) *Westfalus apud Corn. Curtium de Clavis Dom. cap. 2.*

(*d*) *Psal. xxi. v. 18. Zacchar. xii. 10. & xiii. 6. Joann. xx. 25.*

(*e*) *De Glor. Conf. Lib. I. cap. 6.*

(*f*) *Auct. Serm. de Pass. Dom. inter Cypr. Opera. August. Medit. cap. vi. Innocent. III. Serm. de Uno Mart.*

(*g*) *Ad Ann. xxxiv. num. 118.*

(*h*) *De Vulnerib. Chr. Tom. II. cap. 9. Sect. 5. & 6.*

(*i*) *De Clav. Dom. cap. 2.*

(*k*) *Comment. de Partic. S. Cruc. Tom. I. pag. 262.*

(*l*) *In Proem. Opusc. de VII. Verb. Chr.*

(*m*) *Pict. Christ. Lib. III. cap. 17.*

(*n*) *Exercit. LIV. num. 3.*

(*o*) *Osservazioni sopra tre Antichi Dittici pag. 263.*

(*p*) *Loc. cit.* §. 87. pag. 212.

vis Cruci suffixum exhibere . Unum tantum notabimus a laudato Cl. Bonarrotio observatum , eam nempe consuetudinem , Servatoris Imagines pingendi , utrumque pedem , alterum alteri superpositum , atque unico clavo perforatum habentes , quæ hodie in Occidentali Ecclesia , licet non ubique , fervatur (Græci enim de quatuor clavis Dominicis traditionem mordicus tenent) originem habuisse tantum XIII. Sæculo , quo instaurari Artes cœperunt , & quo Margaritonem , ac Cimabuem primos tribus tantum confixas clavis pictis coloribus repræsentasse scimus Imagines illas Christi Cruci adfixi , quæ Florentiæ visuntur in Ecclesia S. Crucis . Quod forte consilium , ut notat laudatus Auctor , celebres Pictores cœperunt , Christi Imagines elegantius pingere autumantes , quas tunc nonnulli artifices , pedibus ad decussis figuram dispositis , pingebant , qui tamen singulis quique clavis erant confossi ; ut probat Jesu Christi Imago a laudato Curtio (*a*) exhibita . Paulo altius tamen Curtius ipse (*b*) petendum esse putat consuetudinis hujus initium , atque auctoritate ductus Lucæ Tudenfis (*c*) , ab Albigenium Hæresi eam manasse probat , qui præter alios errores , Imagines etiam Sanctorum impie fœdarunt , & Servatoris utrumque pedem in Imaginibus uno tantum clavo confixerunt , cum antea binis clavis suffixi pingerentur .

16. De Tabula item illa in infima Crucis parte posita , cui Servatoris pedes adfixi conspiciuntur , non levis apud Eruditos est disputatio . Eam quidem suppositam Christi pedibus fuisse docent perantiquæ aliæ Imagines innumeræ a

F

lau-

(*a*) *De Clav. Dom. cap. 11.*

(*b*) *Ibid. cap. 5.*

(*c*) *Lib. II. contr. Albigen.*

laudatis Auctōribus illustratæ, veteres numi apud Lipsium, & summæ auctoritatis Scriptores apud Gretserum (a), Augustinum Calmet (b), Benedictum XIV. (c), & alios. Ex veterum quoque Patrum testificatione nil hoc certius esse affirmat Serryus (d); quamvis re vera solus Gregorius Turonensis (e) tabulæ adfixas Christi plantas fuisse perspicue tradat: reliquis omnibus, qui pro hac sententia laudari scelerent, Patribus id obscure admodum indicantibus.

Sedile vero, seu fulcimen, quo in crucem acti velut inequistantes sustentabantur (de quo plures antiqui Auctores a P. Serryo relati (f) mentionem fecerunt, cujus tamen vix ullus ex recentioribus, quod mirum sane est, notitiam habuisse videtur) neque in Cruce nostra interiori, neque in ea de qua agimus, neque in aliis duabus minorum ararum, ubi Christus in Crucem sublatus, ab eademque depositus repræsentatur, ullo modo conspicitur expressum.

17. Ad Crucis latus dexterum Deipara Virgo, maximo, & floribus intersperso nimbo circumdata, non quidem exanimis, quod Patrum auctoritati adversatur, sed stans, ut ab Evangelistis describitur, & dolens, vultu in Filium converso, dextera manu in modum orantis extensa, sinistra vero faciem sustentans: quem quidem gestum proprium esse doloris erudite probat Cl. Bonarrotius (g), a quo idem obser-

(a) *Lib. I. De Cruce cap. 24.*

(b) *In cap. xxviii. Matth. v. 32.*

(c) *Loc. cit. §. 85. pag. 209.*

(d) *Exercit. LIII. num. 6.*

(e) *Lib. I. De Glor. Martyr. cap. 6.*

(f) *Loc. cit.*

(g) *Osservaz. sopr. alcuni Medaglioni, pag. 335. 336.*

observatum fuit in Diptycho Rambonenſi (a) . Juxta Mariam item ſtantes , & juſtum animi dolorem præſeferentes viſuntur tres aliæ Mulieres , omnes ſine nimbo , de quibus Matthæus (b) , ſcilicet *Maria Magdalene* ; *Maria Jacobi* , & *Joſeph Mater* ; & *Mater filiorum Zebedæi* . Primam non ſororem Lazari fuiſſe , ut plures Interpretes apud Maldonatum (c) , ſed peccatricem illam , ex qua Jeſus Chriſtus ſeptem ejecerat Dæmonia (d) , credimus cum Petro Bleſenſi apud Benediſtum XIV. (e) , pluribuſque Divini Verbi Interpretibus , inter quos Auguſtinus Calmet (f) . Secunda S. Jacobi Minoris mater , & Joſephi (forte illius Barſabæ vocati , qui cognominatus eſt Juſtus (g) , ſi fides eſt Origeni (h) , cui Tillemontius (i) non conſentit) ſoror erat Deiparæ Virginis , & uxor Cleophæ (k) . Tertia tandem mater erat S. Jacobi Majoris , & S. Joannis Evangeliftæ Filiorum Zebedæi , & vocabatur Salome , ut obſervant cum Origene plures Interpretes apud laudatum Calmet .

18. Illud in veſte , ſeu pallio , quo Beata Virgo , atque altera qua ex reliquis tribus Sſ. Mulieribus ſuperindutæ viſuntur , obſervatione haud prorsus indignum exiſtimo , quod illius veſtem aureis Crucibus , hujus autem ſtellulis pariter aureis contextam Pictor repræſentavit . Porro Veſtibus Sa-

F 2

cris

(a) *Oſſervaz. ſopr. tre Ditt. pag. 266.*

(b) *Cap. xxviii. v. 56.*

(c) *In Matth. l. c.*

(d) *Luc. viii. 2. 4.*

(e) *Loc. cit. cap. viii. §. 44. pag. 283.*

(f) *In Matth. loc. cit.*

(g) *Act. I. 23.*

(h) *In Matth. Tract. 28.*

(i) *L. cit. Not. VII. ſur S. Pierre .*

(k) *Joann. xix. 25.*

eris plures Cruces intexere solebant antiquitus cum Græci , tum Latini , ut in Musivis , & antiquis Romæ picturis passim conspicitur , easque propterea *Polystawria* , seu *plurium Crucium* , & *Gammadia* , a littera Γ *Gamma* ad modum Crucis quadrupliciter disposita , vocabant : de quibus fuse agit Magrius in Hierolexico , & alias laudatus Ciampinus (a). Recte autem hujusmodi veste induta pingitur Deipara , cujus animam in Unigeniti Filii morte per Crucem is dolor pertransivit , ut cum eo Cruci adfixam per compassionis affectum fuisse SS. PP. jure meritoque nos doceant.

Quod vero ad alterius mulieris vestem attinet , aureis stellulis contextam , eam apud veteres Imperatorum , & aliorum militari gloria illustrium Virorum , cum triumphali pompa in Capitolium vehebantur , fuisse propriam testantur non modo quæ de Nerone Claudio Cæsare narrat Svetonius (b) , qui *reversus è Græcia Romam eo curru , quo Augustus triumphaverat , & in veste purpurea , distinctaque stellis Chlamyde introiit* ; sed quæ etiam de Scipione refert Appianus (c) . Illi enim post secundum Punicum bellum e Lybia redeunti cum Senatus triumphum decrevisset , *togam purpuream aureis stellis intextam* inter alia regalia ornamenta laudatus Auctor assignat. Hinc , quantum conjectura licet augurari , ideo forte Pictor ejusmodi stellis piæ hujus mulieris vestem distinxit , ut in ea Mariam Magdalene exhiberet . Ea enim vulgo Magdali Princeps fuisse fertur ; quamquam alii non ex patriæ urbis nomine , sed ab arte capillos

(a) *Monim. Vet. Par. I. cap. 13.*

(b) *In Nerone cap. 25.*

(c) *Lib. I. Punicor.*

los comendi *Magdalam* appellatam fuisse tradant, ut videre est apud Calmetum (a).

19. Juxta lævum Crucis latus S. Joannes Evangelista exhibetur & ipse stans, demisso tamen, tristisque vultu, & dexteræ manui in doloris argumentum innixio. Propius Crucem miles, arundinem manu gestans, in cujus summitate spongia, quam aceto plenam Christi sitientis ori obtulisse scimus (b), & post eum nonnulli alii viri & mulieres: quod Evangelicæ Historiæ omnino cohæret (c). Inter hos longius a Cruce vir, circa cujus caput nimbium adposuit Pictor, & scutum sinistræ manui implicatum; cujus adspectu Centurionem ab eo repræsentari voluisse credimus. Hunc enim, qui Jesum Christum verum Dei Filium esse confessus est, martyrium subiisse Græci tradunt (d), ejusque Festum die xvi. Octobris celebrant (e). Longini eum nomine vocant, quem tamen ab eo diversum, qui lancea Christi latus aperuit, & cujus Latina Ecclesia memoriam colit ad diem xv. Martii (f), probat Tillemontius (g). Quo de argumento videndus etiam sæpe laudatus Serryus (b); neque omittendus Sandinus (i), qui & in hac re passus non est diligentiam desiderari suam. Quod vero maxime mirandum est neque hic Centurio, neque quisquam alius miles cum lancea manu districta hic depictus adparet;

(a) *Diction. Bibl.* V. Maria Magdal.

(b) *Joann.* xix. 29.

(c) *Luc.* xxiii. 49.

(d) *Chrysost.* Homil. 89. in *Matth. Metaphr.* ad diem 16. Octob.

(e) *Menolog. Græcor.* ad diem dictam.

(f) *Bolland.* die 15. Mart. pag. 376.

(g) *Mem. Eccl.* Tom. I. Not. 38. sur N. S. J. C.

(h) *Exercit.* LIV. num. 6.

(i) *Loc. cit.* cap. xiv. §. 3.

tet ; cum tamen Servatoris latus lancea transfixum conspiciatur .

20. Supra Crucem hinc inde duo Angeli volantium instar , pallio induti (mos enim Græcis constans Angelos non nudos , ut nostrates , sed vestitos repræsentare) eoque vultum quasi operientes : quod apud antiquos non solum doloris , & tristitiæ (*a*) , sed reverentiæ quoque signum erat (*b*). Ceterum vetustissimis pæne omnibus Christi Cruci adfixi Imaginibus duo saltem Angeli adsistunt , atque ministrant : quod etiam hac tempestate in pluribus Ecclesiis licet intueri . Hæc autem consuetudo , ut observat laudatus Bonarrotius (*c*) , in Ecclesia invaluit , ut rudem populum de Verbi Divinitate , & Consubstantialitate adversus Arrianorum errores certiore redderet .

21. Tandem ad Crucis basim tres milites sedentes , manibusque Vestem Servatoris versantes adparent . In ea Pictor Inconfutilem Tunicam oculis subjicere voluisse videtur , cujus portiones in Tabula nostra adservantur ; quamque milites non sciderunt , sed integram servarunt , jacta forte cui illa cederet (*d*). Et quamvis nec tesseras , nec talos , nec hujusmodi aliquid apposuerit (jaciendarum enim sortium ratio , cujus non unus erat ritus , neque in Scriptura liquido adparet , neque dissidentibus inter se Interpretibus fatis constat , ut a doctissimo Calmet (*e*) observatum) fatis habuit milites repræsentare quasi animo hærentes , &

dubios

(*a*) II. Reg. xv. 30. & XIX. 4. Esb. VI. 12.

(*b*) III. Reg. XIX. 3.

(*c*) Osservaz. sopra alcuni Framm. di Vasi Ant. di Vetro pag. 9. e pag. 270.

(*d*) Joann. XIX. 24.

(*e*) Diction. Bibl. V. Sors.

dubios, eam ne in frustra diffecarent, an forti committerent. Tres vero milites tantum hic sedentes pinxit, quos quatuor fuisse ex Evangelio (a) constat; quartum enim stantem, & spongiam aceto plenam sitienti Servatori offerentem jam pinxerat.

22. Hæc fusiori forte calamo, quam par erat, prosequi volumus, ut pleraque ea, quæ in Tabula nostra depicta descripsimus, & historicæ veritati, & SS. PP., atque melioris notæ Interpretum sententiis conformia esse constaret.

Unum tantum hic addam, ne cui quærendi detur occasio, quid illud sit quod in dexteri lateris arcola prima (A) læva Servator gestat, Mappæ illi persimile, quam Consules, atque Imperatores in numis, in diptychis, aliisque veteribus monumentis, manu ferentes conspiciuntur. Mappam quidem illam, volumini, seu ut vulgo vocant, rotulo fere similem, Consulum fuisse proprium Insigne, ludorumque Circensium edendorum symbolum, constat ex iis quæ plures Eruditi Viri differuerunt, inter quos legi meretur Carolus Ducangius (b) Quod vero in Tabula nostra Jesus sinistra gerit, vere Volumen Novæ Legis exhibere ab eo editæ, illudque pictorem imitatione quadam antiquitatis repræsentare voluisse is sibi facile persuaserit, qui in antiquissimis Christianorum monumentis a Ciampino, Arringhio, aliisque Scriptoribus editis, atque illustratis, non Christum modo, sed & Apostolos, aliosque Sanctitate illustres Viros hujusmodi Volumen, vel utrinque complicatum inserto indice, vel omnino involutum, vel etiam partim explicatum gestantes animadverterit: quod omiſſis interpretationibus a Durando,

& Ar-

(a) Joann. XIX. 23.

(b) Dissert. de Infer. Æv. Numism. §. 12.

& Arringhio excogitatis, nihil aliud significare cum laudato Ciampino credimus, quam Novæ Legis institutionem Christo Domino referendam, ejusque per Apostolos, aliosque Sanctos Viros promulgationem.

23. Ceterum ut de picturarum etiam qualitate aliquid adnotemus, eæ nec elegantes admodum, nec plane impolitæ sunt, sed certe aliquanto rudes, &, ut vulgo ajunt, duriusculæ, sui que temporis vetustatem redolentes. Eas autem nobis cum Menologii jussu Basilii Porphyrogeniti, Sæculo x. exeunte (a) descripti, iconibus ab Annibale Cardinali Albano evulgatis, necnon cum aliis Tabularum illarum Sæculi xiii, quæ Capponianæ vocantur, quasque Clarissimus Joseph Simonius Assemanus illustravit (b), conferentibus, visas esse fatebimur & primis minus rudes, & secundis minus elegantes. In istis enim, ut laudatus Auctor observat (d), *non est quod reprehendas, adeo sunt omnia ad accuratam Picturæ normam redacta*: quod certe picturis nostris convenire nequit, quæ magis ad imaginum, quæ in Basiliano Menologio habentur, inconcinnitatem, quam ad Capponianarum Tabularum venustatem accedunt; si vix ægre composita partium dispositio, si figurarum minus proportioni respondens forma, imique suspensi pedes, si inveniuntur vestium flexus, ac plicaturæ, quæ limbo sunt undequaque circumdatæ, spectentur. Quare Tabulam hanc nostram vel undecimo labente, vel duodecimo ad summum ineunte Sæculo pictam credimus, quo nondum apud Græcos inferioris ævi pingendi artem ad elegantiam perductam fuisse compertum est: quod tamen judicium aliis in hac arte peritioribus libentissime subijcimus.

CA-

(a) V. Allat. Dissert. de Libr. Eccl. Græcor.


(b) Kalendaria Eccl. Univ. Tom. I.

(c) Ibid. pag. 4.

CAPUT QUARTUM.

De Cruce argentea deaurata in interiori Tabula nostra sita.

1.



Nterioris Tabulæ nostræ descriptionem ab argentea illa Cruce deaurata exordiemur in media ipsa Tabula sita, quæ, ut diximus, cum in anteriori, tum in posteriori facie exquisiti operis filatim elaborati exhibetur. Ejus ea formæ est, quæ *Triples* vocatur, seu cujus stipes tribus transversis lineis secatur. Triplicis hujusmodi Crucis in Ecclesia & Occidentali, & Orientali usum probant nonnulla Veterum Christianorum Monumenta apud Boldettum (a), & perantiquæ Grecicæ Tabulæ depictæ, quas e Gazophylacio RR. PP. Canonorum S. Genovesæ Parisiensis delineatas edidit Ducangius (b). Plura in hanc rem congeffit laudatus Costadonus (c), qui etiam de *Duplici*, seu *Gemina* Cruce agit, quæ *Patriarchalis* & *Hierosolymitana* vulgo dicitur, cujus usus frequens apud Græcos, ut ex numismatibus Byzantinis colligitur a Ducangio editis (d); quique propterea de hac re nobis otium fecit.

Ceterum Cruces illæ triplices, quæ in citatis Monumentis visuntur, diversæ a nostra sunt. In illis enim ex triplici transverso ligno supremum brevius est secundo, & secun-

G

dum

(a) *Observaz. sopra i Cimiterj ec.* pag. 262. 271.

(b) *Dissert. de Infer. Æv. Numism.* pag. 43. & *Constantinop. Christ.* pag. 138. Edit. Paris.

(c) *Observat. cit. cap. x.*

(d) *Famil. Byzant.* pag. 123. & seqq.

dum tertio ; respondetque Cruci , quæ Romano Pontifici hodie præfertur, cujus ritus origo non satis constat: nisi si, quod suspicor , ea consuetudo id temporis fuit inducta , cum Mitræ Pontificiæ , quam Triageum vulgo vocant , secunda Corona a Bonifacio VIII. ; ac tertia ab Urbano V. Spondano teste; vel illa a Joanne XXII. , hæc ab Urbano V. si credimus aliis, simili modo, ac ratione superad-ditæ fuerunt; vel cum a Paulo II. ejusmodi mos, qui jamdiu obsoleverat, fuit revocatus. Utcumque tamen sit, Crux nostra , licet tribus transversis lineis secetur , earum media tamen duabus extremis est triplo circiter longior ; inferior vero aliquantulum brevior superiore . Nobis in hac triplici Crucis nostræ forma , si conjecturæ locus est , videtur artifex Crucem repræsentare voluisse cum unico transverso ligno ; in brevi autem linea transversa superiore tabellam cui Titulus inscribi solet, & in inferiore breviori suppedaneum .

2. Verum ad alia in Cruce nostra notatu digniora accedamus . Eam nonnullæ Græcæ Epigraphes ornant , singulasque stipitis, & transversarum linearum extremitates cum in anteriori, tum in posteriori facie claudunt orbiculi quidam aurei , in quorum area , encausto viridis coloris depicta , Græca aliqua pariter aurea Sigla, seu littera singularis sculpta eminet . Jam ab ipso inventionis S. Crucis tempore , cum figuris , tum litteris ejus imagines , quas ideo litteratas vocant , condecorari consuevisse pluribus exemplis probat laudatus Gorius (a) : orbiculis autem ornatas Cruces

(a) *Comment. cit. pag. 164. & seqq.*

ces quamplurimas apud Ciampinum (a) videre licet ; imo in Sacris etiam Vestibus Cruces cum orbiculis memorantur apud Anastasium Bibliothecarium (b) ; adeoque non est cur de hoc argumento lectores detineamus, sed quæ in Cruce nostra singularia sunt pro modulo nostro exponamus.

3. In antica igitur ejus parte minor alia Crux visitur, majori isti commissa, eique Jesu Christi Imago suffixa ex argento deurato fusa, cujus caput, spinea corona carens, circumstat nimbus quinque gemmis ornatus, cyano nempe uno, duobus carbunculis, totidemque unionibus. Hæc quoque Christi Imago quatuor est clavis adfixa, tabulamque habet suppedaneam : de quibus, quia superiori capite egimus, duo hic tantum supersunt observanda.

Primum parvæ hujus Crucis epigraphen spectat ; secundum symbola, quæ basim ejus exornant. Cruci huic itaque tabella in vertice adposita, cui Titulus solet insculpi ; sed loco Tituli legitur **ΜΝΣΤ**, & in transversa linea hinc, illincque ad caput Servatoris **ΜΥΚΕ ΟΥΑΕΤΝ** : quæ contractæ voces ita suppleri debent *μνήσθητί με κύριε ὅταν ἔλθῃς* ; hoc est : *memento mei, Domine, dum veneris* ; quibus adde ex Lucæ Evangelio (c) *ἐν τῇ βασιλείᾳ σου in Regnum tuum*. Singularis hæc inscriptio neque a me, quamplurimis antiquis Monumentis dedita opera conquisitis, & inspectis, neque a multis eruditissimis viris, quos consului, in ulla veteri Cruce observata est. Monebimus igitur tan-

(a) *Veter. Monim. Par. II.*

(b) *In Leone IV.*

(c) *Cap. xxiii. v. 42.*

tum Inscriptionis hujusce characteres antiquiorem ceteris in majori Cruce sculptis ætatem præ se ferre , ut specimina characterum , omnis ævi docent a Cl. Montfauconio in Græca Palæographia exhibita : quod etiam dicendum de ipsa Christi Imagine , rudioris utique formæ , quam ut eodem sæculo fusa credi possit , quo major Crux faberrime elaborata fuit , quoque Artes apud Græcos ad majorem elegantiam , & concinnitatem perductæ fuerant .

4. Quod vero ad minoris hujus Crucis basim pertinet , ea instar parvuli cujusdam collis efformata conspicitur , quo repræsentatur Calvariæ mons , ubi Cruci fuit Christus adfixus . Duobus ornatur symbolis hæc basis ; Cranio nempe humano , & Liliis . Judæam liliis maxime affluxisse patet ex Matthæo (*a*) ; Christum autem in Scripturis sub liliï figura exhiberi constat præcipue ex illo Canticorum (*b*) : *Ego flos campi , & lilium convallium* . De cranio verò quod ad Crucis basim artifices fingere solent , non una est Scriptorum sententia . Plures tamen putant hanc consuetudinem , quæ nunc quoque viget , ex pia illa traditione apud Christianos obtinuisse , qua perhibent Adami calvariam in eo monte sepultam a Semo Noe filio ; quasi spiritu præno-verit in eo Christum moriturum , ut suo ipsius sanguine vitæ , & resurrectionis gratiam primo parenti communicaret . Hinc Calvariæ nomen monti inditum credunt nonnulli (*c*) ; quem tamen ideo alii putant ita vocatum , quia

(*a*) Cap. VI. v. 28.

(*b*) Cap. II. v. 1.

(*c*) Hieronym. in Epist. ad Ephes. V. 14. & Epist. 46. al. 17. Tertull. Origen. Epiphani. Chrysost. ap. Gretser. Lib. I. de Cruce cap. 8. Baron. ad Ann. 34. num. 112.

quia humanæ calvariæ speciem referebat , alii vero , quod locus esset capite damnatis puniendis destinatus : unde Vossius (a) ait : *Capitis igitur locus idem fuerit ac decapitationis locus , quia facinorosis illic soleant capita detruncari* . De hac re conferri merentur etiam Auctores Anglici Historiæ Universalis (b) .

5. Sed ad majoris Crucis prædictæ filatim elaboratæ explicationem regrediamur . In ejus stipite supra minorem Crucem Græca hujusmodi Inscriptio legenda nobis offertur , quam , archetypa characterum forma servata , oculis subjicimus .

ΗΤΑΥΡΩCΙ

ideſt *Crucifixio*

ΙC ΧC

Jesus Christus

ΟΒΑCΙΛΕΥC

Rex

ΤΗCΑΘCΗC

Gloriæ

Postrema quatuor verba Græcis pariter characteribus inscripta leguntur in aureo operculo celebris illius phialæ in Cimeliarchio Ducalis Basilicæ D. Marci adſervatæ , quæ sinu ſuo aliquot guttas pretioſiſſimi Sanguinis in humanæ reparationis pretium effuſi complectitur , ut videre eſt apud Cl. Senatorem ſæpius laudatum Flaminium Cornelium (c) . Prima vox ἡ σαύρωσις , in Inſcriptione hac noſtra , extrema littera Σ caret ; quod vel artificis imperitiæ , vel probabilius anguſtiæ loci tribuendum cenſemus : de duobus compendiis ΙC ΧC nonnulla infra adnotabimus : reliqua fatiſ clara , & obvia .

6. Tota in eo verſatur difficultas , ut ſiglæ illæ , ſive
fin-

(a) *Harmon. Evang. Lib. II. cap. vi. ſ. 16.*

(b) *Tom. I. Chap. 1. Sect. iv.*

(c) *Dec. XIII. Par. I. pag. 151.*

singulariæ litteræ , singulis Crucis nostræ extremitatibus insculptæ , explicentur . Eruditorum neminem fugit , antiquorum monumentorum exploratoribus nihil magis negotiî facessere , quam ejusmodi compendia , quæ vel priori tantum dictionis littera , vel dictionis parte constant , quibus veteres non verba solum , sed integram etiam sententiam aliquando significabant ; eorumque obscuritatem in causa esse , cur plures interpretes in diversa abeant , & mirifice inter se dissideant : imo sæpissime de multarum inscriptionum characteribus , ac genuino earum sensu , a veritate prorsus alienum judicium ferant .

Hæc me singularium Crucis nostræ litterarum explanationem aggressurum impulerant , ut quid per eas artifex indicare voluerit , explicare minime auderem , sed peritioribus hanc Spartam relinquerem . Verum enim vero minus æquum esse ratus nihil omnino de illis differere , atque etiam subveritus , ne difficultatis plenam hanc aleam effugere viderer ; ideo mutato consilio ad eruditissimos viros , & Græcarum rerum peritissimos Josephum Simonium , & Evodium Assemanos , illum Vaticanæ Bibliothecæ Præfectum , hunc Apameæ Archiepiscopum ; Joannem Chrysoctomum Trombelli Abbatem S. Servatoris Bononiæ ; P. Michaelen Angelum Carmeli in Gymnasio Patavino Pub. tunc Orientalium Linguarum Professore , a nobis jam laudatum , aliosque editis Operibus de universo Orbe Litterario meritissimos , confugiendum esse duxi , ex quorum doctissimis animadversionibus aliquid luminis acciperem .

Atque illi quidem summa humanitate votis meis (quæ partim , me rogante , Cl. Comes Joseph de Renaldis , Basilicæ S. Mariæ Majoris Romæ Canonicus ; partim doctissimus ,
eru-

eruditissimusque ejus frater Comes Hieronymus in Patavino Licæo P. Matheſeos Profeſſor , nuper pari , plenoque Excellentiffimi Veneti Collegii conſenſu Utinenſis Canonicus renunciatus ; quibus pro ſingulari eorum in me benignitate plurimum debeo ; partim Orientalium Linguarum peritiſſimus Abbas Januarius Siſti, quo præceptore Græcos, Hebræosque attigi fontes ; partim denique egomet ipſe expoſui) quam citiſſime annuerunt . Primi enim duo Clariffimi Viri, præter ea, quæ in Cruce noſtra ipſimet obſervarunt, neminem poſſe melius de hac re ſententiam ferre judicantes , quam doctiſſimum Joſephum Schirò Dyrrichii Archiepiſcopum , meas illi preces admoverunt ; tertius celeberrimo viro Joanni Baptiſtæ Bianconi in Bononienſi Univerſitate Græcarum Litterarum PP. hanc provinciam dedit ; quartus denique propriam interpretationem adjunxit .

7. Quamobrem ea quæ Erudiſſimi Viri, datis tum ad eos, tum ad me humaniſſimis litteris , tradiderunt , fideliter exponam : quod ut clarius innotefcat , ſingularias primum litteras , eo quo diſponendas eſſe ordine cenſet Archiepiſcopus Schirò , exhibeo, integras inde quas continere putat Græcas dictiones, & Latinam earum interpretationem expoſiturus .

Τ Κ Π Γ Τ Τ Α Φ

Hæc eſt Siglarum ſeries , quæ in anteriore Crucis facie exhibetur ; quas ſic explicandas eſſe judicat laudatus Archiepiſcopus :

Τότος Κρανίε Παράδεισος Γέγονε Τῶν δαιμόνων Τραῦμα Ἀνθρώπων Φυλακτήριον .

Ideſt : *Locus Calvariae Paradifus Faetus eſt* (intellige per Crucem, quæ eſt) *Dæmonum Plaga, Hominum Cuſtodia.*

Hujus

Hujus autem interpretationis hæc Doctissimus vir, iteratis summa benignitate epistolis, monuit in Græcis Liturgicis Codicibus inveniri fundamenta. Nam in Græcorum Ecclesiastico Libro, cui titulus Παρακλητικὴ, hæc legitur ad Christum Dominum Oratio (a): Τόπος Κρυῖα Παράδειτος γίνεται· μόνον ὃ ἐπάγει τὸ ξύλον τῷ σταυρῷ, ἀλλ' οὕτως ἐβλάστησε πὺν βότρωι τῆς ζωῆς σὲ, Σωτὴρ, εἰς ἡμέτερον ἀφροσύνῳ, δόξα σοι: quæ latine sic redditur: *Locus Calvariae Paradisus factus est: ut enim adfixum est lignum Crucis, statim germinavit racemum Vitæ te, Servator, in nostrum gaudium, gloria tibi*. In alio vero Libro qui Ὁρθόγιον μέγα inscribitur hæc habentur salutiferæ Crucis elogia (b): Σταυρὸς ὁ φύλαξ πάσης τῆς οἰκουμένης, Σταυρὸς ἡ ὥραιότης τῆς Ἐκκλησίας, Σταυρὸς Βασιλέων τὸ κραταίωμα, Σταυρὸς πιστῶν τὸ σήμα, Σταυρὸς Ἀγγέλων ἡ δόξα, καὶ τοῦ δαιμόνων ἔαυμα: videlicet: *Crux custos totius habitabilis (terre), Crux pulchritudo Ecclesie, Crux Regum robur, Crux Fidelium stabilimen, Crux Angelorum gloria, Dæmonumque plaga*.

8. Alia via incedit Clarissimus Joannes Baptista Bianconi, a quo ita dispositæ Siglæ:

T Π Γ T T A Φ K

Litteram igitur T, quæ est in superiori stipitis extremitate ibi putat insculptam quasi antiquum Crucis Symbolum, longe ante præfinitum Redemptionis tempus hominibus a Deo per Ezechielem (c) propositum his verbis: *Transi per mediam Civitatem in medio Hierusalem, & signa Tau super fron-*

(a) Pag. 219. Col. 1. Edit. Ven. 1755.

(b) Pag. 104. Edit. Ven. 1763.

(c) Cap. X. v. 4.

frontes virorum gementium , & dolentium super cunctis abominationibus quæ fiunt in medio ejus ; de quibus egregie differit inter alios Huetius (a) :

Quatuor autem illas Π Γ Τ Τ exponit ceu initiales quatuor a Christo verborum in Cruce prolatorum , nempe :

Πάτερ ἄφες αὐτοῖς· ἃ ὃ οἶδασι τί πρᾶσι

Pater ignosce illis : non enim sciunt quid faciunt (b)

Γῶμαι , ἰδὲ ὁ Τίός σε .

Mulier, ecce filius tuus (c) .

Τήμερον (d) μετ' ἐμῶς ἔσῃ ἐν τῷ Παρδείσῳ .

Hodie mecum eris in Paradiso (e) .

Τέτέλειται .

Consummatum est (f)

Reliquas tandem tres litteras Α Φ Κ sic interpretatur .

Ἀμαρτανιωὶν Φείδε Κύριε , hoc est : *Peccatoribus Parce Domine .*

9. Singularias hasce octo litteras eodem disponit ordine Doctissimus Professor Carmeli , quo jam a Cl. Dyrrichii Archiepiscopo dispositas fuisse diximus ; longe tamen diversam earum tradit interpretationem , quam se quasi divinando exposuisse fatetur . Cum laudato igitur Joanne Baptista Bianconi non modo prima littera Τ , sed reliquis etiam duabus ejusmodi figlis Crucis Symbolum indicari putat ; monitusque a me Tabulam hanc nostram a quadam Irene e Palæologorum Familia

H

lia

(a) *Demonstr. Evang. Prop. X. Cap. 127. num. 4.*

(b) *Luc. xxiii. 34.*

(c) *Joann. xix. 26.*

(d) Σήμερον , quidem habent exemplaria omnia , verum Attice Τήμερον etiam dicitur .

(e) *Luc. xxiii. 43.*

(f) *Joann. xix. 30.*

lia argento ornatam fuisse, hac ratione octo dicta Compendia explicat.

Ταῦ Κυρίε Παλαιολογίνα Γέρραφι.

Τὸ Ταῦ Ἀ'παρτες Φιλεῖτε

Tau (Figuram Crucis) *Domini Palaeologina* (Irene)

Scriptit : Hoc Tau Omnes Amate.

10. Jam vero ad litterarum, quæ in posticæ Crucis nostræ faciei extremitatibus, orbiculis pariter inclusæ leguntur, interpretationem transeamus. Antea tamen operæ pretium erit observare, præter octo dictos orbiculos, duos alios ab artifice effectos fuisse in posteriori hac Crucis parte, quam Tabula IV. repræsentat; quorum primus in Crucis quasi centro, ubi major transversa linea stipitem secat, alter vero inferius in eodem stipite adparet.

In singulis duobus orbiculis parvula Crux eminet aurea cum duplici transversa linea, in cujus vertice hinc inde aureis pariter characteribus legitur $\overline{\text{IC}}$ $\overline{\text{XC}}$. Apud omnes in comperto est duo hæc compendia reddenda esse Ἰησοῦς Χριστός; *Jesus Christus*. Hanc autem Nominis Christi contractionem perantiquam esse ex Clemente Alexandrino (a), & ex Epistola, quæ S. Barnabæ adscribitur (b), notat Ducangius (c). Quæ tamen apud eos leguntur, ad Christi nomen per $\overline{\text{IH}}$ repræsentatum spectant: quæ Nominis *Jesu* Græco Characterē exarati sunt duæ priores litteræ. In numis autem, ac veteribus tabulis, ut plurimum per $\overline{\text{IC}}$ $\overline{\text{XC}}$ scriptum cernitur; adhibitis scilicet initialibus, & finalibus litteris hujus

(a) *Lib. VI. Strom.*

(b) *Cap. VII.*

(c) *Dissert. de Infer. Æv. Numism. §. 28.*

jus Nominis *Jesus Christus* Græce pariter scripti . Hæc duo compendia præsertim Sæculo IX. frequentissime usurpari consuevisse scribit Clarissimus Eques Franciscus Victorius (*a*); eorum tamen usum antiquiorem esse probant vetustissima Monumenta apud Ciampinum (*b*). Ut ut sit, illud certum est, in antiquis Crucibus, præsertim Stationalibus, loco Tituli, ut in parvulis Crucibus nostris, legi hinc, atque illinc contractum hoc Jesu Christi nomen, cujus loco etiam in nonnullis leguntur duæ hæ litteræ A, & Ω, ex Alphabeto Græco desumptæ, prima nempe, & postrema, juxta illud Apocalypseos (*c*) : *Ego sum Primus, & Novissimus*; & : *Ego sum Alpha, & Omega* (*d*): quibus duabus litteris Christum intelligunt Sedulius (*e*), & Prudentius (*f*); ejusque Divinitatem, & Humanitatem designari probat Allatius (*g*).

II. Duæ hæ parvulæ Cruces in extrema, imaque parte ita expressæ sunt, ut folia quædam, floresque repræsentare nonnullis videantur, quibus eas examinandas proposui. Antiquissima quidem consuetudo floribus ornandi Crucis basin adparet in aliquibus antiquis Crucibus apud Arringhium (*b*): & Federicus Cardinalis Borromæus testatur (*i*), haud ita pridem in India Orientali juxta S. Thomæ sepulcrum repertam fuisse Crucem, quæ in lilia, floresque desinebat :

H 2

quam

(*a*) *De Monogr. S. Nom. Jes. pag. 10.*(*b*) *De Sacr. Ædif. cap. IV.*(*c*) *Cap. I. v. 17.*(*d*) *Cap. XX. v. 13.*(*e*) *Lib. III.*(*f*) *Hymn. IX.*(*g*) *De Conf. Utr. Eccl. cap. VI. num. 31.*(*h*) *Rom. Subterr. Tom. I. Tab. 44.*(*i*) *De Pic. Sacr. Lib. II. cap. 3.*

quam quidem Crucem primis Ecclesiæ temporibus factam fuisse credibile esse putat; *cum mysterio haud dubie illo, quasi ætatis illius Sancti homines significare vellent, Christi Crucem ob Martyrum triumphos floridam, atque viridantem fuisse.* Flores tamen, quibus Cruces ornabant antiqui, ipsius Christi symbolum fuisse, qui se ipsum florem campi vocavit, & lilium convallium, credit Joannes Baptista Casalius (a), qui de symbolicis apud veteres Christianos Crucis ornamentis eruditissime agit.

Mihi tamen nostrarum parvularum Crucium ima pars potius ancoram exhibere videtur, cujus brachia non jaculi cuspidem, ut assolet, referunt, sed iterum recurvata, quædam quasi folia ornamentis gratia repræsentant. Porro inter symbola, quibus Christianos antiquitus uti licebat, ancoram enumerat Clemens Alexandrinus (b), eamque non in annulis tantum, & in pluribus Martyrum, aliorumque Fidelium sepulcralibus titulis sculptam, sed Cruces etiam in ima parte exornantem videre est penes laudatum Boldettum (c). Constantiam enim Martyrum, ceterorumque Fidelium firmitatem in Fide referebat, & Spem pariter Christianorum omnium in Cruce Christi, in quo est salus, vita, & redemptio nostra.

12. His adnotatis reliquas litteras orbiculis inclusas, quæ in postica Crucis facie sculptæ sunt, exponamus. Eæ autem hujusmodi sunt.

IC

(a) *De Veterib. Sac. Christianor. Ritibus* pag. 8.

(b) *Pædag. Lib. III.*

(c) *Osservaz. cit. pagg. 339. 340. 365. 371. 504.*

)(61)(

IC XC NI KA Φ Χ Φ Ψ

De duobus primis compendiis IC XC fatis jam dictum est: sequentes vero quatuor litteras, licet duæ primæ a duabus postremis sejunctæ sint, adpositumque singulis binis litteris signum abbreviationis, cum laudatis tamen, aliisque doctissimis Viris conjungendas censeo, ita ut unum verbum efficiant *νικά*, idest *Vincit*. In nonnullis etiam inferioris ævi numis, ut observat Ducangius (a), Crux medium numum occupat, cum hisce quatuor characteribus IC XC NI KA: quæ Inscriptio a Constantini Magni temporibus admodum familiaris Græcis fuit, in ejus Crucis memoriam, quam ille, ut alibi adnotabimus, contra Maxentium præliaturus, cum hoc lemmate *ἐν τῷ νικά*, idest *hoc vince* in coelo conspexit (b).

Hinc etiam apud Occidentales illius precis, seu laudis divinæ usus: *Christus vincit, Christus regnat, Christus imperat*: quam Inscriptionem Galliarum Reges in scutis, uti vocant, aureis exarari jusserunt. His enim verbis, ut notat ex Radulpho de Diceto laudatus Ducangius, conceptas fuisse laudes constat Carolo Magno dictas Romæ, cum Imperator coronatus est a Leone Pontifice: *Christus vincit, Christus regnat, Christus imperat, Karolo Augusto a Deo coronato, Magno, & pacifico Imperatori Romano vita, & victoria*. Antiquiorem autem fuisse in Occidentali Ecclesia hujus Inscriptionis usum *Christus vincit*, colligi posse videtur ex antiqua fictili lucerna penes Boldettum (c) in qua duæ hæ litteræ obser-

(a) *Dissert. cit.* §. 25.

(b) *Euseb. de Vit. Constantini Lib. I. cap. 28.*

(c) *Osserv. cit.* pag. 63.

observantur C , & V , quas Cl. Gorius (a) explicat *Christus Vincit* , licet iis *Christus Jesus* indicari judicent citatus Boldettus, & egregius Eques Franciscus Victorius (b).

13. Ad reliquas singularias litteras $\overline{\Phi}$ $\overline{\chi}$ $\overline{\Phi}$ $\overline{\Pi}$ quod attinet , laudatus Archiepiscopus Dyrrichii eas de ipsa Cruce explicans sic interpretatur: Φυλακ^ήειον Χειριαν^{ων}; Φυλακ^ήειον Πάσης τ^{ῆς} οἰκουμένης ; scilicet, *Custodia Christianorum* ; *Custodia totius habitabilis* (*Terræ*) . Fatetur ille quidem postremam siglam Π reddi posse Πισ^{των}, seu *Fidelium* ; sibi tamen primam interpretationem magis arridere , utpote formulæ illi magis conformem, quæ in superius allegatis Crucis elogiis ex Græcorum Horologio leguntur : Σπυρ^{δος} φύλαξ πάσης τ^{ῆς} οἰκουμένης . Clarissimus porro Apameæ Archiepiscopus Afsemanus duas postremas litteras $\overline{\Phi}$, & $\overline{\Pi}$ verosimilius ita interpretandas esse judicat: Φ^{ως} Πάσι, idest *Lux omnibus* ; quæ duo verba apud Græcos usitatissima esse affirmat : ejus vero avunculus Joseph Simonius litteras $\overline{\Phi}$, & $\overline{\Pi}$ in pæne omnibus Græcis Diptychis, vetustisque Crucibus Ruthenicis iteratas reperiri testatur ; qui illud etiam adjungit, pro duabus prædictis litteris in nonnullis Crucibus antiquis, alias, seu $\overline{\Gamma}$ $\overline{\Theta}$ $\overline{\Gamma}$, scilicet *Filius Dei* scriptas inveniri.

13. Quamdam autem in quatuor siglis jam dictis contineri precem putat Joannes Baptista Bianconi , qui a me per litteras admonitus, a laudata Irene Palæologina argento exornandæ Tabulæ nostræ curam fuisse susceptam , ut

ex

(a) *Comment. cit. pag. 127.*

(b) *Loc. cit.*

ex inscriptione, quam infra dabimus, patebit, hac eas posse ratione explicari conjicit.

Φύλαξε Χρίσε Φίπὸν Παλαιολόγων

Custodi Cbriste Stirpem Palaeologorum.

15. Ab aliorum porro sententia non discedit a nobis memoratus, & nunquam fatis laudatus P. Carmeli in litterarum $\overline{\text{IC}} \overline{\text{NI}} \overline{\text{KA}}$ *Iesus vincit* explicatione; reliquas vero quatuor Siglas $\overline{\Phi} \overline{\text{X}} \overline{\Phi} \overline{\Pi}$ & Compendium $\overline{\text{XC}}$ sic interpretatur : $\overline{\Phi}\iota\lambda\omega \overline{\text{X}}\epsilon\iota\sigma\acute{o}\varsigma \cdot \overline{\Phi}\iota\lambda\epsilon\iota\tau\omega \overline{\text{P}}\alpha\lambda\alpha\iota\omicron\lambda\omicron\gamma\iota\omicron\upsilon\alpha\iota \overline{\text{X}}\epsilon\iota\sigma\acute{o}\varsigma \cdot \overline{\text{A}}\mu\omicron \overline{\text{C}}\text{bristum} : \overline{\text{A}}\text{met Palaeologinam (Irenem) Cbristus}.$

16. Dictorum Clarissimorum Virorum explanationibus quartam addam Religiosi alterius Viri mihi amicitia conjunctissimi, Græcæque Linguæ peritissimi, cujus nomen, ut ejus modestiæ faciam fatis, silentio invitæ cogor involvere. Signa illa abbreviationis, quæ supra litteras $\overline{\text{NI}}$, & $\overline{\text{KA}}$ sculpta sunt, argumento esse posse credit ille, non unum tantum verbum $\iota\kappa\acute{\alpha}$ exhibere iis voluisse artificem, sed duorum potius verborum compendia. Notam igitur $\overline{\text{NI}}$ ceu initialem verbi $\iota\kappa\acute{\alpha}\omega$, ejusque derivatorum ab Eduardo Corfino (a), & a Ducangio (b) exponi observat: notam autem $\overline{\text{KA}}$ pro initiali nominis Καῖσαρ tum ab eodem Corfino (c), tum a Sponio (d) in vetusto lapide explicari. Hinc ad Augustorum Palæologorum familiam hanc spectasse Crucem advertens, sic duo dicta compendia, reliquasque quatuor singulares litteras exponit : $\overline{\Gamma}\eta\sigma\acute{\alpha}\varsigma \overline{\text{X}}\epsilon\iota\sigma\acute{o}\varsigma \overline{\text{N}}\iota\kappa\eta \overline{\text{K}}\alpha\iota\sigma\alpha\rho\omicron\varsigma, \overline{\Phi}\omega\varsigma \overline{\text{X}}\epsilon\iota\sigma\iota\omega\alpha\tilde{\omega}\nu, \overline{\Phi}\omega\varsigma \overline{\text{P}}\alpha\lambda\alpha\iota\omicron\lambda\omicron\gamma\omega\alpha\tilde{\omega}\nu : \text{Iesus Cbristus Victoria}$

ria

(a) *Notæ Græcor.* pag. 20. V. ΕΛΕΥ.

(b) *Glossar. Med. & Inf. Græcitat.* V. ΝΙΚΟΣ.

(c) *Ibid.* pag. 33.

(d) *Miscell. Scd.* X. num. 132.


ria Caesaris , *Lux Christianorum* , *Auxilium Palæologorum* ; verbum enim φῶς ne dum pro *lumine* , sed etiam pro *auxilio* , & *salute* notat Suidas ab Homero , & ab aliis usurpari .

17. Hæc non ex meo penu , sed ex aliorum eruditione , & doctrina deprompta lectoribus exhibeo . Ceterum & a laudato Cl. Josepho Simonio Assemano certior redditus sum , singularia omnino esse præsertim anticæ Crucis nostræ faciei monogrammata , nullumque his simile exemplum reperiri in iis omnibus Crucibus, quotquot in sacro Vaticano Musæo adservantur ; & ab ejus nepote doctissimo Apameæ Archiepiscopo plures alii Græcæ Nationis peritissimi Viri de hac re consulti testati sunt , id moris apud Orientales viguisse , & etiamnum vigere , ut pro arbitrio vel artificum , vel possessorum ejusmodi siglæ Crucibus insculpantur , vel pingantur ; adeoque de genuino earum sensu , nisi divinando , judicium haud posse pronuntiari . Hinc mirum nemini videri debet , si tot Clarissimi Viri a nobis consulti , & adhuc merito laudati in harum explicatione siglarum in tot diversas abiere sententias .

Duæ aliæ Græcæ Epigraphes , quæ in margine , seu peripheria Crucis nostræ sculptæ leguntur nobis explicandæ supersunt . Cum tamen de illis infra mentio recurret , aptior ibi erit earum interpretationi locus , ubi de Tabulæ nostræ possessoribus Capite VIII. agemus .

CAPUT QUINTUM.

De Imaginibus Constantini Magni, & S. Helenæ.

I.  Mperatori Cæsari Marco Aurelio Valerio Flavio Constantino, cui ob rerum præclarissime gestarum splendorem, & multitudinem, Magni cognomentum recte meritoque tributum fuit, & Flaviæ Julæ Helenæ ejus Matri felicem Sanctissimæ Crucis, in qua Salus nostra pependit, inventionem deberi, tot talibusque testimoniis (*a*) comprobatur, ut Hospiniani, Riveti, Dallæi, Basnagii, aliorumque Heterodoxorum impudentiam, rei extra omnem dubitationem positæ fidem negantium, satis mirari sanæ mentis homines nequeant. Cum autem ipse Constantinus (ut Cedrenus, & Suidas (*b*), itemque Anonymus Antiquitatum Constantinopolitanarum Auctor (*c*) a Cl. Bandurio editus, alique Byzantini Scriptores referunt) Constantinopoli in Foro Constantiniano in fornice Milliarii, & alibi, in hujus rei perenne monumentum, Cruces erexisset, easque medias inter S. Helenæ, & suas ipsius statuas adcommodari jussisset, hinc apud Græcos consuetudo invaluit, ut dictorum Augustorum Icones ad Crucis latera vel pictæ, vel sculptæ ponerentur.

I

2. Ta-

(*a*) *Ambros. Orat. de Obitu Theodosii. Chrysostomus Homil. 85. al. 84. in cap. 19. Joannis. Ruffin. Hist. Eccl. Lib. I. cap. 7. & 8. Theodoret. Histor. Lib. I. cap. 17. Socrat. Lib. I. cap. 17. Sozomen. Lib. II. cap. 1. &c.*

(*b*) *Ap. Petr. Gyll. de Topograph. Constantinop. Lib. II. cap. 23.*

(*c*) *Par. I. Lib. I. pag. 10. num. 27.*

2. Tabulæ igitur nostræ artifex antiquissimum secutus morem , quem præcipue observare licet in pæne omnibus iis Tabulis nostræ similibus a laudatis , aliisque Scriptoribus illustratis , Magni Constantini , ac S. Matris ejus Helenæ Imagines , eam quidem ad Crucis nostræ latus dexterum , hanc vero ad lævum collocavit : quod item ex Græcorum fecit consuetudine , qui , ut notat laudatus Costadonus (*a*) , lævam dextera præstantiorem judicant . Et quidem , ait celeberrimus P. Paulus M. Paciaudi (*b*) , quæstio perdifficilis est , & implicatissima , quæ Virorum Litteratorum ingenia diutissime torfit , quinam apud veteres , dexter ne , an sinister locus præstantior , nobiliorque censeretur . Quamvis autem ne in dubium quidem ille revocet , dexteram fuisse antiquis honoratiorem ; quinam tamen proprie , vereque dexter haberetur locus , tam ambigue observat a Scriptoribus traditum , tamque inconstanter ab artificibus expressum , ut vix aliquid certum , ratum , atque firmum poni , decernique possit . Itaque quod ad Græcos spectat , apud ejus quidem populares minus splendida , minusque illustris dextera pars putatur ; Scriptorum tamen inconstantia , & picturarum varietas efficit , ut frustra quærat a veteribus monumentis hujus quæstionis solutio .

3. Age vero ad ea , quæ in Imaginibus nostris observatione digna sunt , dicendo revertamur . Ex in vitro bracteis aureis in averfa parte obducto , graphio discriminante delineatæ , & partim rubido , partim subviridi colore huc illuc , impolite tamen , & pingui , ut ajunt , Minerva de-

ctæ

(*a*) *Observat. cit. cap. 10.*

(*b*) *Antiquit. Christ. Dissert. VI. cap. 8.*

pietæ visuntur . Hoc vetustissimo picturarum genere primis Ecclesiæ Sæculis vitrea illa pocula ornabant Christifideles , quibus ad Agapes tum Martyrum , cum mortuorum celebrandas , imo etiam ad Sacra mysteria peragenda utebantur : quorum poculorum fragmenta summa eruditione illustravit in alias laudatis Observationibus Cl. Philippus Bonarrotius .

Primo itaque in his imaginibus se se offerunt lemmata , quæ in earum vertice conspiciuntur , nempe O A KΩN-^ΓCTANTINOC ; H Π⁷ EAENH ; idest *Sanctus Constantinus* ; *Sancta Helena* . Notam , sive Compendium A^Γ , vel AΓ pro A^Γγιος , seu *Sanctus* , & pro A^Γγία , scilicet *Sancta* usurpatam fuisse probant perantiquæ Tabulæ Græcæ permultæ , inter quas nonnullæ a Clarissimis Viris Ducangio (*a*) , & Montfauconio (*b*) exhibitæ ; necnon veteres Inscriptiones a Muratorio (*c*) & Scipione Maffejo (*d*) evulgatæ . Neque scrupulum injiciat compendium nomini Helenæ præmissum : constat enim ex Alpha , & Gamma , sed inversis pictoris culpa , a quo in postica vitri facie inversæ pingi debuerant eæ litteræ , ut rectæ in anteriori legentibus , & conspicientibus adparerent .

4. Quod vero ad titulum *Sancti* attinet , qui Constantino in Inscriptione hac nostra tribuitur , non eo sensu accipendus hic est , quo primis Ecclesiæ Sæculis *Sancti* vocabantur

I 2

Fide-

(*a*) *Constantinop. Christ. pag. 120. 127.*

(*b*) *Palæograph. Græc. pag. 22.*

(*c*) *Nov. Inscript. Thesaur. pag. 1895. num. 2.*

(*d*) *Mus. Veron. Marm. III.*

Fideles (*a*), sequentibus vero Episcopi, & Imperatores Constantinopolitani (*b*); sed ut eam significans Sanctitatis notam, qua Ecclesia Dei viros, feminaeque iustitia, pietate, ceterisque virtutibus insignes decoravit. Divam enim Helenam Augustam non modo a Græca, sed a Romana etiam Ecclesia ut Sanctam coli semper consuevisse nemini est ignotum. Magno vero Constantino, licet sua illi vitia non defuerint, Græci, ut patet ex eorum Menologiis ad diem 21. Maji, qua concessit e vita, eundem cultum tribuerunt; quem tamen Romana Ecclesia nunquam adprobavit: quemadmodum neque titulum, neque cultum Sancti Caroli Magno Imperatori tributum recepit, licet ipse die 28. Januarii a pluribus Germaniæ Ecclesiis adhuc honore huiusmodi colatur. Sed de hoc argumento plura congesserunt viri apprime docti, inter quos in citatis Observationibus legi meretur laudatus Costadonus; neque prætermittendus insignis Muratorius, qui de hac re ad Annum 337. Constantino emortualem, magno, ut assolet, iudicio differit.

5. Vestes, quibus indutas nobis repræsentat Pictor dictorum Augustorum Imagines, ejus sunt generis, quæ *Auroclavæ*, vel *Auroclavæ*, ut habet Vetus Juvenalis Interpres (*c*), vocabantur, gemmis, & margaritis ornatae. Licet autem rudi adeo pennicillo, & graphio sint delineatae, ut non omnino perspicue earum forma adpareat, exhibere tamen videntur antiquam *Trabeam*, seu latam illam fasciam

Con-

(*a*) *Bingham. Orig. Eccl. Lib. I. Cap. 3. §. 4.*

(*b*) *Glossar. Med. & Infim. Græcit. V. Ἀγιος.*

(*c*) *Ad Satyr. VI.*

Consulum propriam, quam ita describit Ducangius (*a*).
Consules tunicis palmatis, & togis pictis induti apparent, cui superfunditur fascia latior collum ambiens, cujus pars dextra strictior, a dextro humero recta circa pectus ultra genua descendit, ipsumque humerum, ac brachium dextrum circumvolvens, sinistrum humerum amplectitur, explicans sese, latiorque sensim effecta, ac circa dorsum delapsa, rursus a dextro latere per umbilicum transversum agitur, & infimam sinistri brachii partem, qua manui illud conjungitur, involvit, reliqua fasciae parte retro pendula. Fasciam istam, quam, ut observat idem Auctor (*b*), veterum esse *Latum Clavum* quidam censent, *Subarmalem* etiam antiqui vocarunt, posterior vero ætas *Lorum* appellavit. Hujusmodi autem, vel simili pæne habitu non Consules dumtaxat, sed Consulum etiam conjuges usas fuisse pluribus probat. Quo factum est, ut quemadmodum Imperatores, quando Consulatum perpetuum sibi ipsi firmarunt, idem insigne itidem perpetuum sibi fecerunt, ut animadvertit egregius Monachus sæpe laudatus (*c*); ita Imperatorum uxores eadem, aut propemodum simili veste usi fuerint: quod colligere licet non solum ex S. Helenæ Iconismo ab eo exhibito, & ex aliis etiam aliarum Augustarum ab eo laudatis, sed ex nostro etiam; quamvis, ut diximus, admodum inconcinne depicto. Illud præterea in descriptione harum vestium haud omittendum censeo, D. Helenam, licet interiori veste fere eadem, qua Constantinus, induta sit, exteriorem tamen habere dissimilem,

(*a*) *Dissert. cit.* §. IV.

(*b*) §. V.

(*c*) *Cap. VI.*

lem , quæ , instar pallii , extremitates habet utrisque brachiis superpositas . Tandem Constantinus crispis capillis conspicitur ornatus , Diva vero Helena posteriorem capitis partem habet velo obductam .

6. De Coronis item Augustorum , & Augustarum nonnulla hic differendi locus esset . Cum tamen hanc Spartam idem eruditissime ornaverit post Carolum Paschaliū (*a*) , & Wolfangum Lazium (*b*) , nos ex iis aliqua , quæ paulo fusiori digna Commentario forent , in specimen delibabimus .

Corona igitur , qua Constantini caput ornatur in Icone nostra non *Diadema* est , seu fascia illa , qua Imperatorum capita quasi vinculo cincta passim conspiciuntur in numis : non illa , quæ *Calyptræ* , vel *Cassidis* speciem præferens , totum caput ambiebat , quam ab ipso Constantino inventam censet Polæmeus Silvius apud Ducangium (*c*) , & cuius ad Constantini posteros usus promanavit , ut ex numismatibus advertere licet : non denique *Camelaucium* illud quo redimitus cernitur Constantinus in alia Icone a laudato Costadono illustrata , quodque , ut idem observat (*d*) , a Procopio *Justinianæum* vocatur , quia illo usus fuit Justinianus , cui , postquam detractum fuerat Totilæ Gothorum Regi , fuit a Narsete transmissum (*e*) ; sed ejus generis est Corona , quæ radiata dicitur , gemmis undique , & margaritis ornata .

Eruditos non fugit quanta in hujusmodi radiatis coronis varietas adnotetur in numis Imperatorum , quotque diver-

fis

(*a*) *De Coronis* .

(*b*) *De Rep. Rom. Lib. IX. cap. 18.*

(*c*) *Dissert. cit. §. 17.*

(*d*) *Observat. cit. cap. V.*

(*e*) *Theophan. Chronograph. pag. 193.*

sis ornamentorum generibus elaboratæ fuerint . Nostræ Iconis Corona in media sui parte habet verticem quemdam acuminatum , & magis accedere videtur ad illius formam , quæ Constantini VIII. Porphyrogeniti , Leonis VI. Filii in aureo numo , apud Octavium Strada (*a*), caput exornat . Nec valde absimilis est S. Helenæ Corona , licet ab illa Imperatoris diversa , ut moris erat ; adeo tamen rudi forma expressa , ut quasi turritam Coronam repræsentet , vel potius Pileum turbinatum .

7. Tum Helenæ , cum Constantini capitibus nimbus etiam circumstat aureus , qui in plani circuli speciem efformatus , discum exhibet . A nonnullis etiam halonis voce indicatur , nimirum similitudine desumpta a fulgida corona , seu circulo , quo Sol , ac planetæ ambiuntur . De hoc capitis ornamento , quo primitus antiqui , more forte ab Ægyptiis accepto , Deorum suorum Imagines decorabant , atque inde Imperatorum , & illustrium quoque virorum capita cinxerunt , perinde ac si eos , supra hominum sortem positos , Deorum luce fulgere persuasum haberent , eruditissime agunt inter alios Viri Clarissimi Philippus Bonarrotius (*b*), & Joannes Marangonius (*c*). Nos ea tantum quæ ad rem nostram faciunt decerpentes , cum laudatis Auctoribus observabimus , apud Christianos etiam morem hunc invaluisse , nimboque usos fuisse ad Imagines tum Sanctorum , tum Principum , tum etiam aliorum virtutibus insignium Virorum indiscriminatim exornandas : quæ tamen consuetudo
sensim

(*a*) *Geneal. Austr.* pag. 305.

(*b*) *Osservaz. cit.* pag. 59. & segg.

(*c*) *Delle cose Gentilesche ec.* cap. 35.

fenfim folis Jefu Chrifti, ejusque Matris Mariæ; Angelorum item, & Sanctorum omnium Imaginibus omnino ceflit, forte Sæculo ix. poft extinctam Iconomachorum Hærefim, cultumque Sacrarum Imaginum reftitutum. In noftris igitur Iconibus Constantino, & Helenæ non ut Auguftis, fed ut Sanctis nimbus aptatur; non enim Helenam tantum, fed Constantinum etiam Sanctorum albo a Græcis adfcriptos fuiſſe paulo ante monuimus.

8 Stantes ad Crucis latera dictæ Imagines pinguntur; Helena quidem extenſis in modum orantis manibus, Constantinus vero dextera ante pectus poſita, læva autem Crucem oblongam ferens. Porro in numis nuſquam, aut raro conſpicitur dictus piiffimus Imperator manu geſtans Crucem. Teſtatur tamen Euſebius (a), Constantinum Urbem Romam ingreſſum, Salutare Signum cunctis annuntiaſſe, & ſtatim ſublimem haſtam in modum Crucis conſtructam ſub manu ſtatux ſuæ in celeberrimo loco poni juſſiſſe: Anonymus vero Conſtantinopolitanarum Antiquitatum Scrip- tor (b) refert, in partibus Tauro vicinis, ubi Conſtanti- nus æſtate ſecurus agebat, in ſuperiore parte fornicis ejus fuiſſe ſtatuam effictam, Crucis Signum manu dextera te- nentem.

Ac licet, ut aſſeruimus, laudatus Imperator in numis Crucem manu gerens non inveniatur, numiſma tamen, forte unicum, ipſius Conſtantini publici juris factum, in quo Crux conſpicitur, habemus apud Triſtanum (c). In
hujus

(a) *De Vit. Conſtant. Lib. I. cap. 40.*

(b) *Lib. V. pag. 99.*

(c) *Comment. Hiſtoriq. Tom. III. pag. 550.*

hujus autem numi posteriori facie , in qua legitur inscriptio VIRTUS EXERCIT. Labarum repræsentatur in Crucem superne definens ; quam tamen non esse Crucem contendit Patinus (*a*), sed tres veluti globulos , superiorem palli partem in cuspidis formam ornantes .

Utrumque tamen se res habeat , Constantini certe successorum alii globum in numis Cruce insignitum gestant , alii vero Crucem ipsam gestantes adparent . Cruciger quidem globus (quamvis ex Nicephoro (*b*) Gretserus (*c*) referat *Constantinum pomo , seu globo suæ statuae superaddidisse Crucem*) primum conspicuus habetur solum in numismate aureo Valentiniani I. apud Ducangium (*d*) , in cujus averfa facie , ubi legitur IMPP. XXXII. COS. XVII. (*e*) PP. fedet figura muliebris stolata , & galeata , qua Romam forte , vel Constantinopolim adumbrari putat (*f*) , sinistra hastam , dextera globum tenens , cui Crux insitit .

Primus vero Imperator manu in iisdem numis Crucigerum globum gestans repræsentatur Theodosius Magnus apud Gretserum (*g*) a quo evulgatur numus , in cujus postica

K par-

(*a*) *Imper. Rom. Numism. pag. 459.*

(*b*) *Lib. VII. cap. 49.*

(*c*) *De Cruce Tom. I. Lib. II. cap. 54.*

(*d*) *Famil. Byzant. pag. 54. Edit. Paris.*

(*e*) XVII.^{us} Consulatus Flavii Valentiniani I. qui Anno Ær. Christ. 364. Imperator creatus est , in numo quem profert Ducangius , signatus , monetarii certe error est , cui corrigendo satis non est numerum VII. pro numero XVII. reponere , ut persuasum fuisse videtur sæpe laudato Cl. Monacho Anselmo Costadoni (*Observat. cit. cap. 8.*). Valentinianus enim quatuor tantum vicibus Consul processit , ut innumeris testimoniis , quæ utpote satis obvia , hic omittenda censemus , probari potest .

(*f*) *Dissert. cit. §. XVIII.*

(*g*) *De Cruce Tom. III. Lib. I. cap. 14.*

parte inscriptio GLORIA ORVIS (pro ORBIS) TERRARVM . Exhinc Crucigeros globos manu ferentes exhibentur in numis Theodosius Junior, Anastasius , Justinus , aliique subsequuti Imperatores.

9. Idem observare licet de oblonga Cruce, manu a Byzantinis Augustis gestata , ut a Constantino in Icone nostra . Licet enim in Crispi Constantini Filii numismate apud Baronium (*a*), & Gretserum (*b*), in cujus postica facie legitur SALVS, ET SPES XRPVBLICÆ, figura stollata conspiciatur sedens , dexteram protendens , sinistra vero Crucem ferens , ea tamen Salvatorem citati Scriptores repræsentari putant . Dictus igitur Magnus Theodosius non modo Crucigerum globum, ut vidimus , sed etiam Crucem primus gestat in anteriori numismatis facie apud eundem Gretserum (*c*), in cujus ora legitur DN THEODOSIVS PF AVG: quod passim in numis pæne omnium Imperatorum post Theodosium ostenditur . Ex quibus omnibus conjici potest , jam inde ab antiquis temporibus morem illum apud Byzantinos Augustos invecum, nempe Crucem in publicis processionibus suapte manu præferendi , de quo apud Codinum legitur (*d*): *e reliquis gestaminibus gestat Imperator quæcumque voluerit, Crucem autem in dextera semper portat .*

10. Antequam vero hoc caput concludam , non abs re mihi videtur illud adjungere, etiam Brixia Cruces extare e SS. Crucis Ligno efformatas , & Græco opere elaboratas ,
in

(*a*) *Ad Ann. 324. num. 16.*

(*b*) *Loc. cit. cap. 8.*

(*c*) *Ibid. Cap. 14.*

(*d*) *De Offic. Magn. Eccl. & Aul. Constant. Cap. vi. num. 37.*

in quibus Constantini, & Helenæ imagines visuntur, Græcis utrique propriis nominibus subiectis ; ut in aurea, & nunquam satis laudata elucubratione, *Brixiae Sacrae* titulo evulgata nobis palam facit Cl. Vir omni Eruditionis, & Doctrinæ genere ornatus Joannes Hieronymus Gradonicus C. R., labente anno 1765. ad Archiepiscopatum Utinensem, bonis omnibus adplaudentibus, meritissime evectus : Quocum & nos jure miramur, Gretserum, qui in vasto Opere de Cruce alias minus celebres commemoravit, non modo de laudatis Græcis apud Brixianos Crucibus, itemque de nostra, cujus nullus meminerat Scriptor, sed etiam de aliis similibus, quæ in Cimeliarchio D. Marci adservantur, altum habuisse silentium.



CAPUT SEXTUM.

De Archangelorum Gabrielis, & Michaelis Iconibus.

i.



Pud omnes , qui in Ecclesiastica Historia hospites , ac peregrini non sunt , satis compertum est quod narrat Eusebius (*a*) de Magno Constantino , qui cum Maxentii tyrannidi extinguendæ animum adpulisset, *Dei opem implorans,*

*& obsecrans ut illi adjutricem manum porrigeret horis diei meridianis , Sole in occasum vergente , Crucis tropæum in cælo ex luce conflatum , Soli superpositum ipsis oculis se vidisse affirmavit cum hujusmodi inscriptione τέρψινος, idest hoc vince ; iterumque ipsi dormienti Christum adparuisse cum signo illo quod in Cælo ostensum fuerat (*b*) . Admirabile hoc factum Scriptores permulti Constantini temporibus proximi, Philostorgius (*c*), Socrates (*d*), Sozomenus (*e*), talibus additis circumstantiis confirmant, ut non modo audiendi omnino non sint qui vel cum Jacobo Oiselio (*f*) illud referunt ad pias veterum fraudes , vel cum Jacobo Tollio (*g*) pro strategemate habent non minus scito quam fuit illud Philippi Macedonis apud Justinum (*h*) , aut Antiochi cogno-*

mento

(*a*) *De Vit. Constant. Lib. I. Cap. 28.*

(*b*) *Id. Ibid. Cap. 29.*

(*c*) *Lib. I. Cap. 6.*

(*d*) *Lib. I. Cap. 2.*

(*e*) *Lib. I. Cap. 3.*

(*f*) *Theaur. Numism. Antiquor. pag. 463.*

(*g*) *In Not. ad Lactant.*

(*h*) *Lib. VIII. Cap. 2.*

mento Soteris apud Lucianum (*a*); sed improbanda etiam jure meritoque videatur eruditissimi ceteroquin viri Joannis Alberti Fabricii (*b*) audax sententia , qui Crucem a Constantino Magno visam naturale fuisse phænomenon opinatur in halone solari.



2. Verum hoc argumento, quod ad nos minime spectat, omisso, illud ad rem nostram observatione dignum est quod refert laudatus Sozomenus, duos Angelos tum a Constantino visos fuisse dicentes ἐν τέτταρ' ἑνίκα. In hujus autem rei memoriam Constantinum præter S. Helenæ, ac suas ipsius statuas ad Crucis latera in Foro Constantiniano, duorum etiam Angelorum statuas collocasse testatur Anonymus Auctor Antiquitatum Constantinopolitanarum (*c*) . Duorum igitur Angelorum icones in quadratis ex argento laminis deauratis anaglyptico opere sculptæ , & ad Crucis nostræ verticem hinc inde locatæ fuerunt ab artifice (quod item præstitum est in area majori , quam descripsimus Capite III. ; ubi magis rudî opere expressæ exhibentur) ex vetustissimo Græcorum more , quem sequuti sunt etiam alii hujusmodi Tabularum conditores , & earum præcipue quas Clarissimi Viri Flaminius Cornelius, Philippus Venutus, & Anselmus Costadonus illustrarunt .


3. In Tabulis quas primi duo Scriptores exhibent , duo hi Angeli nominibus *Michaelis* & *Gabrielis* distinguuntur , Græcis litteris perpendiculari scribendi forma dispositis : in nostra vero eorum item nomina sculpta duplici hoc monogram-


(*a*) *Tom. I. pag. 499.*

(*b*) *Exercit. Crit. de Cruce a Constantino visa Tom. VI. Biblioth. Gr. præmissa.*

(*c*) *Lib. I. num. 33. & 40.*

monogrammate, seu compendio  Μικαήλ, &  Γαβριήλ, quæ quidem duorum Angelorum nomina etiam apud Gru-
terum (a) in veteri Inscriptione sic contracta MX, & ΓB
legenda occurrunt.

4. Ad lævam igitur Michaelis in superiori laminæ angulo sculptum dicto monogrammate ejus nomen, & orbiculo inclusum cernitur, ad dexteram vero in alio orbiculo en-
sis, & spiculum ad decussis formam habentur disposita  : symbolum certe Archangelo Michaeli optime
conueniens, quo duce factum est prælium magnum in Cæ-
lo & projectus est draco ille magnus serpens antiquus,
qui vocatur Diabolus, & Satanas, qui seducit universum or-
bem: & projectus est in terram, & Angeli ejus cum illo missi
sunt (b).

5. Eadem observatur dispositio in altera lamina, in qua
Gabriel repræsentatur: in orbiculo autem ad hujus Archan-
geli dexteram, Christi Monogramma  sculptum cerni-
tur. De Sacrosancto hoc Monogrammate, quo duabus prio-
ribus litteris Græcis X, & P junctis, & implexis Sanctissi-
mum nomen ΧΡΙΣΤΟΣ exhibetur, post ea, quæ fuse, at-
que eruditissime commentati sunt clarissimi Viri Domini-
cus Georgius (c), Franciscus Victorius (d) Antonius Fran-
ciscus Gorius (e), alique permulti, plura hic differere su-
pervacaneum judicamus. Illud tantum monebimus cum lau-
dato

(a) *Inscript. Antiq. Thesaur. pag. 1048. num. 2.*

(b) *Apocal. XII. 7. 9.*

(c) *Dissert. de Monogr. Christi D.*

(d) *Dè Monogr. SS. Nom. Jesu.*

(e) *Commentar. cit. Cap. VI. & VII.*

dato Gorio , quod licet perspicuum , exploratumque sit ex pluribus vetustissimis Monumentis, hoc salutare Christianorum signum multo antiquius esse Constantini Augusti ævo, a quo viri nonnulli, ceteroquin docti, eo tempore, quo Fidem suscepit, & Christianæ Religioni nomen dedit, inventum , ac traditum fuisse censuerunt ; hujus tamen divini thematis propagatorem eundem piissimum Augustum fuisse pro certo habendum est . Ille enim primus militare illud vexillum ab Eusebio (a) descriptum efformari jussit , quod *Labarum* vocabatur , cujus longiori hastæ alia transversa conjungebatur, ex qua pendeat velum, & in eo Sanctum Monogramma depictum; quod in clypeis etiam, in scutis, in numis ab eodem Imperatore primum sculptum, ut constans eruditorum opinio est, non modo subsequen- tium Augustorum fuisse stemma ex numismatibus perspicue probatur, sed commune Christianorum etiam symbolum fuisse declarant antiqua Monumenta permulta . In Icone autem nostra ad rem apposite ab artifice sculptam hanc imaginem habemus; Archangelum namque Gabrielem ferendo ad Mariam Virginem nuntio de Christo ex ea nascituro destinatum fuisse apud omnes compertum est.

6. Dexterâ manu singuli duo hi Archangeli virgam gerunt, quadam quasi gemma, & flore in apice distinctam Ejusmodi virgam, quam deferunt etiam Angeli in Tabulis nostræ similibus, ad sceptrum illud Augustis Orientis peculiare, quod *Ναρθήνα*, seu *Ferulam* dixerunt, proxime accedere, a laudatis Clarissimis Viris Anselmo Costadoni (b), & Phi-

(a) *Loc. cit. Cap. 31.*

(b) *Observat. cit. cap. 8.*

Philippo Venuti (a) observatum est. Narthecem autem, ab Imperatoribus gestatum, idem fuisse ac Labarum scribit Ducangius: *quod enim veteres, ait (b), Latinis perinde, ac Byzantinis Scriptoribus Labarum vocabant, posteriores Ναρθηκα, seu Ferulam appellavere: siquidem Imperatorum idem fuit gestamen, etsi postmodum non eadem omnino forma, & figura.* Labari igitur figuræ reliquias in hoc sceptro, quod ex Græcorum consuetudine dextera gestant Angeli, servatas fuisse verisimile est: quod magis probabile redditur ex illorum virgis Angelorum, qui ad latera Crucis a Cl. Flaminio Cornelio descriptæ (c) positi sunt. In earum enim summitate nescio quid quadratum oblongius eminet, illi persimile quod adparet in Bulla plumbea Balduini II. Imperatoris Constantinopolitani, Diplomati anni 1221. appensa; quo Narthecem, seu Labarum repræsentari observat citato loco Ducangius.

7. Quemadmodum autem, ut ex Simeone Thessalonicensi notat idem Auctor, Sceptrum hoc, seu Ferula ab Imperatoribus gestabatur, in Symbolum potestatis iis traditæ subditos populos puniendi; sic etiam apud Græcos invaluit mos eandem virgam manu ferentes Angelos pingendi; quibus, ut Justitiæ suæ Ministris, humanarumque iniquitatum ultoribus, usum fuisse Deum, passim Divina documenta testantur. Hinc ipsamet Pachimeræ verba in Paraphrasi ad Librum de *Cælesti Hierarchia* Divo Dionysio adtributum adducens, observat sæpe laudatus Costadonus (d), *Virgas Angelorum*

(a) *Dissert. cit. pag. 19.*

(b) *Dissert. cit. §. XXI.*

(c) *Eccl. Ven. Dec. XIII. Par. I. pag. 155.*

(d) *Loc. cit.*

gelorum designare Regiam & Ducalem potestatem , rectamque rerum Divinarum ordinationem , juxta illud Apocalypseos (a) : & qui loquebatur mecum (de Angelo agebat Joannes) habebat mensuram arundineam , ut metiretur civitatem , & portas ejus .

8. Ceterum hic observare juvat non ejusdem omnino formæ singulas nostrorum Angelorum esse virgas . Quam enim gestat Gabriel quasi in florem , seu lilium superne assurgit ; Michaelis autem virga quodammodo jaculum in apice repræsentat : quod mysterio , ut mea quidem fert opinio , non caret . In prima enim Symbolum artifex exhibuisse videtur Virginitatis ; Gabrielis namque colloquio Deipara Virgo quod in ea operandum erat a Spiritu Sancto didicit , nullo Virginalis Integritatis detrimento : in altera vero bellicæ Fortitudinis imago exprimitur ; quippe Michael in Scripturis vocatur Princeps magnus qui stat pro filiis Dei (b) ; eumque in fine mundi cum antiquo illo hoste , qui Deo per superbiam ab initio similis esse concupivit , præliaturum esse novimus .

9. Nonnulla nunc breviter adnotanda remanent de reliqua etiam interioris Tabulæ nostræ area , quam vestiunt argenteæ laminæ encausto cærulei coloris , aureisque huc illuc stellulis depictæ . In antiquis Musiis operibus apud Ciampinum (c) Mylticus Agnus in area item cærulea stellis ornata conspicitur . Hujus autem antiquissimæ consuetu-

L dinis

(a) Cap. XXI. v. 15.

(b) Dan. XII. 1.

(c) Vet. Monim. Tom. II. Tab. XVIII.

dinis rationem reddit Cl. Bonarrotius (*a*), occasione cuiusdam vitrei fragmenti, quod illustrat, in quo medius inter duas stellas in area cærulei coloris visitur Agnus immaculatus. Hoc autem significari ait & Divinam ejus Æternamque Naturam, antequam Orbis crearetur, & in Cælos dominium a Patre illi tributum, & Regnum tandem æternum, humanæ naturæ, quam primus ad Cælum Empyreum evexit, recuperatum. Nec diversam tradit rationem, cur & in Musivis apud eundem Ciampinum (*b*) Crux, ut in Tabula hac nostra, & in antiquis vitreis Christianorum Vasis (*c*) Sacrosanctum Christi Monogramma inter stellas collocatum exhibeatur. Et Crucem enim, & Christi Nomen quasi supra Firmamentum exaltatum ita pingere consueverunt.



C A-

(*a*) *Offervaz. cit. pag. 38.*

(*b*) *Tom. I. Tab. LXV.*

(*c*) *Bonarrot. l. c. pag. 56. 57.*

CAPUT SEPTIMUM.

*De Vivificæ Crucis, & Tunicæ D. N. J. C. particulis
in Tabula nostra adservatis.*



Is omnibus diligenter pro viribus, atque haud inutili, ut puto, labore expensis, nunc de Sacris illis Pignoribus dicendum est, quæ in Tabula nostra præ ceteris omnibus quantumlibet pretiosis ornamentis fulgent; duabus scilicet Vivi-

ficæ Crucis, totidemque Tunicæ Jesu Christi Domini Nostri particulis, quæ quatuor thecis argenteis auro obductis, & crytallo in anteriori parte clausis custodiuntur: quarum duæ primæ ad Crucis latera hinc, illincque inter primam & secundam, seu superiorem, & mediam Crucis nostræ decussationem; duæ vero aliæ sub infima ac minori ipsius Crucis decussatione visuntur. Dexteræ superiori thecæ tantum crytallo aureis characteribus hæc picta legitur inscriptio Ἀγιον Ξύλον, hoc est *Sanctum Lignum*.

2. Singulæ Vitalis Ligni insignes portiones supradictæ longitudine unciam unam, & dimidiam Veneti pedis æquant, latitudine vero, & crassitudine quartam uncix partem excedunt. Cujusnam speciei lignum hoc sit affirmare non audeo. Ejus color præ vetustate saturum castaneum, ut vulgo vocant, exhibet; peritisque nonnullis, quibus illud examinandum proposui, querneum esse videtur.

Quercum quidem D. J. C. Cruci construendæ adhibitam

fuisse tradit doctissima , & nobilis Femina Valeria Falconia Proba (*a*) his verbis :

Ingentem Quercum decisis undique ramis

Constituunt :

pluresque Justus Lipsius (*b*) in medium profert rationes , ut hanc confirmet sententiam ; cui calculum adjecerunt eruditi etiam alii Viri Alphonsus Ciacconius (*c*), Joseph Laurentius (*d*), Serryus (*e*), Angelus Rocca (*f*) , & Antonius Sandinus (*g*).

Alii ex Palma Christi Crucem fuisse confectam censent , illudque Canticorum (*b*) : *Ascendam in Palmam* interpretantur de Christi Cruce Cassiodorus , Justus Orgelitanus , S. Gregorius , Guillelmus , Tertullianus , & S. Petrus Damiani apud Cornelium a Lapide (*i*). Alii tandem ex quatuor lignorum generibus constasse credunt , ex quibus nonnulli cum Joanne Chrysostomo (*k*), & Beda (*l*) ex Cupresso , Cedro , Pino , & Buxo ; plures vero cum Bernardo (*m*), & Auctore Glossæ ad Primam Clementinam *De Summa Trinitate* ex Cedro , Cupresso , Oliva , & Palma ; unde illud :

Ligna Crucis sunt Palma , Cedrus , Cupressus , Oliva .

Majorem porro sectatorum numerum , postrema præcipue
ætā-

(*a*) *Cent. Virgil. de Fidei Nostræ Myster. cap. 34.*

(*b*) *De Cruce Lib. III. cap. 13.*

(*c*) *De Lign. S. Cruc. cap. 30.*

(*d*) *De Tormentis cap. 7.*

(*e*) *Exercit. LIV. num. 1.*

(*f*) *Comment. de Partic. S. Crucis. Tom. I. cap. 2.*

(*g*) *Hist. Famil. Sacr. cap. xv. num. 9.*

(*h*) *Cap. VII. v. 8.*

(*i*) *Comment. in cit. Canticor. loc.*

(*k*) *Orat. de Venerat. S. Crucis.*

(*l*) *Collectan. de quat. generib. Ligni in Cruc. Chr.*

(*m*) *Tract. de Pass. Dom. cap. 46.*

ætate , recenset opinio de Cruce pluribus lignorum generibus compacta : prima vero sententia pro Quercu stans probabilior videtur Eruditis ; licet neutra firmis adeo rationibus , vel conjecturis fulciatur , ut res adhuc in incerto non jaceat .

3. Duarum Tunicae Christi portionum , quas claudunt inferiores Tabulae nostrae Thecae materies lana est , & quidem rudis : opus textile : color vero caeruleus exsaturatus , & nigricans , qualem fuisse hyacinthinum probat Joannes Braunius (a) in Pontificum Hebraeorum Pallio , seu tunica superiore .

Cujusmodi Vestis Domini hæc sit dubium oriri posset , quamvis ipse Bessario , qui in Epistola ad Caritatis Confratres , quam alibi dabimus , eam Christi *Divinam Vestem* simpliciter appellat , in Charta Donationis mox item adferenda , *Tunicam* expresse vocet his verbis : *Duo frustra Tunicae Christi, hoc est de Sacco* . Quæstio enim ab Eruditis agitur , utrum præter Pallium duas Christus induerit Tunicas , interiorem nempe , quæ loco indusii esset , seu subuculae , & exteriori istam ; an vero unicam tantum , cui pallium superimponeretur . Primam opinionem tuentur Maldonatus , & Cornelius a Lapide (b) , alique perpauci , Euthymii potissimum auctoritate nixi , qui tria Christum gestasse vestimenta , per conjecturam tantum , affirmat . Alteri tamen sententiæ innumeri melioris notæ Scriptores adhærent ; præeuntibus Lactantio Firmiano (c) , &
Cy-

(a) *Vestit. Sacerd. Hebr. Lib. I. cap. 3.*

(b) *Comment. in Matth. xxvii. 35.*

(c) *Lib. de Vera Sap. cap. 18.*

Cyrillo Hierosolymitano (a), qui de Christo expresse ait : *Tunica autem una, & pallio uno utebatur* : quod quidem perspicue colligi notat inter alios Octavius Ferrarius (b) etiam ex ipsis Joannis Verbis (c) : *milites ergo cum crucifixissent eum, acceperunt vestimenta ejus & Tunicam* . Ut quid enim Tunicam a ceteris Christi vestibus distinxisset, si duas tunicas induere consuevisset?

4. Mirum forte videbitur iis, qui ex hodiernis moribus res veteres æstimare, atque interpretari solent, Christum Dominum duas tantum vestes majores gestasse, Tunicam nempe, & Pallium: majores inquam; non enim de feminalibus, calceis, aut hujusmodi aliis minorum vestimentorum generibus hic sermo est. Verum diutissime, ut observat Casaubonus (d), vixerunt mortales, cum in communi usu majorem omnem vestem, præter has duas, ignorarent. Adjecta ferius etiam apud Romanos tertia vestis, tunica nempe interior, sed qua per diu frugi homines parce usi; unde apud Varronem (e) legimus : *mibi puero modica una fuit tunica, & toga* . Apud Hebræos autem vel nulla, vel certe ita rara interioris tunicæ mentio ab Eruditis observatur, ut non probabile tantum, sed certitudini proximum judicandum sit, Dominum nostrum, cujus vita universa simplicitatis, & humilitatis exemplum exstitit, quique nullam in cultu molliem agnovit, minime illa usum fuisse.

5. Ur-

(a) *Cathec.* XIII. num. 26.

(b) *De Re Vestiariæ.* Par. I. Lib. III. cap. 1.

(c) *Cap.* XIX. v. 23.

(d) *Exercit.* XVI. in *Baron.* §. 84.

(e) *Cato; sive de liberis educandis.*

5. Urgent quidem nonnulli multitudinis numerum , seu pluralem, ut vocant Grammatici, scilicet *Vestimenta* , quo utitur Evangelista, qui etiam in Græco Textu servatur τὰ ἱμάτια ; eaque voce putantes non unam aliquam vestem significare voluisse, sed plures; alia etiam tunica præter Inconsutilem , & Pallium indui solitum fuisse tradunt Servatorem.

Verum qui plures vestes quam duas Dominum gestasse colligunt e voce pluralis numeri ἱμάτια , eos fragili plane arundini inniti , & omnino errare contendit doctissimus Casaubonus (a); pluribusque probat manifestum , & certissimum esse ἱμάτια hic appellari ab Evangelista non plures vestes , sed unicum tantum Christi Pallium : quod evidenter erui ait ex ipsis Joannis verbis: *acceperunt τὰ ἱμάτια αὐτῆς vestimenta eius, & fecerunt quatuor partes, unicuique militi partem.* Cum enim ea non de quatuor aliis vestibus præter Tunicam intelligenda sint, ut nonnulli censuerunt, quos refellit Euthymius ; expresse illis indicatur eadem vestis , Pallium nempe , genus quadratæ oblongæ vestis , quæ ritu Hebræorum fimbrias habebat in quatuor angulis, & in quatuor æquales partes dividi facile poterat , quarum singulæ alicui essent usui .

Porro numerum pluralem hic ex Græcorum consuetudine, & aliarum etiam Linguarum, pro singulari usurpatum fuisse idem Auctor demonstrat , quemadmodum etiam alibi ab eodem Evangelista (b), qui de Christo, peracta cœna Discipulorum pedes lavaturo, ait : *surgit a cœna, & ponit*

(a). *Loc. cit.* & §. 25.

(b) *Cap. XIII. v. 4.*

nir rā ipāria vestimenta : & tamen Pallium tantum ab eo exutum fuisse communis fert SS. Patrum , & Interpretum opinio . Ejusdem consuetudinis exemplum expressius colligitur ex Marci Evangelio (*a*), ubi de muliere a fluxu sanguinis sanata legitur : ἥψατο τῆς ἱματίου αὐτοῦ , *tetigit vestimentum ejus* ; Jesus autem ita loquens inducitur : τίς μου ἥψατο τῆς ἱματίου ; *quis tetigit vestimenta mea* ? Eandem quippe vestem (Pallium nempe , ut aperte eruitur ex Matthæo (*b*)) singulari numero vocat v. 27 , quam v. 30. numero multitudinis appellat .

Hæc paulo fusius prosequuti sumus , ut Vestem Domini Nostri , cujus particulæ in Tabula nostra adservantur , non aliam esse quam Tunicam Inconsutilem majori qua fieri potest certitudine asseramus . Rejēcta enim , infirmataque sententia de duabus tunicis a Christo Domino gestatis , nullus remanet dubitationi locus pro una tunica asserenda : quippe non solum Tunica ab ipso Bessarione dicitur , sed ejus etiam forma indicatur iis verbis : *Duo frustra Tunicae Christi , hoc est de Sacco* . Instar enim sacci efformatæ erant tunicae , respondebantque subucularum nostrarum formæ , licet illæ aliquanto his arctiores essent , longioresque , imo ad talos usque demissæ ; unde a Hieronymo (*c*) *Camisiae* vocantur : qua voce ceteroquin nos solas interiores tunicas apud nos jamdiu in more positas intelligimus , & indicamus .

6. Quod ad materiam Sacræ hujus Tunicae spectat , ea ,
ut

(*a*) Cap. V. v. 27. & 30.

(*b*) Cap. IX. v. 20.

(*c*) Epistol. ad Fabiol.

ut jam diximus, lana est. Laneam autem fuisse Christi Tunica Inconsutilem ita vetustissima fert traditio, quemadmodum citato loco notat Casaubonus (cui consentiunt Ferrarius (a), Braunius (b), aliique plures Antiquitatum Sacrarum periti, Divinique Verbi Interpretes) ut res extra dubium posita esse videatur.

Non me præterit nonnullos ethimologicis conjecturis addictos pro lino pugnare. Vox enim Latina *Tunica*, & Græca χιτών ab Hebræo כְּתֹנֶת *Ghetbonet* ex omnium sententia derivantur. „ Porro, si Josepho credimus, ait laudatus „ Braunius (c), Tunica ab Hebræis dicitur כְּתֹנֶת propter „ materiam, nempe a lino; כְּתֹנֶת enim *linum* significat... „ Cum itaque Hebræis, vel potius Chaldæis כְּתֹנֶת *linum* significet, Josephus credidit tunicam dici כְּתֹנֶת, quasi dicere *lineam*; hæc enim habet Josephus (d): χεθονώνη „ (lege χεθόνε) καλεῖται* λίνιον τὸ σημαίνει. χεθὼν δὲ τὸ λινὸν „ ἡμεῖς καλεῖμεν. *Ghetbomene* (potius *Ghetone*) dicitur: Hoc „ linum significat. Nos enim linum *Gbeton* vocare solemus. “ Nec a Josepho diversa habet Hieronymus (e), de Tunica sic inquires: appellatur Chetonath, idest χιτών, quod Hebræo sermone vertitur in lineam.

Verum tanti hæc non esse, ut ad vetustissimam traditionem de lanea Christi Tunica infirmendam sufficiant nemo non videt. Primum enim dubitandum occurrit, ut animadvertit Braunius, *utrum illa revera sint verba Josephi,*

M

an

(a) *De Re Vestiar. Par. II. Lib. IV. cap. II.*

(b) *Vestit. Sacerd. Hebr. Lib. II. cap. 2.*

(c) *Ibid. cap. 1. num. 2.*

(d) *Antiquit. Lib. III. cap. 8.*

(e) *Loc. cit.*

an non potius prolata fuerint ab aliquo Græco sciolo; qui valde amant in vocibus hoc modo ludere. Præterea, subdit ille, si hoc verum esset, omnes Hebræorum כְּתֹנֶת Tunicae deberent esse lineæ: quod tamen falsum esse non modo pluribus probat exemplis ab ipsa Scriptura petitis, sed ipsis etiam Exodi verbis confirmat: *Filiis Aaron Tunicas lineas parabis (a)*. Et: *Fecerunt Tunicas byssinas opere textili Aaron, & Filiis ejus (b)*. Nam si in ipsa voce כְּתֹנֶת etiam materia contineretur, quorsum additum fuisset a Moyse *Linum, & Byssus?*

Fatetur itaque citatus Auctor linum antiquissimis vestimentis præbuisse materiam, & fortassis ante lanam, ut non mirum esset si quis diceret prima vestimenta apud antiquos כְּתֹנֶת *linea* dicta fuisse a materia, & postea omnes tunicas sic fuisse appellatas, cujuscumque fuerint materiæ; cum antiquitus multa vestimenta vel a materia, vel a colore, vel etiam a forma nomen desumpserint. Verum nullo modo hinc sequitur, ut satis patet, tunicas omnes fuisse lineas; multoque minus apud Hebræos, quos penes, exceptis Sacerdotum tunicis, quæ Lege jubente erant lineæ, nullum, aut certe rarum linearum usum fuisse observat laudatus Ferrarius (c); præcipue in Christo Domino, qui omnem hujusmodi cultus mollitiem improbavit: unde Chrysostomus (d) ait, *Christum sicut in aliis omnibus, sic in veste vilitati studuisse.*

7. Quanam vero ratione Tunica hæc Christi Domini con-

(a) Cap. xxviii. v. 40.

(b) Cap. xxxix. v. 25.

(c) Loc. cit. Par. I. Lib. III. cap. 3.

(d) Homil. 85. al. 84. in Joann. num. 2.

contexta fuerit , non una est Eruditorum , & Sacrae Scripturae Interpretum sententia , qui miserrime sese torserunt , ut investigarent quomodo tale contexi potuerit vestimentum , quod futuram non haberet . Mirum profecto quot maximis ingeniis quaestio hæc crucem fixerit . Alii enim cum Joanne Chrysostomo (*a*) , Theophylacto (*b*) , & Theopane (*c*) ex duobus eam pannis constasse crediderunt , quos Palestinæ mulieres vel textu , vel acu ita jungebant , ut conjunctio minime oculis pateret , eo ferme modo quo nostris etiam temporibus duo panni adeo exacte committuntur acu , ut ex iis unus quodammodo effici videatur .

Nonnulli cum Salmasio (*d*) . quem etiam sequuntur Vossius (*e*) , & Suicerus (*f*) ; acu quidem sutam fuisse censent , & ex diversis pannis sectis constasse , sarcinatoris opera simul conjunctis . Verum quoniam ipsa non fuit ex eo genere tunicarum , quas Græci *σχιστῆρας* appellabant , quæque ex utraque parte jungebantur fibulis , quæ *ῥαπίδες* , vocabantur , ideo a Joanne Christi Tunicam *ἄρραπον* dictam tradunt , eo sensu quod scilicet non haberet *ῥαπίδας* hoc est *fibulas* , sed ex omni parte clausa esset acus opera .

Alii tandem cum Casaubono (*g*) , Ferrario (*h*) , Menochio (*i*) ; Salmerono (*k*) , Heinio (*l*) Joanne Quirino

M 2

He-

(*a*) *Ibid.*

(*b*) *In Joann. Cap. XIX.*

(*c*) *Homil. in Pass. Dom.*

(*d*) *In Vopisc. Vit. Aurelian. cap. 45.*

(*e*) *Harmon. Evangel. Lib. II. cap. 8. §. 11.*

(*f*) *Theaur. Eccl. V. χειρὼν .*

(*g*) *Exercit. XVI. in Baron. §. 85.*

(*h*) *Loc. cit. cap. 16.*

(*i*) *De Rep. Hebræor. Lib. VI. cap. 7. num. 6.*

(*k*) *Tom. X. Tract. 38.*

(*l*) *Arist. Sac.*

Hedeno (*a*), aliisque pluribus, Tunicam Christi eo ferme modo elaboratam fuisse putant, quo hodie tibialia, chirothecæ, & id genus infinita alia ex uno filo, binis, vel pluribus prælongis ferris! aut acubus neſtuntur: quæ quidem opinio majorem habuit ſectatorum numerum, atque adhuc viget apud viros etiam non ex vulgaribus: licet hujusmodi ars apud Veteres in uſu minime fuiſſe videatur; cum ejus ne Galenus quidem meminerit ad Traſybulum, ubi de variis artibus veſtes conficiendi differit.

8. Verum enim vero cuilibet rem ſerius perpendenti jure meritoque ſententia arrideat neceſſe eſt diligentiffimi, doctiffimique Viri alias laudati Joannis Braunii, qui de hoc argumento ad finem elapſi ſæculi ſumma eruditione tractatum edidit, atque evidenter oſtendit (*b*), Chriſti Domini Tunicam ſola textoris opera ita totam fuiſſe contextam, ut nullam omnino futuram habuerit, ſed ſimplici textura undique clauſa fuerit, rotunda, & manicata.

Duplicem itaque texendi modum apud antiquos fuiſſe demonſtrat. Quidam enim ſedendo, & deorſum texebant, ideſt tramam ad inferiorem partem trudendo, unamque ſimplicem telam tantum abſolvebant longiorem, ex qua plures veſtes confici poſſent: quales ſunt panni, & telæ, quæ apud nos hodie detexi ſolent, eadem ferme ratione. Alii vero ſtando texebant, ac telam percurrendo ab uno latere ad aliud, tramam ſpatha, loco peſtiniſ nunc uſitati, ſurſum verſus, ideſt ab inferioribus ad ſuperiora detrudendo. Duplicis hujus texendi rationis meminit Herodotus (*c*) his
ver-

(*a*) *Sciſſ. Veſt. Hebr. & Gentil. num. 4.*

(*b*) *Veſtit. Sacerd. Hebr. Lib. I. cap. 16.*

(*c*) *Lib. II. pag. 101. Edit. Lugdun. 1715.*

verbis : *alii vero texentes villum subtegminis desuper tramant ; Ægyptii subter.*

Hac igitur ratione, stando scilicet, sursum versus stamine extenso, suspensis ponderibus, & tramam spatha percutiendo, texebantur Tunicae ἄρραφοι, vestimenta rotunda, manicata, & undique clausa, unico tantum hiatu superne patentia, capiti inferendo. His autem conficiendis non unica tela tantum, aut unicum stamen detexebatur, sed duo stamina jungebantur, ut uno eodemque radio, aut, si mavis, uno eodemque texturæ filo, simul duæ telæ, quasi duæ plagulæ contexerentur, unde necessario vestimentum rotundum, quales sunt tunicæ clausæ, exurgeret. Hinc est quod textores non solum stare tenebantur, sed etiam ambulare, & quasi continuo in gyrum ab una tela ad aliam percurrere. Radio enim, sive trama per anteriorem telam transmissa, tramaque sursum versus spatha detrusa, & condensata, textor statim ad posteriorem telam decurrere tenebatur.

Præclarissimus Auctor, a quo pauca hæc delibavimus, dilucide totam hujusmodi vestium texendarum rationem exponit; explicatque quid esset sursum versus texere, stando texere, quomodo stamen ponderibus suspendi soleret, qua ratione duo stamina, seu duæ telæ jungerentur, quid esset duos pannos committere, quid telam percurrere, & intertexendum obambulare. Jugum præterea textorium quod suis sumptibus construendum curavit, quoque Novomagi Anno 1676. ad inconsutilem tunicam detexendam usus est, ære incisum exhibet: additque artem has texendi vestes in India coli; & quorundam Batavorum amicorum suorum nomina profert, a quibus hujusmodi tunicæ sine futura, vel ullo

ullo acus vestigio, solo textoris opere elaboratæ , ex Indis delatæ fuerunt . Curiosis itaque lectoribus , qui plura scire desiderant, adeundum relinquimus eruditissimum ejus Opus; quod quia ad manus omnium non est , dolemus editum non fuisse iterum in Antiquitatum Sacrarum Thesauro a doctissimo Blasio Ugolino , cui certe hac de causa turbas non excitassent , ut veritus est (*a*) , Eruditi , sed gratias habuissent maximas .

9. Nonnulla etiam apposite ad rem hanc illustrandam apud Joannem Ciampinum (*b*) legi possunt , qui Romæ degentem artificem quemdam Franciscum Mariam Granchi, natione Florentinum se cognovisse testatur, a quo hujusmodi Tunicæ sine ulla futura texebantur . Singulare autem hoc Florentino erat artifici , quod hisce vestibus texendis textorio jugo utebatur ejus formæ, quæ ad pannum cujuscumque generis texendum adhibetur : quod quidem in eadem Urbe alius etiam ingeniosus artifex Franciscus , cognomento Gujot, natione vero Burgundus effecit, atque in Accademia Physico-Mathematica , quæ in ejusdem Cl. Auctoris domo habebatur , proprii ingenii vires periclitatus , non indusium solum, sed & parvulam casulam, vulgo planetam, absque ulla acus ope , solaque , & simplici textura , in solito jugo textorio , propria scitaque Minerva elaboratam protulit . Iterata hæc artificum molimina , quæ bene ceciderunt , jure meritoque argumento fuere laudato Ciampino , quam facile sit hujusmodi tunicas omnino inconfutiles texere ; quod arte fieri non posse crediderunt
magni

(*a*) *Præfat. in Tom. XII. Thesaur. Antiquit. Sacr.*

(*b*) *Vet. Monim. Part. I. cap. 13.*

magni viri Casaubonus , Salmasius , Ferrarius , & alii .

Hæc de ratione textiles hujusmodi vestes conficiendi , etiam posterioribus temporibus adhibita , pluribus quam par erat prosequuti sumus , ut & erronea tot magnorum virorum sententia exploderetur , & ne prædicti alii industrii Viri sua laude fraudarentur . .

10. Antiquissimum porro fuisse morem apud Hebræos tunicas hujusmodi textiles elaborandi , jam inde saltem a Mosis temporibus inductum , satis aperte ex descriptione Tunicarum Sacerdotalium , quæ totæ textiles erant , evincitur . Hoc ex citato Exodi textu manifestum esse videtur : *fecerunt & tunicas byssinas opere textili Aaron, & filiis ejus.* His autem verbis tunicas indicari , quæ solam textoris artem , non acus operam subiissent , notant cum Braunio plures alii doctissimi Viri , inter quos Spencerus (a) . Cum enim præceptum esset , ut e bysso constarent Sacerdotum Tunicae , non minus necesse erat ut illæ quam ut nostræ *textili opere* conficerentur ; adeoque voces istæ prorsus inutiles essent , nisi vestes textoris tantum , non futoris etiam opera concinnatas indicare censeantur . Hanc vero consuetudinem Christi quoque temporibus viguisse adparet ex Josepho , qui de Magni Sacerdotis Tunica superiore , seu Pallio loquens , hæc habet (b) : *Hæc tunica non constat e duobus segmentis, ut futuras habeat in bumeris, ac lateribus ; est autem unica tela in longum contexta.*

11. Quoniam autem ejusmodi tunicae a superioribus partibus , ut diximus , texti incipiebant , ideo *Tunica Rectæ* a
Ro-

(a) *De Legib. Hebr. Lib. III. Dissert. 1. cap. 2. Sect. 2.*

(b) *Antiquit. l. c.*

Romanis vocabantur. Imo earum originem apud Romanos enarrans Plinius (a) refert, Tanaquillam, quæ & Caja Cæcilia dicta fuit, Tarquinii Prisci uxorem, primam fuisse, quæ Rectam Tunicam texuit. Rectas porro Tunicas eas vocatas fuisse, quæ a stantibus sursum versus texebantur perspicue docet Isidorus (b) his verbis: *Recta vestis quam sursum versus stantes texunt.*

Ad hunc igitur texendi modum respexisse Evangelistam, cum de Tunica Christi verba faciens ait, *erat autem Tunica inconsutilis desuper contexta per totum*, res mihi videtur, quæ ne minimam quidem dubitationem admittat. Quæ enim magis historicæ veritati, verborumque proprietati conformis interpretatio phrasis illius Evangelicæ ἐκ τῆς ἀνωθεν ὑφαντὸς *desuper contexta* vel, ut ad verbum reddit Benedictus Arias Montanus, *ex iis quæ desuper contexta*, quam quod Tunica illa texta fuerit sursum versus? Vocis vero ἀρράφος *inconsutilis*, licet obuius fatis sit sensus, ut vestem significet absque ulla futura, nonne clarior adparet, ex iis *verbis* ὑφαντὸς δὲ ὅλῃ *contexta per totum*, quod idem est ac *tota textilis*? Plura igitur quæ in hanc rem observari possent consulto præteribimus, ne frustra fines nobis propositos transiliamus.

12. Ne autem si ingenium, & eruditionem, diligentiam saltem hac in re nostram quis desideret, reliquum est ut de Inconsutilis Tunicæ D. N. J. C. particulis, quæ in aliis Christiani Orbis Lipsianothecis adservantur, quasque vel
ipsimet

(a) *Hist. Nat. Lib. VIII. cap. 48.*

(b) *Orig. Lib. XIX. cap. 22.*

ipsimet inspeximus, vel per alios inspiciendas, atque examinandas curavimus, nonnulla dicamus.

Fredegarius itaque Scholaisticus in Chronico (*a*) refert, anno 30. Regni Guntchramni Regis Francorum, seu Anno Ær. Christ. 590. Tunicam Domini inventam fuisse, cujusdam Simeonis, filii Jacob opera, in Civitate Zafad (*b*), procul a Hierosolyma, in arca marmorea, eamque a Gregorio Antiochiæ, Thoma Hierosolymorum, & Joanne Constantinopolis Episcopis, cum aliis multis Hierosolymam fuisse perductam. Gregorius vero Turonensis de eadem Tunica loquens, & narrationem suam alienæ magis, quam suæ periculo fidei committens, ait (*c*) : *Ferunt in Civitate Galathææ (d) in Basilica, quæ ad Sanctos Archangelos vocatur, retineri in arca lignea.* Ad quæ Gregorii verba notat eruditissimus Monachus Theodoricus Ruinart, hanc eandem Tunicam postmodum in Gallias tempore Caroli Magni allatam fuisse, & apud Argentolium in Agro Parisiensi depositam, ubi cum diu ob tumultus bellorum latuisset, medio Sæculo XII., aut non multo secus inventa est, & præfente Ludovico Juniore cum aliis Regni Proceribus ab Hugone Episcopo Rothomagensi, compluribusque aliis Episcopis, & Abbatibus, publicæ Fidelium venerationi exhibita fuit anno 1156, ubi nunc etiam adservatur. Hæc autem Cl. Auctor scribit, Libellum ea de re laudans a D.

N

Gabrie-

(*a*) *Inter Opera D. Greg. Turon.*

(*b*) *Joppæ nunc Zaffa, & Jafa, urbs Palæstinæ maritima, quondam celeberrima, nunc diruta, ab Hierosolymis distans 40. Mill. pass. (Baudr. Lexic. Geogr.)*

(*c*) *Lib. I. de Mirac. cap. 8.*

(*d*) *Urbs Thraciæ, a Byzantio 150. Mill. pass. distans. (Id. ibid.)*

Gabriele Gerberon Parisiis editum Anno 1677, quem quia diu conquistum invenire non potui, divinare haud valeo cujusmodi rationibus, quibusve documentis hæc omnia tueatur, ac fulciat. Plurimum interim, fatebor, apud me auctoritas valet Doctissimi Augustini Calmeti, qui disertissime testatur (*a*), Vestem Domini, quæ in Prioratu Argentolii prope Parisios servatur, non Tunicam esse, sed Pallium purpureum.

13. Antiquiorem Sacræ Tunicæ possessionem jactant Trevirenses. Narrant enim ab Helena Augusta Anno 327. Agritium Antiochenum Trevirorum Episcopum constitutum fuisse, & cum eo Trevirim Tunicam, & Clavum Domini fuisse transmissa. Hoc autem ex antiquissimo Codice Eusebiano in Majoris Ecclesiæ Trevirensis Bibliotheca servato probare nititur Cristophorus Brovverus (*b*), confirmatque Jacobus Mazenius (*c*), tum ex veteri Martyrologio Gallicano, ad diem XVIII. Augusti, tum maxime ex Silvestri Papæ I. Diplomate, quod ex Archivo Trevirensi integrum edidit; & in sententiæ suæ confirmationem Sirmondum laudat, qui idem, paucis immutatis, e Virdonensi Tabulario deprompserat. Ceterum Brovverus nuspiam integrum hoc documentum inveniri, solamque ejus sententiam vetustissimis schedis conservatam fuisse tradit. Idem Diploma iterum publici juris nuper fecit Cl. Doctissimusque Myriophitanus Episcopus Nicolaus ab Hontheim (*d*), qui tamen Petri Boschii (*e*) sententiæ subscribens, illud tamquam

suppo-

(*a*) *Diction. Bibl. V. Vestes.*

(*b*) *Annal. Trevir. Tom. I. Lib. IV. pag. 216. & seqq.*

(*c*) *Not. & Addit. ad Brovver. Tom. I. pag. 582.*

(*d*) *Hist. Trevir. Diplom. Tom. I. pag. 17.*

(*e*) *Hist. Patriarch. Antioch. pag. 39.*

supposititium, vel saltem interpolatum, pluribus de causis rejicit, quas hic referre nostrum non est. Ut utamen sit, exstat certe Leonis Papæ X. Bulla ab eodem Cl. Myriophitano Episcopo edita (a), in qua nulla quidem de Agritio fit mentio, sed a *D. Helena*, annuente *Beatissimo Silvestro PP.*, *Tunica D. N. J. Christi*, & uno ex *clavis*, quibus idem *D. N. Crucifixus fuit*, ac capite *S. Cornelii Papæ Martyris*, aliisque *Reliquiis multipliciter decorata Trevirensis Ecclesia* declaratur.

Porro laudatus Mazenius Sacræ Tunicæ, quæ apud Trevirenses exstat effigiem graphice delineatam vulgavit, hæcque citato loco refert ejus esse mensuras.

Longa est quinque pedes, sesquidigito minus; ab una manicarum ora ad extremam alteram quinque pedes, & digitos quatuor continet; e manicis singulæ porriguntur sesquipede, sunt autem uno pede latæ; infra manicas duos tantum pedes, & tres digitos habet latitudinis; in inferiori tandem extremitate pedes quinque, & digitos septem complectitur.

14. Mihi vero curiosius rem investiganti cum nullus adhuc occurrerit Scriptor, qui de colore, & materia Trevirensis Tunicæ verba faciat, cumque & in hoc ceterorum etiam Auctorum, qui de reliquis Dominicæ hujus Vestis portionibus alibi servatis scripserunt, diligentia desideretur; non ab re visum est oculos testes per litteras consulere, quorum opera mihi innotesceret quatenus Sacrum Pignus hoc nostrum cum eodem Trevirensi, vel cum aliis conveniat. Primum itaque A. R. P. Fr. Vincentium de Asylo

N 2

in

(a) Tom. II. pag. 591.

in Veneta Provincia Fratrum Minorum S. Francisci Capucinatorum Ministrum Provinciale meritissimum (cujus haud scio, Doctrina ne, an Humilitas majori digna sint prædicatione, & admiratione) consilii hujus mei fautorem fortunate nactus sum, qui libellum memorialem meum, datis ad A. R. P. Fr. Wigandum Trevirensis Conventus Custodem, sive ut vocant Guardianum, litteris, Trevirim misit, a quo ille quas hic subjicimus accepit litteras.

„ Plurimum Reverende, & Observantissime P. Provincialis.

„ Petitis A. R. Paternitatis Suæ quantocius studui facere
 „ fatis. Adivi enim Reverendissimum, & Excellentissimum
 „ D. hujatis Metropolis Decanum, accuratissime omnes
 „ circumstantias ab ipso expiscando. Hic enim elapso an-
 „ no quinta scilicet Maji altera die post Patrocinium Emi-
 „ nentissimi Archiepiscopi, & Electoris nostri Tunicam
 „ Inconfutilem D. N. J. C. ex speciali gratia populo in-
 „ numerabili congregato per aliquas horas ad veneratio-
 „ nem propriis manibus exhibuit, qui mihi ut juridice lit-
 „ teris communicarem omnia explicavit.

„ Primo. Est vera Tunica D. N. huic Metropoli a
 „ S. Helena Constantini Magni Matre oblata, & donata.

„ Secundo. Est Inconfutilis.

„ Tertio. Est texta ex lino, & lana.

„ Quarto. Color genuinus describi non poterit. Toties
 „ quoties adspicitur, quod fane mirandum est, alium repræ-
 „ sentat colorem; sed in quantum observari potest, colo-
 „ ris potius fusci esse agnoscitur.

„ Quinto. Est tota, & integra, & nullibi nec exigua
 „ adservatur particula.

„ Sex-

„ Sexto . Ex una parte propter bajulationem S. Crucis
„ parum rofa .

„ Septimo . Adhuc notantur guttæ quædam ex aqua &
„ Sanguine , quæ defluerunt , & in Tunica videri pos-
„ sunt .

„ Hæc sunt verba genuina Reverendissimi D. Decani
„ ejusdem Metropolis , testis omni exceptione majoris ,
„ fautoris , & Patroni mei Specialissimi : qui dum hæc no-
„ tifico me in favorem A. R. Paternitatis suæ commen-
„ dans sum .

Treviris 29. Maji 1766.

Plurimum Reverendæ Paternitatis Suæ

Servus Infimus

Fr. Wigandus

C. T.

p. t. Guardianus.

Hæc omnia laudato Patri in responsione tradita a Reve-
rendissimo , & Excellentissimo Metropolis illius Decano ,
cui observantiam , atque obsequium meum , qua par est
animi devotione , testatum volo , iis pæne omnibus , quæ
non modo generaliter de Christi Tunica Inconfutibili , sed
etiam de particulis ejus in Tabula nostra clausis speciatim
diximus , apprime cohærent . Duo tantum , quæ forte ali-
cui satisfacere non omnino videbuntur , liceat examini sub-
jicere . Primum materiam Trevirensis Tunicæ spectat : al-
terum ejus integritatem . Illud enim Tunicæ nostræ portio-
num , quas laneas esse monuimus , cum illa quæ ex lana ,
& li-

& lino, ut fertur, constat, convenientiam minime confirmat; hoc vero tantum abest ut eam adstruat, ut potius maxime illi repugnet.

15. Quod igitur ad primum attinet, non levem profecto admirationem hoc illis incutiet, quibus compertum sit, vestem e filo dispari, imo præcise ex lino, & lana contextam Lege Moysis vetitam fuisse, quæ his verbis concepta legitur: *Non indueris vestimento quod ex lana, linoque contextum est* (a). Eoque vel magis hoc mirum videbitur, si (ut probabilius, aliorum infirmatis sententiis judicat Spencerus (b)) eam veram fuisse legis hujus rationem statuamus, ut nempe ea Israelitarum Ritus superstitiosis Zabiorum (c) cæremoniis oppositi instituerentur, quos præter alia, teste Maimonide (d), constat *tum plantas* (hoc est linum) *tum animalia* (lanam scilicet) *ad vestimentum unum adhibuisse*. Hujus vero ritus, de Ægyptiis loquens, hanc fuisse rationem inter alios tradit Angelicus (e) his verbis: *Omnes illæ commixtiones in Agricultura sunt prohibita ad litteram in detestationem idololatriæ, quia Ægyptii in venerationem Stellarum diversas commixtionis faciebant & in seminibus, & in animalibus, & in vestibus, representantes diversas conjunctiones stellarum*. Alia etiam moralis ratio Hebraici hujusce ritus a Cyrillo, Oleastro, & Cajetano

apud

(a) Deuteron. xxii. ii.

(b) De Legib. Hebræor. Lib. I. cap. 21. Sect. 3.

(c) Zabiorum nomine *sabæos* intelligit Hottingerus (Hist. Orient. Lib. I. cap. 8.) & *chaldæos* Scaliger (Epistolæ. Lib. I. Ep. 62.). Præter hos autem postremos, *Ægyptios*, *Nabathæos*, *Chananæos*, & *Syros*, Chaldæorum dogmatibus additos, censendos esse putat Spencerus (l. c. cap. i. Sect. i.)

(d) Mor. Nervoc. P. III. cap. 37.

(e) Prim. Sec. Quæst. 102. Art. 6. ad 9.

apud Tirinum (*a*) exhibetur, nempe ad discordias non ferendas, ad abigendam omnem duplicitatem, denique ad familiaritatem cum disparibus, aut dissimilibus non ineundam.

Ex hac igitur Lege, quam Christi tempore viguisse testatur Iosephus (*b*), imo etiamnum vigere tradit Leo Modena (*c*), cum minus verosimile fieri videatur, Christum Dominum, qui præcepta omnia etiam cæremonialia Antiqui Foederis implevit, Tunica e lino & lana contexta usum fuisse; facile adducor ut credam, Trevirenses nunquam pretiosi illius pignoris materiam peritioribus accurate examinandam exhibuisse, sed vulgari potius traditioni acquievisse, qua factum est ut crediderint, & adhuc credant e dispari filo eam constare.

16. Nec magis veritati consentaneum censeo quod tradunt, Trevirenses Tunicam omnino integram esse, & nullibi ne minimam quidem ejus particulam adservari: quod secundo loco mihi perpendendum reliqui. Nam præterquamquod ceteris Sacræ Tunicæ D. N. J. C. portionibus, quas nonnullæ aliæ Christiani Orbis Ecclesiæ in Sacris earum thesaurariis thecis repositas enumerant, fides prorsus neganda esset, si verum hoc admittatur; illud in primis Trevirensibus ipsis negotii aliquid facessere necessum est, quod de Dominicæ Tunicæ particula, in Sacello Aulæ ipsius Trevirensis Archiepiscopi, & Electoris adservata, discimus ex authentico Documento anni 1661. a laudato Cl. Episcopo Myriophitano suffraganeo Trevirensi edito (*d*) quod inscribitur:

(a) In *Leviticæ* XIX.

(b) *Antiquit. Lib. IV. cap. 8.*

(c) *Cærem. Judæor. Par. I. cap. 5.*

(d) *Histor. Trevir. Diplom. Tom. III. pag. 342.*

bitur : *Attestatio Reliquiarum in Capella Aulæ Archiepiscopi Trevirensis, & præcipue Tunicæ Domini.* Hæc igitur ad rem nostram in eo leguntur : „ Georgius Episcopus Azotensis , „ Gargolphus Episcopus Doralienfis , Joannes B. de Dinis „ Protonot. Apostol. , Gerlacus Busch Officialis Treviren- „ sis , unanimi consensu Deputati Judices, sententiam tulerunt , Sacram particulam Tunicæ in Capella Aulæ Archiepiscopalis existentem, cujus dimidietatem Eminentiss. „ & Reverendiss. D. Philippus Christophorus Archiepiscopus Trevirensis, ac Princeps Elector &c. Serenissimæ-Isabellæ Claræ Eugenïæ Hispaniarum Infanti , Archiducissæ Austriæ &c. nuper devotionis ergo donavit, fuisse hætenus merito , & rationabiliter in dicta Capella tamquam „ Sacræ Tunicæ D. N. particulam custoditam, tentam, & „ cultam, idque citra præjudicium Sacræ Tunicæ , quæ in „ Metropolitana Trevirensi reverenter adservatur. “

Hæc quidem non decertandi animo (a quo semper abhorruï) neque ut Sacræ Trevirensis Tunicæ veritatem in dubitationem adducerem, dicta sunt ; sed ut quas de posita ejus materia , atque integritate dubitandi habeo rationes , æquis doctisque Lectoribus examinandas proponerem. Non enim is sum , qui sententiam meam mordicus tueri velim ; quam imo, si validiora in medium proferantur argumenta, plane abdicabo, meque hac in re fuisse alucinatū fateri non dedignabor.

17. Age vero de aliis etiam Dominicæ Tunicæ particulis alibi servatis , quæ colligere potuimus breviter enarremus. Princeps detur locus frustulo illi, quod anno 1391. a Donato Caroso S. Lucie hujus Urbis Plebano, Fantino Albregho Plebano S. Moyfis quoad viveret , eoque defuncto ,

Confra-

Confratribus Sodalitii S. Marci legatum, vi cuiusdam conventionis, seu pacti, cujus Documentum publici juris fecit Cl. Nicolaus Coleti (a), in duas partes anno sequenti divisum fuit, ejusque dimidia pars in dicta Ecclesia S. Moysis; altera vero apud laudatæ Sodalitatis Confratres ad usque hodiernam diem custoditur. Quibusnam fundamentis ea Vestis Dominicæ portio in laudato Documento *Vestis* dicatur *manibus gloriosissimæ Mariæ Virginis, ut creditur, laborata* (quibus verbis non aliud innuitur, nisi Inconfutillis Tunica, ejusque propterea portionem eam esse credidit laudatus Auctor) fatebor me ignorare. Illud certum est, eam simpliciter Vestem D. N. vocari in Donati Carosi testamento, cujus hæc sunt verba (b): *Item dimitto Domino Presbytero Fantino Alberegno Plebano S. Moysis meam Reliquiam quæ est de Veste Domini Nostri Jesu Christi*. Porro unam, alteramque portionem propriis egomet oculis inspexi, easque a nostris omnino diversas esse cognovi. Nam quamvis illarum materies, ut per vitrum observare licet, lanea sit, opus tamen non adeo rude: color vero purpureus est, vel potius coccineus. Hinc, quantum auguror conjectura, eæ vel sunt portiones Dominici Pallii, vel ejus vestis, qua ab Herode Christum illusum fuisse scimus, de qua nonnulla alibi diximus (c).

18. Alteram Tunicæ Christi portionem in Metropolitana Florentina Ecclesia coli, atque observari tradit Cosimus Minorbetti (d), & post eum Joseph Richa (e) S. J. Pres-

O

byter;

(a) *Monum. Eccl. S. Moysis* pag. 138.

(b) *Ibid.* pag. 139.

(c) *Cap. III. num. 3.*

(d) *Relaz. delle Reliq. della Metrop. di Fir.* pag. 23.

(e) *Notiz. delle Chiese Fiorent.* Tom. VI. pag. 190.

byter ; eamque anno 1454. Florentiam Magno Duce Cosimo I. imperante fuisse delatam . Quamobrem humillime a me per litteras est rogatus humanissimus , atque omni Scientiarum , Doctrinæque genere excultissimus Basilicæ illius Archidiaconus, ut de opere, materia, atque colore Sacri illius Pignoris ea mihi singillatim exponeret , atque significaret, quæ a laudatis Auctoribus prætermittuntur . Hinc summa qua pollet ille benignitate, quam ocysissime , ac luculentissime respondit , se , nonnullis etiam secum ad eam rem adhibitis fociis, Sacram illam Tunicæ portionem quatuor circiter digitos latam , in magna Cruce aurea locatam , omni diligentia inspiciendam , atque examinandam suscepisse .

Ejus igitur opus procul dubio textile est ; materies vero (quatenus de eadem , geminis crySTALLIS interclusa , pluribus optime ratiocinando additis observationibus, illi conji cere licuit) lana , non quidem rudi opere , ut de nostra animadvertimus, elaborata: quo fit, ut ea ferme ratione , qua subtiliores Bruxellarum, ut vocant, panni ex villis caprinis contexti, niteſcat. Color denique ad crocei, seu lutei genus illud proxime accedit, quod Galli *Serd* vocant, pallidi tamen , & valde diluti . Hæc me omnia facile in eam adducunt ſententiam ut credam Florentinam Vestis Dominicæ portionem , ejuſdem eſſe ſpeciei cum Veneta illa quæ partim in Eccleſia S. Moyſis, partim in Sodalitio D. Marci adſervatur : quod tamen omnino afferere non auſim .

19. Ejuſdem Sacre Dominicæ Tunicæ particula in Metropolitana Bononiënſi Eccleſia cuſtoditur , & colitur , ut ſcribit Antonius Maſini (a) . Eam igitur per humaniſſimum

(a) *Bologna Perluſtrata pag. 199.*

num Virum, mihiq̃ amicissimum Antonium Giandolini inspiciendam curavi, cujus diligentia, Rerumque præcipue Sacrarum peritia fidere me posse certo sciebam. Verum tanta pretiosi illius pignoris est exilitas, ut neque de materie qua constat, neque de operis textura ullum ferri posse judicium testatus sit: vixque ejus color, qui subobscurus adparet, cujusmodi præcise sit, distingui, ac significari possit; partim vitro quo est conclusa, partim gummi quo firmatur, partim denique aureo panno quo superimposita cernitur, impedientibus.

20. Inter cetera ornamenta Basilicæ Lateranensis numeratur a Joanne Diacono (*a*), & post eum a Panvinio (*b*) Tunica Inconfutis: quod pluribus antiquis monumentis confirmat Cl. Marius Crescimbeni (*c*). Clausa ea servatur in argentea theca quadratæ oblongæ formæ, in cujus peripheria hæc legitur inscriptio: *Interula quam Beatissima Virgo propriis manibus Unigenito Filio suo Domino Nostro Jesu Christo confecit.*

Integra ea esse, atque ex lino contexta vulgo creditur. Hujus autem rei veritatem mihi sedulo inquirenti, nullum datum est oculatum testem invenire: quippe adeo religiose, ne dicam superstitione, addita etiam ipsi thecæ fera, custoditur, ut non modo nemini liceat eam inspicere, sed nunquam post hominum memoriam thecam illam referatam fuisse ferant: quod mihi per litteras nuperrime

O 2

signi-

(*a*) *De Eccl. Lateran. Apud Mabillon. Mus. Ital. Tom. II. Par. II. pag. 564.*

(*b*) *De VII. Urb. Eccl. pag. 126.*

(*c*) *Ist. della Chies. di S. Gio. ec. pag. 134. 135.*

significavit humanissimus Nicolaus Terti , dictæ Basilicæ Beneficiarius.

21. In Metropolitana quoque Mediolanensi Basilica Christi Tunicæ portionem servari docuit elapso sæculo Paulus Morigia (*a*) . Verum humanissimis litteris P. Romualdi Mariæ a S. Cajetano Ordinis Augustiniani , Viri apprime docti , certior redditus sum , non eam vere Dominicam Vestem esse , sed Vestis Servatoris Nostri Imaginem , seu formam sericam , instar parvi thoracis , & acu Phrygio eleganter pictam . Id autem observatum etiam fuisse monet a doctissimo Bernardino Cassino , Sacræ Theologiæ Doctore , SS. Ambrosii , & Caroli Oblato , & ejusdem Basilicæ Cæremoniarum Protomagistro , qui Sacras Reliquias ibidem servatas paucis ab hinc annis illustravit . Hæc igitur habet Cl. Auctor (*b*) . „ Intra eandem arculam (ex ligno fera „ sine clave instructam in prædicta capsula reconditam) sericum versicolor instar parvi thoracis efformatum , & „ acu Phrygio eleganter pictum , chartula inclusum asservatur , hac epigraphe adjecta : *Vestis Salvatoris nostri* . Ex „ actu Visitationis Reverendissimi Mascardi inferre licet , „ sericum hoc esse formam Vestis Salvatoris N. J. C. ; „ nam inter Reliquias habitas a Guardiano Hierusalem , „ postquam Agnus Dei , seu Numismata enumeravit , de „ hoc quoque serico meminisse videtur his verbis : *Forma Vestis Domini N. J. C. variis coloribus contexta* . “ Hujusmodi porro exempla seu formas Dominicæ Vestis ,
alia-

(*a*) *Il Duomo di Milano* pag. 61.

(*b*) *Veritas Sacrar. Reliquiar. in Basil. Metropolit. Mediolan. existentium illustrata* . Mediolani 1743. Pag. 10.

aliarumque Sacrarum Reliquiarum confici consuevisse a Christianis mox adnotabimus: quod in causa fuit, cur archetypa ab imaginibus fecernere, difficilis admodum res evaserit.

22. Plures alias ejusmodi Vestes in aliis etiam Catholici Orbis Ecclesiis, ac præcipue in Gallia coli disertis verbis tradit Pater Honoratus a S. Maria Ordin. Carmelitarum. Scribit enim (a) Gallos ab Oriente accepisse tempore Sacri Foederis tot *Sancta Præputia, Sindones, Vestes Inconfutiles Jesu Christi, ejusque passionis instrumenta &c.*; & alibi (b) vocat *mirum numerum Sindonum, & Vestium Inconfutillium Jesu Christi*. Quodnam de hujusmodi Vestibus judicium ferri possit, periculosaæ aleæ plena res est. Cum enim omnis ipsarum memoria perierit, & chartæ, in quibus de illis fit mentio, interciderint, id non levem confusionem peperit, atque ambiguitatem invexit. Hoc tantum, ut notat laudatus Auctor (c), verosimile videtur, tot Inconfutiles Tunicas, quæ Jesu Christi usui fuisse dicuntur, ad illud pium Christianorum inventum referendas esse, quo factum est ut ipsi exempla, sive Imagines Reliquiarum conficerent, quæ Jesu Christo, B. Mariæ Virgini, aliisque Sanctis tribuuntur, easque veris Reliquiis admotas eadem animi affectione, eademque fide servarent, ac venerarentur, qua Reliquias ipsas, quas attigerant. Porro an hujusmodi Imaginum, an veræ Christi Tunicæ portiones eæ sint, de quibus adhuc egimus, quis tuto affirmare poterit? Illud addam quod ad particulas Dominicæ Tunicæ attinet in Tabula

(a) *Animadvers. In Regul. Crit. Lib. V. Dissert. VI. Art. 6.*

(b) *Art. 7.*

(c) *Ibid.*


bula nostra servatas; eas nimirum archetypas esse, non archetyparum exempla . Hoc enim de his dubium oriri minime posse videtur: quippe ab immemorabili tempore Tabulam nostram, quibus eæ continentur, ad Byzantinos Imperatores , & Patriarchas spectasse certo certius laudata Charta donationis evincit mox adferenda.



CAPUT OCTAVUM.

De Antiquis Tabulæ nostræ Possessoribus.

I.



Onuimus Capite Primo Phylacteria majora Græca, ad quæ Tabula hæc nostra spectat, Augustorum, & Augustarum potissimum Orientalium, aliorumque Imperialis Familiæ Principum devotio-
ni condita, ac dicata fuisse. Hoc testantur Cruces, seu Tabulæ hujusmodi Græcæ plurimæ, quæ in Occidentalium Ecclesiarum Thesauris adservantur, ex Oriente asportatæ; inter quas a Doctissimis Viris memorantur, atque illustrantur Cruces Irenes Ducanæ, Manuelis Comneni Imperatoris Aviæ, & Uxoris Alexii Comneni (a): Mariæ Augustæ, Nicephori Botoniatae conjugis (b): Constantinii Patricii Tirimium Præfecti (c): celebris Annæ Comnenæ, Alexii, & Irenes filiarum (d): Alexii Ducæ, qui ab Irene Ducana supradicta genus trahebat (e): Manuelis Comneni (f): Nicephori Phocæ (g), aliorumque Byzanti-

(a) Montfaucon. *Diarr. Ital.* pag. 53. & *Paleogr. Gr.* pag. 310. *Flam. Cornel. Eccl. Ven. Dec. XIII.* pag. 152.

(b) *Id. Ibid.* & Joann. Theopol. *Trattato delle Reliquie ec.*

(c) Theopol. & Cornel. *ibid.* Tres supradictæ Cruces in Cimeliarchio Basilicæ D. Marci servantur.

(d) Ducangius in *Notis ad Alexiadem* pag. 424.

(e) *Id. Dissert. XXVI. ad Joinvillam.* Exstat hæc Tabula in Gradimontana Abbacia Lemovicensi.

(f) Montfaucon. *Paleogr. Gr.* pag. 309. Exstat in Monasterio S. Germani a Pratis.

(g) Wading. *Annal. Minor. Tom. XI.* pag. 120. Philippus Venetus *Dissert. cit.* Adservatur in Basilica Cortonenfi.

zantinorum Principum . Ad hos etiam Principes spectasse non dubitamus tum Crucem illam , quam e Palatio Constantinopolitano Imperatoris Michaelis ablatam Nobilis quidam Amalphitanus Casinensi Monasterio obtulit (*a*) : tum eam , quæ in Benedictino Monasterio S. Crucis Donaverdæ colitur , quam Mangoldus Werdensis Comes e Græcia secum adtulit (*b*) ; tum quam illustravit Cl. Costadonus (*c*) ; tum denique duas alias , de quibus agit Ducangius , quarum una in Monasterio Montis S. Quintini in Piccardia (*d*), altera in Ambianensi Ecclesia Cathedrali custodiuntur (*e*).

2. Nostram porro Sacram Tabulam ad Constantinopolitanos Imperatores spectasse perspicue testatur sæpius laudata Charta Donationis ab Amplifs. Cardinali Bessarione factæ , his verbis : *Quod pretiosissimum , saluberrimumque depositum , & locatum in Urbe Imperatoria Constantinopolitana , Christianis regnantibus per manus Imperatorum , atque Patriarcharum Constantinopolitanorum &c.* Cujusnam autem Byzantini Augusti jussu condita ea fuerit , ne conjiciendo quidem affirmare ausim . Ex iis enim quæ de picturis exteriorem Tabulæ hujus nostræ faciem ornantibus adnotavimus (*f*), itidemque de nonnullis characteribus in argentea Cruce cæ-

latis

(*a*) *Chron. Casin. Lib. III. cap. 55.*

(*b*) *Magnoald. Ziegelbaur Hist. Didact. de S. Crucis cultu &c. Bricherius Columbus Dissert. &c.*

(*c*) *Observat. In pervet. Icon. &c. in Monasterio S. Michaelis de Muriano adservatam.*

(*d*) *Ducangius. Dissert. XXVI. ad Joinvill.*

(*e*) *Idem Traité Hist. du Chef de S. Jean Bapt.*

(*f*) *Cap. III. num. 21.*

latis (a), vix argui posse credimus, eam vel undecimo labente sæculo, vel duodecimo ineunte fuisse confectam: quo tempore Alexius, ejusque Filius, & successor Joannes ex Comnenorum Familia regnarunt.

Illud certum est, ante annum 1355. Phylacterium hocce nostrum in potestatem devenisse cujusdam Irenes Palæologinæ, Fratris Imperatoris filiæ, ejusque opera argentea Cruce deaurata, quæ in interiori Tabula sita est, aliisque argenteis laminis fuisse exornatum. Hoc autem perspicue constat ex Græca Epigraphe in ejusdem Crucis stipitis margine, seu peripheria sculpta, ut videre est in Tabula IV. ubi ipsam Inscriptionem incidendam curavimus, servatis non modo archetypa characterum forma, & magnitudine, sed mendis etiam ab artifice commissis, licet in ipsa Regia Græcorum Urbe Constantinopoli fuerit insculpta. Ejusmodi autem est Inscriptio, quam hic vulgari scribendi more subjicimus, atque ab erroribus, qui in eam irreperunt purgatam.

Τὸν κοσμοπροσκυνητὸν σαυρικὸν τύπον ἀργύρῳ κοσμεῖ Α' ἀδελφῆ
Βασιλέως Εἰρῆνῃ θυγάτηρ Παλαιολογίνα, σωτηρίας ἐντόξιν, λύτρον
πταισμάτων.

Hunc mundo-adorabilem Crucis typum argento ornat D. fratris Imperatoris Irene filia Palæologina, salutis interpellationem, redemptionem peccatorum.

3. Quænam fuerit hæc Irene Fratris Imperatoris filia Palæologina docemur ex Palæologorum Familiæ Genealogica Historia, quam cum ceteris Byzantinorum Augustorum Familiis certissimis documentis eruditissime illustrarunt Ansel-

P

mus

mus Bandurius, & Carolus Ducangius. Non enim alia Irene in tota Palæologorum Genealogia invenitur, quæ *Fratris Imperatoris Filia* vocari possit, præter Irenem Demetrii, Fratris Michaelis IX. Palæologi Imperatoris Filiam, quæ postea Matthæo Cantacuzeno Imperatori fuit in uxorem tradita.

Veritatis hujus testimonia proferam ex laudatis Auctoribus. Hæc itaque ad rem nostram scribit Bandurius (a) : *Andronicus II. Palæologus, Michaelis, & Theodoræ filius, vivo parente coronatus uxorem duxerat Annam Stephani V. Hungariæ Regis filiam : ex qua suscepit Michaelem, quem Augustum appellavit, & Constantinum Macedoniæ, ac Thessaloniciæ Præfectum Post Annæ mortem alteras nuptias iniit cum Irene Guillelmi VI. Marchionis Monferrati filia : e qua nati liberi quatuor ; Joannes qui circa annum 1308. obiit ; Demetrius, qui cum in Patris offensionem incurrisset, in aulam Serviæ se recepit &c.* Hinc de Michaele Andronici II. filio verba faciens, hæc addit : *Michael IX. Palæologus, supradicti Andronici Imperatoris, & Annæ filius, Imperator a Patre appellatus est die 21. Maji 1295.* Eadem habet Ducangius (b), qui iisdem ac Bandurius auctoritatibus nititur.

Demetrius igitur frater erat Michaelis IX. Palæologi ; ambo scilicet Andronici II. filii : primus quidem ex Irene, alter vero ex Anna. De liberis autem Demetrii loquens laudatus Ducangius (c) ait : *Demetrius Palæologus Despota, & Thes-*

(a) Numism. Imper. Tom. II. pag. 770.

(b) Famil. Byzant. pag. 235. Edit. Paris.

(c) Loc. cit. pag. 236.

Θ Thessalonica, regionique adjacenti Præfectus Præ ceteris liberis, quorum nomina reticuerunt Scriptores, fuit Irene Palæologina, Matrbæi Cantacuzeni, Joannis Imperatoris filii uxor.

De hac itaque Irene, Demetrii Fratris Imperatoris Michaelis IX. Palæologi filia, intelligendam esse Inscriptionem nostram patet ex adductis doctissimorum Scriptorum testimoniis. Sed & in ipsa Inscriptione Demetrii Irenes Patris nomen indicatum inveniri mihi auctor est celeberrimus, eruditissimusque P. Jo. Franc. Bernardus M.^a de Rubeis, tot doctissimis editis operibus non apud Italos tantum, sed apud exterarum etiam Nationes Clarissimus, cujus summæ in me benignitati, qua mea semper studia juvit, cum pares nequeam referre gratias, quas saltem possum memori mente æternum persolvam. Litteram igitur Δ, quam ideo data opera etiam in supra allata Inscriptione archetypa forma expressam dedimus, sine dubio Delta esse observans ex Gregorio Placentino (a), eam ut initialem nominis Demetrii accipendam esse judicat; eoque vel magis, quod & signo aliquo abbreviationis notata cernitur, & a sequentibus litteris spatium aliquo distans; ut observare licet in ipsa Inscriptione juxta exemplum sculpta (Tab. IV.), quæ ceteroqui ita exarata est, ut voces omnes cum sequentibus junctæ sint, nec ullum inter eas intervallum adpareat.

4. Diximus Tabulam hanc nostram non Irenes jussu primo conditam fuisse, sed solum in ejus potestatem devenisse; idque ante annum 1355. Primum constat non modo ex ipsis Inscriptionis verbis, quibus tantum adfirmatur Cru-

(a) Epirom. Palæogr.

cem ab Irene argento fuisse exornatam , sed ex iis etiam quæ alibi adnotavimus tum de Tabulæ nostræ picturis (a), tum de nonnullarum Inscriptionum Characteribus , antiquius ævum redolentibus (b) . Conjicimus itaque in media interiori Tabula , cum ea primum Ireni cessit , minorem solummodo argenteam Crucem cum Servatoris Imagine, quam item antiquioris ætatis opus esse monuimus (c), sitam fuisse , eamque majori Cruci , Irenes jussu affabre effictæ, fuisse commissam. Sed & alias argenteas laminas, illisque sculptas Inscriptiones, lapillosque , ac uniones , quibus extima Tabulæ facies condecoratur, ejusdem piissimæ Matronæ Principis opus fuisse, iisdem innixi fundamentis credimus . Ita enim depicta est tota , ut absque dictis pretiosis ornamentis eam a primis ejus possessoribus confectam fuisse tuto affirmare possimus.

5. Quod ad alterum spectat, ante Annum scilicet 1355. Irenem Tabula hac potitam fuisse, videtur id extra omnem dubitandi rationem positum esse . Nam cum Irene uxor fuerit Matthæi Cantacuzeni, qui, citatis Auctoribus testantibus, anno 1355. Imperator salutatus est ; non simplicem *Irenes Palæologinæ Fratris Imperatoris Filie*, sed *Augustæ* etiam titulum in Inscriptione cæleri jussisset : nisi si quis existimare velit, consulto ab ea , ob tragicas mariti vices titulum hunc prætermisum fuisse . Quamvis enim magno apparatu nuptiæ Irenes Thessalonicæ celebratæ fuerint (d) , ipseque Matthæus postea a Patre Imperator dictus fuerit , hac tamen appellatione haud diu potitus est : quippe a

Joanne

(a) Cap. III. num. 10.

(b) Ibid. num. 11. & cap. IV. num. 3.

(c) Cap. IV. num. 3.

(d) Cantacuz. Hist. Lib. II. cap. 38.

Joanne Palæologo eodem anno recepta Constantinopoli , Matthæus captus est , & in Lemnum Insulam , deinde in Pelopponesum relegatus ; donec dimisso , Patre suadente , Imperatoris titulo , libertati redditus est , Despotæ tantum nomine in posterum appellatus (*a*).

6- In cujus potestatem post Irenes obitum Phylacterium nostrum devenerit , vel ab ea legatum fuerit prorsus ignoramus . Ex laudata tamen Charta Donationis docemur , multis illud post annis *devenisse in custodiam olim claræ memoriæ Gregorii , Miseratione Divina dignissimi Patriarchæ Constantinopolitani , qui ob scandala , & pertinaciam Decretum Unionis Oecumenici Florentini Concilii detrectantium , piissimus ipse Pater sede sua relicta Romam venit , ubi post suæ Sanctitatis , & Fidei clarissima testimonia naturæ concessit .*

Gregorius hic , testibus Phranza (*b*), aliisque Byzantinis Scriptoribus apud Michaellem Le Quien (*c*), cognomento *Mammas* , & *Melissenus* , a nonnullis etiam *Strategopulus* vocatus , sub Joanne Palæologo Imperatore Manuelis filio , & Josepho II. Patriarcha , primis Ecclesiæ Constantinopolitanæ dignitatibus fulsit . Ex Hieromonacho enim Summus Poenitentiarius effectus , & Protosyncellus , idest omnium Syncellorum , seu Patriarchalis Palatii Domesticorum Primarius , Florentinæ Synodo interfuit ; ejusque Definitioni , Philothei Patriarchæ Alexandrini vices , & personam gerens , subscripsit (*d*); imo Apologiam adversus Marcum Ephesium exaravit , quam editam in Appendice Concilii Florentini

(*a*) *Id. Lib. IV. cap. 45. 49.*

(*b*) *Chron. Lib. II. cap. 17.*

(*c*) *Or. Christ. Tom. I. col. 309.*

(*d*) *Tom. XIII. Concilior. Labb. pag. 527.*

rentini (a) habemus; pluraque alia pro eadem Synodo scripta, de quibus consulendus Joannes Albertus Fabricius (b); qui tamen corrigendus est, ubi *Confutationem Capitum Syllogisticorum Marci Ephesi adversus Latinos* Gregorio tribuit, quam Georgii Scholarii opus esse, rogatu Gregorii τῷ νέῳ ἐμολογητῷ, seu *Novi Confessoris*, Patriarchæ Constantinopolitani, compositum, testatur Codex 489. Bibliothecæ Græcæ D. Marci, quam nostris temporibus Cl. Antonius Maria Zannetti ejusdem Bibliothecæ emeritus Custos illustravit.

A Metrophanis Patriarchæ Constantinopolitani obitu tribus elapsis mensibus, Gregorius, licet invitatus, anno 1446. (c), non vero 1445., ut perperam Fabricius asserit (d), fuit illi successus. Cum autem in Oriente dissidia in dies increbrescerent, postquam sedisset annos quinque, & mensem unum, se Patriarchatu abdicavit, & Romam secessit Anno 1451. (e), Sacrarum Reliquiarum secum ferens insignes thesauros (f), inter quas Tabulam hanc nostram, quæ per manus Imperatorum, & Patriarcharum Constantinopolitanorum in ejus manus, ac potestatem transierat.

Ante obitum suum (verba sunt sæpius laudatæ Chartæ Donationis) nominatim, atque affectuose prædictam Sanctissimam gemmam Venerandæ Dominicæ Crucis, & Tunicæ, ipsi Reverendissimo D. Cardinali (Bessarioni), quem unice dilexerat, & paterno affectu, & Caritate fuerat prosequutus, absentem

(a) Ibid. pag. 754. & seqq.

(b) Biblioth. Gr. Tom. X. Lib. V. cap. 43.

(c) Phranza Lib. II. cap. 19.

(d) Loc. cit.

(e) Phranza Lib. III. cap. 3.

(f) V. Ughell. in Præfat. de Eccl. Cortonenfi, & quæ ad eum locum adnotavit Cl. Vir Philippus Venetus Dissert. de Cruc. Corton. pag. 6. & seqq.

absenti tunc, & in Mantuano Conventu degenti legavit. Nul-
lum ego non movi lapidem, ut dicti Gregorii testamen-
tum ad manus meas perveniret, sperans me ex eo plura
alia ad Tabulam hanc illustrandam spectantia collecturum.
Cum tamen haud mihi res ex sententia cesserit, duo tan-
tum hic, antequam capiti huic finem imponam, adno-
tabo.

7. Primum Gregorio Mammæ Phylacterium hoc cessit, cum nondum Patriarcha renunciatus esset, sed Summi Pœnitentarii munere fungeretur. Hæc enim legitur Inscriptio in transversa superiori Crucis linea, de qua egimus Capite IV. Γρηγορίου Πνῆ (ut videre est Tab. IV.): quæ postrema contracta vox ita absque dubio suppleri debet Πνευματικῆς, hoc est *Gregorii Spiritualis, sive Confessarii, vel Pœnitentarii*; ut omnium primus opinatus est Cl. P. F. Jo. Franciscus Finetti Ord. Prædicatorum, doctissimis, eruditissimisque operibus celebris: quod quidem non solum ex iis, quæ supra diximus, sed etiam ex Auctore Historiæ Politicæ Turco-Græciæ apud citatum Le Quien colligitur: *Erat Constantinopoli Πνευματικὸς (Spiritualis) nos Confessarium Pœnitentarium dicimus, vir Sanctissimus cognomento Mamma, Magni Ducis compater, quem arripientes invitum prorsus Patriarcham fecerunt, & constituerunt.* Titulum porro *Pneumatici* in Inscriptioe cæleri non jussisset Gregorius, sed *Patriarchæ*, si post adeptam Patriarchatus Dignitatem Tabulæ possessor evasisset. Eam igitur forte dono acceperat a Josepho II. Patriarcha, qui Florentiæ Anno 1439. obiit.

8. Alterum restat monendum; Tabulam hanc nostram ex Gregorii testamento Bessarioni cessisse anno 1459.; quo

Gre-

Gregorius Spiritum Deo reddidit (a); Bessario autem Mantuæ degebat cum Pio II. Pontifice, qui ibi celebrem illum communem Christianorum Conventum indixerat, in quo de bello contra Turcas gerendo deliberatum est.



C A-

(a) Pius II. *Commentarior. Lib. XI. pag. 300.*

CAPUT NONUM.

De Sacrae Tabulae Donatione Sodalitio nostro a Cardinali Bessarione facta.

I.



Uamquam autem in Mantuano Conventu anni 1459. Pio ipso II. Pontifice tribus circiter horis, totidemque post eum Cardinali Bessarione pro Sacro Collegio dicentibus (a), communi pæne omnium consensu actum fuerit, ut bellum adversus Turcas, superioribus annis Constanti-nopolitano Imperio potitos susciperetur, haud tamen Pontifex voti compos evasit, Italogum Principum, quos variis legationibus ille ad ineundam inter se pacem pertrahere curaverat, ab externis bellis ad domestica conversis studiis. Verum cum ad res Christianorum reparandas, Turcica feritate in summum discrimen adductas, Optimi Pontificis consilia potissimum essent collata; ut Italiæ bellicos tumultus ad tranquillitatem inclinare comperit, Sacrum Foedus iterum anno 1463. instaurare, piamque expeditionem adversus Mahometanos urgere totis viribus coepit, ad quam ipse, licet aliquantum gravis annis, nec multum firma valetudine, sed bene firmo animo fidens, proficisci decrevit.

Itaque Christianos Principes sub Crucis Vexillo in arma vocans, ad Venetorum Rempublicam, in cujus Classe summam spem collocaverat, Bessarionem Cardinalem Apo-

Q

stolicæ

(a) *Id. Lib. III. pag. 82.*

stolicæ Sedis Legatum a Latere misit (*a*) , qui ad Julii finem , vel ad sequentis Augusti initium (*b*) Venetias ap-
pulit , & aurea navi , quam Bucentaurum vocant , magno
Civitatis favore a Principe , & Senatu exceptus est , præci-
puique cumulatus honoribus (*c*). Venetorum enim Patri-
ciorum numero adscriptus (*d*), & more insolito in supre-
mis admissus Comitibus , aperta urna sortem elusit , aureo
extracto globulo , officiumque electione implevit (*e*) : quod
nunquam cum aliis , nisi cum Principibus Viris , ut cum
Henrico III. , aliisque id genus prælitum fuisse edoce-
mur .

2. Hujus igitur occasione Legationis , dum Venetiis dege-
ret S. R. E. Cardinalis Bessarion , cum Sodalitii Caritatis
Oratorium devotionis ergo inviserit , ita piis Confratrum
operibus , religiosissimisque moribus fuit illectus , ut a Ma-
gno Custode , ceterisque primariis Confratribus , ob Cardi-
nalis Prosperi Columnæ (*f*) mortem , quæ eodem anno
1463. acciderat , summo animi dolore affectis , humillime

ro-

(*a*) *Idem Lib. XII. pag. 315.*

(*b*) Hoc conjicimus partim ex Epistola Pii II. ad Carolum Burgundiæ
Ducem , a Cl. Lucæ Archiepiscopo Joanne Dominico Mansi edita in *Appendice
ad Tom. III. Miscell. Baluz. pag. 93.* partim vero ex Charta Donationis sæ-
pius laudata. Scripta est enim illa Tibure 6. Non. Jul. 1463. hæc vero die 29.
Augusti ejusdem anni Venetiis , Bessarione præsentē . Nondum autem eum iter
Venetias versus cœpisse , cum Pii Epistola scripta fuit , colligitur ex his verbis :
Interea Cardinalem Tusculanum Legatum de Latere ad Venetos mittimus .

(*c*) *Pius II. l. c. pag. 329.*

(*d*) Colligitur ex S. C. a Cl. Apostolo Zeno edito in *Vita Sabellici*
pag. XLVI.

(*e*) *Joann. Palat. Fast. Ducal. pag. 163.*

(*f*) Sodalitati nostræ nomen dederat Cardinalis Prosper Columna die 27.
Mensis Januarii Ann. 1459. Mor. Ven. , quo e Mantuano Conventu disce-
dens Venetias invisere voluit , ubi inter Venetos Patricios ipse , duoque nepo-
tes ejus cooptati fuerunt : quod ex antiquo Sodalitii Statutorum Codice disci-
mus , vulgo *Mariegola d'Argento* .

rogatus, ut eorum albo adscribi dignaretur, eorum precibus perhumaniter annuerit. Die itaque xxix. Augusti ejusdem anni Marcus a Costa, Sodalitatis tunc Magnus Custos, ejusque Socii ad Monasterium S. Georgii Majoris conveniunt, ubi Præclarissimus Cardinalis hospitabatur (*a*), a quo benignissime, ut mos ejus erat, excepti, eum omni qua decuit reverentia, & devotione, fervatis cæremoniis, & solemnitatibus, quæ ex Majorum Institutis tunc fervari solebant (*b*), albo Sodalitatis habitu indutum, lætitia gesticulantes, & ovantes, in Confratrum numerum retulerunt.

3. Cæremonia peracta, ad Sacras Sodalitii Ædes, Magno Custode, ceterisque Sociis comitantibus, Illustrissimus, & Reverendissimus novus Confrater accessit, ubi grati animi testimonium aliquod, & suæ fidei monumentum relinquere se velle professus, Sacram Tabulam de qua agimus Sodalitati dono obtulit, ea tamen conditione, ut eam apud se retineret, dum viveret. Itaque ad proximum Canonicoꝝ S. Mariæ Caritatis Monasterium se recipiens, ibi Chartam Donationis, quæ dicitur inter vivos, Notarii manu confecit; quam hic primum ex Autographo sumptam subjicimus, nonnullis ad eam illustrandam adnotationibus adjectis.

„ In Christi Nomine Amen . Anno ab ejusdem Nativitate Millesimo Quadringentesimo Sexagesimo tertio, die vigesimonono Augusti Indict. xi. Venetiis in Monasterio Glorioso Virginis Dei Genitricis Mariæ cognomento de Caritate, presentibus Reverendis in Christo Patribus Dominis

Q 2

N.

(*a*) *Vet. Sodal. Cod. vulgo* Libro di Testamenti,

(*b*) *Vet. Sodal. Cod. vulgo* Mariiegola d'Argento *Cap. XIII. XIV.*

„ N. Archiepiscopo Sipontino (a), M. Episcopo Andriensi (b),
J. Epi-

(a) *Nicolaus Perottus* hic fuit Nobilis Saxoferratenfis, electus Archiepiscopus Sipontinus post Joannem Burgium Siculum, die 17. Octobris Ann. 1458. Obiit Ann. 1480. (*Ughell. Ital. Sacr. Tom. vii. Col. 857. Edit. Ven.*). Vir fuit plurimis editis Operibus celebris; Federico III. Imperatori a Consiliis, & ab eodem Poetica Lauro Bononiæ decoratus; Eugenio IV. Nicolao V. Callisto III. & Pio II. a Secretis (*Conf. cum Ughell. Apost. Zen. Dissert. Voss. V.*). Satis notum est quod Jovius (*Elog. Viror. Litt. Illustr. pag. 44.*) de eo narrat, qui cum post Nicolai V. obitum in Conclavi Cardinalium pro novi Pontificis electione, Bessarionis janitoris officio fungens, tres summæ auctoritatis Cardinales, qui hunc in cella abditum adierant, ut Pontificem salutarent, admittere noluerit, quod tum lucubranti parcendum esse diceret, illi Thiarum, sibi vero Galerum eripuit. Historiam hanc, quam solitis commentis etiam exornavit Varillasius (*Anecd. Flor. pag. 174.*), notatus eo nomine a Baylio (*Didion. Hist.*), quamque inter ceteros deinceps, ut patet in notis ad Trithemium, & alibi, pleno ore hausit Fabricius, insulsam Fabulam appellat Humfredus Hodius (*De Græcis Illustr. Ling. Gr. & Litter. Human. Instaurat. pag. 146.*). Nulla certe hac de re fit mentio neque in Pii II. Commentariis, neque in Bessarionis Panegyrico a Platina edito; qui diversam, eamque verosimiliorem rationem reddunt, cur tunc Nicolao V. datus non fuerit successor Bessarion. Utcumque tamen res sit, Perottus certe semper Bessarioni fuit apprime carus, quoad vixit, ejusque vitam exaravit, ut ipsemet fatetur (*Cornucop. Col. 1103.*), nondum quidem in lucem editam, apud ejus tamen hæredes, Ludovico Jacobillo testante (*Biblioth. Umbr. pag. 211.*) servatam. Ipse quoque Archiepiscopus Perottus in Confratrum Sodalitii nostri numerum cooptari voluit anno insequenti seu 1464. postridie Non. Mart., ut ex antiquo ejusdem Sodalitii Codice, vulgo *Ordinario* ad annum 1464. discimus.

(b) Quisnam revera & cujusnam præcise loci fuerit hic Episcopus, prima nominis proprii littera M. tantum designatus, pro certo affirmare non aulin. Si fides Ughellio habenda esset (*L. c. Col. 931.*) hic *Martinus de Soto Majore* Hispanus, in Andriensi Sede Rogerio de Atella successor indicari videretur. Sed cum huic Auctori monumenta necessaria, & opportuna defuerint, unde Episcopos Andrienses Tranensis Provinciæ cum Andrensis Provinciæ Atheniensis immuni errore commiserit; imo vero cum Episcopus nomine *Martinus* ad Andriensem Episcopatum die 18. Septembris An. 1471., sive octo annis post hoc tempus, fuerit electus (ut me non minus Clarissimus, quam humanissimus Vir Comes Josephus Garampius, Basilicæ S. Petri Romæ Canonicus, itemque Pontificiis Archiviis in Vaticano, & in Castro S. Angeli Præfectus, nuper vero ad munus Pontificiarum Epistolarum secretis notis conscriptarum meritissime electus, ex Codicibus Consistorialibus luculenter edocuit) superest ut asserere possimus hunc
Epi-


„ J. Episcopo Pergamensi (a) ac Sapientissimo , & Ge-
ne-

Episcopum fuisse Matthæum, cujus cognomen ignoratur, qui eodem Cl. Comite testante, die 3. Aprilis hujus Anni 1463. fuit electus Andrensis, quique adhuc die 6. Junii titulo Electi gaudebat. Utrum autem Matthæus iste fuerit Andri Episcopus in Græcia, an vero Andriæ in Italia, hoc mihi quidem hætenus incompertum est. Id solum adjungi a me potest hoc loco, si idem Matthæus fuit Episcopus Andriensis Italus, Episcopum prædicto anno huic donationi præsentem probabiliter fuisse Matthæum Grimanum, ut adparet, Venetum, qui ab Anno 1460., ut constat ex laudatis Codd. Consistorialibus, Græcæ Sedis Andrensis fuerat electus Episcopus: quod verosimilius evadit, si animadvertamus, etiam sequentem Episcopum, & alios testes, qui cum Bessarione aderant, Venetos fuisse.

(a) Non alius hic fuit, quam Joannes Baroccus Nobilis Venetus, Eugenii IV., & Nicolai V. Pontificum Subdiaconus; ab hoc autem Episcopus Bergomi electus post obitum Polydori Foscarii Patricii Veneti Anno 1449. Patriarcha deinde Venetiarum An. 1465. ineunte creatus, repentina morte Feria Quarta Majoris Hebdomadæ anni sequentis correptus fuit (*Conf. cum Ugbell. Cl. Flam. Corn. Dec. XIV. pag. 150.*). Quamvis autem *Pergamensis* Episcopus in Charta hac nostra vocetur, non tamen ea voce indicatur *Pergamus* Urbs Troadis, seu Myliæ Majoris mediterranea, Sedes olim Episcopalis, unaque ex septem Ecclesiis, quarum mentio habetur Apocalypseos Cap. II. nunc præne diruta, postquam fuit in Turcarum potestatem adducta. Novissimus enim Pergami Episcopus Græci Ritus memoratur a Michaeli Le Quien (*Or. Christ. Tom. I. col. 716.*) *Arsenius*, sub Andronico Palæologo seniore; Ritus vero Latini unicus *Agnifusus* Ord. Prædicatorum a Bonifacio VIII. Pergamo præfectus circa Annum 1297. (*Id. Tom. III. col. 959.*). *Pergamensis* itaque Episcopus vocatur Joannes, loco *Bergomensis*, servata ejus sæculi consuetudine, jam inde ab eo tempore inducta, quo a Longobardis occupata Italia, depravatis, vitiatisque rebus omnibus, Latinæ quoque Orthographiæ ratio corrupta fuit. De hac consuetudine disseruit eruditissimus, præclarissimusque Joannes-Hieronymus Gradenigo, nunc Utinensis Archiepiscopus ante a nobis laudatus, in Discursu Italice edito *De Græco-Italica Litteratura* pag. 65., multoque plura congeffit, eodem testante, Cl. Abbas Joannes Baptista Angelini in sua Bergomi Historia, quam licet absolutam, nondum tamen publici juris fecit. Hoc autem certo certius evincunt non modo numismata tria Medii Aevi Civitatis Bergomi a Cl. Ludovico Antonio Muratorio edita (*Dissert. XXVII. Antiquit. Med. Acc. Pag. 669. Edit. Mediol. 1748.*) sed cetera etiam ea omnia quæ cum plurimis aliarum Civitatum Italici, Regumque Gothorum, atque Longobardorum in suo Musæo servat alias merito laudatus Cl. Vir Joannes-Josephus Liruti. Omnia enim tum minimi, tum maximi moduli in averfa facie Civitatis turritæ supra montem posite imaginem repræsentant cum hac inscriptione PGAMUM Pergamum, hinc

„ nerofo Viro Domino Hieronymo Vallareffo (a) quondam
 „ D. Pauli Patricio Veneto : & Egregio Viro Francisco
 „ Mal-

hinc atque illinc characteribus perpendiculari scribendi forma dispositis ; ut ex hoc numismate constat, nobis a memorato humanissimo Viro tradito : quod ideo hic ære incisum exhibemus, quia in nonnullis diversum ab iis, quæ refert Muratorius.



Quoniam vero dictorum omnium numismatum antica pars Imperatoris *πρωτο-μν*, seu hermam repræsentat cum hoc exergo *FEDERICVS IMPRT* *Federicus Imperator*, hujus nominis probabiliter Primus, a quo Civitati Bergomi facultas cudendi numos concessa fuit, ut ex ejusdem Diplomate anni 1156. ab Ughellio relato (*Tom. IV. col. 464.*) novimus, hinc pari probabilitate colligi potest saltem ab eodem anno 1156. eam urbem *Pergamum* fuisse vocatam. Ut autem consuetudinem hanc viguisse constet etiam Sæculo xv. quo Charta hæc nostra exarata fuit, addemus a Cl. Comite Josepho Garrampi, paulo ante a nobis meritissime laudato, certiores nos redditos fuisse, Ecclesiam Bergoni in Pontificiis Regestis Sæc. xv. semper vocari *Pergamensem*; ad rem autem nostram hæc legi in *Lib. Provis. Consistor. Nicolai V. An. III. pag. 38. r.* „ Die Veneris Prid. Cal. Novemb. S. S. providit Ecclesiæ *Pergamen-* „ *gamen.* de persona dom. *Johis Barozi* sue Sanctitatis Subdiaconi, vacan- „ ti per obitum ultimi Episcopi extra Romanam Curiam. “ Hinc corrigendus Ughellius (*loc. cit. col. 483.*) scribens Joannem Baroccium Bergomati- bus Præfulem datum fuisse die 38. Decembris, & Guerrinus (*Ap. eumd. l.c.*) qui Polydorum Foscari die 23. Julii An. 1450. obiisse refert.

(a) Recte meritoque *Sapientissimus*, & *Generosus Vir* hic vocatur *Hieronymus Vallareffo*. Ejus enim præcipue opera An. 1462. cum esset Triremis Præfectus, S. Georgii Caput ex *Ægina* Insula Venetias translatum est Idibus Decembris, & in Ecclesia S. Georgii Majoris Decreto Excellentissimi Senatus repositum. Hujus autem rei Historiam præter alios ipse Hieronymus vulgari Venerorum illius Sæculi stylo conscripsit, quam Cl. Senator Flaminus Cornelius, addita etiam Latina versione edidit (*Eccl. Ven. Dec. XI. Par. II. pag. 183. & seq.*)

„ Malumbra (*a*) cive Veneto , quondam S. Matthei , &
 „ aliis quampluribus testibus ad premissa vocatis , habitis ,
 „ & rogatis . Cum Reverendissimus in Christo Pater , &
 „ D. Excellentissimus D. Bessario (*b*) Miseratione Divina
 „ Episcopus Tusculanus (*c*) , Sacrosanctæ Romanæ Ecclesiæ
 „ Car-

(*a*) De hoc *Francisco* nulla adhuc nobis in scriptis , ac monumentis ejus temporis noticia occurrit . Hoc tamen certo affirmare licet , ejus Familiam , quæ in ditione Cremonensi florebat , ineunte Sæculo xiv , aut non multo secus , Venetias fuisse translata , ubi *Riccardus Malumbra* , celeberrimus ea tempestate Jurisconsultus , fuit Venetæ Reipublicæ a Consiliis ; ideoque & ipse , & ejus posterum in perpetuum Civitatis Venetæ honore donati fuerunt : inter quos nonnulli , ut laudatus *Riccardus* , & *Nicolaus* Sæculo xiv . *Thomas* , & *Ludovicus* Sæculo xv . *Bartholomæus* , & *Joannes* Sæculo xvi ; alii-que Litteris , & Artibus inclaruerunt . De quibus , præter ea , quæ *Jacobus Facciolatus* , *Marcus Fuscarenus* , *Joannes de Augustinis* , *Justus Fontaninus* , & *Apostolus Zenus* memoriæ tradiderunt , nonnulla etiam legi possunt in MS. Codice Genealogico Venetorum Civium , quem mihi legendum liberaliter commodavit humanissimus , atque excultissimus Vir Sodalitatis nostræ Confrater *Joannes Zonus* , Excellentissimi Veneti Senatus a Secretis , apud quem adfervatur .

(*b*) Fuit Bessario Patria Trapezuntius , ut præter Chalcondyllam (*Hist. de Reb. Turcic. Lib. VI. pag. 155. Edit. Paris.*) , Platinam in laudato Bessarionis Panegyrico , & Perottum (*Cornucop. col. 777.*) , ipsemet testatur , qui Libros duos de laudibus Patriæ suæ Trapezuntis , & Isthmi scripsit . Natus Anno Ær. Chr. 1395 , valde juvenis Ordini Monachorum S. Basilii se se addixit , nomenque a S. Bessarione Patriæ Parente , ac Patrono , cujus vitam Græco sermone exaravit , eum accepisse Platina litteris commendavit . Ante Monachatum vero Basilium fuisse appellatum , in Vita ipsius apud Ciacconium (*Vit. Pontif. & Cardin. Tom. II. pag. 905. Edit. 1677.*) affirmatur .

(*c*) Antequam Constantinopoli discederet Bessario , ad Concilium Ferrariæ primum , deinde Florentiæ celebratum , Nicææ Archiepiscopus renunciatus est Anno circiter 1436 ; non vero 1438 , ut habet *Henricus VVarton* in Appendice ad *Guilielmi Cave* Bibliothecam Ecclesiasticam . Etenim Archiepiscopi (ita scribit *Sguropulus* (*Hist. Conc. Flor. Sess. III. cap. 15. pag. 59.*) eo tempore ordinati sunt *Marcus Ephesi* , *Dionysius Sardium* , & Bessario Nicææ , ut tamquam antesignani Synodo interessent . Hinc vulgo Bessario Cardinalis Nicænus audit . A *Nicolao V. An. 1449. III. Non. Mart.* Episcopus Sabinensis creatus est (*Lib. Provis. Nicol. V. pag. 35.*) : paucisque post diebus , hoc est 1x. Cal. Maji ejusdem anni , ad Ecclesiam Tusculanam translatus (*Ughell. Tom. I. pag. 246. ex Lib. Obligat.*) ; cui tamen solum præfuit ad annum usque 1468. in quo a *Paulo II* , ut infra probabimus , iterum Sabinensi Ecclesiæ datus fuit Episcopus .

„ Cardinalis (*a*), Patriarcha Constantinopolitanus (*b*), &
 „ ad Illustrissimum Ducale Dominium Venetiarum &c. Se-
 „ dis Apostolicæ Legatus de Latere dignissimus, pro nego-
 „ tiis maxime honorem Fidei Catholicæ concernentibus
 „ Venetias venisset : & Egregius Guardianus Venerandæ
 „ & Devotissimæ Scholæ Caritatis cum Sociis, & Officia-
 „ libus, & plerisque primariis ejusdem Congregationis re-
 „ verenter requisisset eundem Reverendissimum D. Cardi-
 „ nalem, ut ad honorem, & dignificationem sæpeditæ Scho-
 „ la-

(*a*) Ab Eugenio IV. Cardinalis creatus fuit Tit. SS. duodecim Apostolorum die 18. Decembris An. 1439; ut præter Ciacconium (*loc. cit.*) refert Auctor anonymus Vitæ Eugenii IV. a Cl. Lucæ Archiepiscopo Joanne Dominico Mansi edita (*Tom. I. Miscell. Baluzii pag. 329.*). Tunc autem Bessarionem absentem fuisse certo certius est. Græcorum enim Imperator cum ceteris Græcis, post Decretum Unionis in Concilio Florentino subscriptione confirmatum, Florentia discesserunt die 26. Augusti 1439. (*Act. Conc. Flor. ab Hor. Justin. Coll. Par. II. col. 1187. Tom. XIII. Concil. Labb.*), ad Patriam redituri. Quamvis autem Phranza (*Lib. II. cap. 17.*) Bessarionem post Concilium Constantinopolim rediisse neget, majorem tamen fidem meretur Platina, qui in laudato Panegyrico illum licet absentem in Cardinalium numerum cooptatum fuisse scribit. Platinæ autem testimonio ipse Bessarion certitudinem addit, reditus sui ad Patriam disertis verbis mentionem faciens in Epistola ad Alexium Laicarem ab Horatio Justiniano edita (*Loc. cit. Par. III. col. 1244.*) in qua hæc leguntur: *Demum post celebratum Sacrum Concilium, & nostrum ad Urbem Constantinopolitanam reditum &c.*

(*b*) Constantinopolitanus Patriarcha renunciatus fuit Bessarion, itidemque Ecclesiæ Chalcidensi præfectus Cal. Apr. An. 1463, ut ex Lib. IV. Obligat. Sacr. Colleg. pag. 52, datis ad me humanissimis litteris, testatur sæpe laudatus Comes Josephus Garampius. Hinc errare discimus Phranzam (*Lib. II. cap. 17.*), qui Bessarionem in Constantinopolitano Patriarchatu successorem datum fuisse affirmat Josepho, Florentiæ mortuo tempore Concilii, nocte quæ subsequuta est diem 20. Junii 1439. (*Act. Conc. Flor. cit. Par. II. col. 1147.*), itemque alucinatus est Bzovius, qui ad An. 1463, Nicolao V. in Petri Cathedra sedente, hoc retulit. Legi meretur de hac re Allatius (*De Eccl. Occid. & Orient. Conf. Lib. III. cap. 3. §. 1.*). Hanc porro adeptus est dignitatem Bessarion post mortem Cardinalis Isidori Thessalonicensis, Archiepiscopi Ruthenorum, qui Gregorio Mammæ successerat (*Pius II. Comment. Lib. XI. pag. 300.*) Hinc corrigendus Ciacconius, qui Cardinalem Ruthenum anno 1464. obiisse scribit,

„ laſſice Congregationis , & conſolationem totius fraterne
 „ Societatis dignaretur in ipſam Scholam ingredi , & nu-
 „ mero Fratrum aſcribi , prefatus R. Dominus Cardinalis
 „ pro innata ſibi humanitate , & in res religioſas , & ſa-
 „ cras devotione , admiſſis requiſitionibus , & precibus an-
 „ tediſtis facillime annuit , & animo letiſſimo ipſi Congre-
 „ gationi dedicari , & annumerari voluit cum ſingulari
 „ omnium conſolatione , ſervatis ceremoniis , & ſolemnit-
 „ tatibus , que celebrari , ſervariſque debent ex formula , &
 „ inſtitutis ſepediſte Congregationis , & Schole . Poſt hec
 „ prelibatus (ſc) Reverendiſſimus Dominus Cardinalis
 „ jam ut premittitur aggregatus , & rite aſcriptus in nu-
 „ mero Fraternitatis prediſte , dignatus eſt perſonaliter vi-
 „ ſitare domum ipſius Schole , ubi exceptus fuit cum ma-
 „ gna letitia , & plauſu omnium Fratrum ibi preſentium ,
 „ & honorifice , atque cum veneratione , ut decuit , eum
 „ excipientium . Viſitata item Eccleſia , & exhibita benedi-
 „ ctione cum Indulgentia unius triennii conceſſa preſenti-
 „ bus in forma Eccleſie , Reverendiſſima D. ſua poſt ſua-
 „ viſſimam orationem , & verba Caritatis , & affectus ple-
 „ na , dixit apud ſe reperiri Tabellam ligneam , in cujus
 „ medio eſt ſculptura in figuram Crucis , in qua vacuitate
 „ ineſt Crux aurea ſubtiliter laborata . Inque lateribus ejus-
 „ dem Crucis , in ipſa videlicet Tabula , in duobus quidem
 „ ſuperioribus de vero Ligno Sancte Crucis duo fruſta ; in
 „ inferioribus vero lateribus duo fruſta Tunice Chriſti , hoc
 „ eſt de Sacco : Tabulamque ipſam ſuperius habere pro co-
 „ pertorium aliam Tabellam depiſtam , & argento deaura-
 „ to aliqualiſter ornatam : quod pretioſiſſimum , ſaluberri-
 „ mumque depositum , & locatum in Urbe Imperatoria

„ Constantinopolitana Christianis regnantibus , per manus
 „ Imperatorum, atque Patriarcharum, devotissime tandem
 „ devenerat in custodiam olim clare memorie Gregorii
 „ (a) Miseratione Divina dignissimi Patriarche Constanti-
 „ nopolitani , qui ob scandala , & pertinaciam Decretum
 „ Unionis Oecumenici Florentini Concilii detrectantium ,
 „ piissimus ipse Pater, Sede sua relicta, Romam venit, ubi
 „ post sue Sanctitatis, & Fidei clarissima testimonia natu-
 „ re concessit; & integerrimum, ac innocentissimum spi-
 „ ritum Deo reddidit. Ante obitum suum nominatim, at-
 „ que affectuose predictam Sanctissimam gemmam Vene-
 „ rande Dominice Crucis, & Tunice ipsi Reverendissimo
 „ D. Cardinali, quem unice dilexerat, & paterno affectu,
 „ & Caritate fuerat profecutus, absenti tunc, & in Man-
 „ tuano Conventu agenti legavit. Quod quidem legatum
 „ optimo, & pulcherrimo jure, summa cum devotione he-
 „ reditavit, suscepit, & possidet, ita ut in hac vita nihil
 „ habeat, vel habere possit pretiosius, nihil sanctius, nihil
 „ de quo magis animi desiderium, & devotionem explere
 „ possit. Addidit his, sepe cogitasse, cui post obitum di-
 „ gne tantum munus, tam celeste donum relinqueret; ve-
 „ nisse nunc sibi in mentem, ejusmodi legatum nullibi pos-
 „ se tutius, honorificentius, & preclarius locari, quam in
 „ hac felicissima, & amplissima, ac Christianissima Civi-
 „ tate Venetiarum: ejusque Civitatis ad nullum alium po-
 „ tissimum locum, quam apud venerabilem, & devotissi-
 „ mam Congregationem Caritatis, cui se se ascriptum, de-
 „ dicatumque voluit. Quamobrem omnibus via, jure, mo-
 „ do

(a) De hoc Gregorio Patriarcha Constantinopolitano egimus Cap. præ-
 edenti.

„ do , & forma quibus melius , & validius , atque effica-
 „ cius potuit , & potest per se , & successores suos sponte ,
 „ & ex certa scientia , nomine , & titulo pure , & mere ,
 „ & irrevocabilis donationis , que dicitur inter vivos , &
 „ non causa mortis , & que nulla ingratitudine , vel offen-
 „ sa , magna , vel parva revocari possit , dictam Tabellam
 „ cum Signo Crucis , cum particulis Sanctissimi Ligni , &
 „ Venerandissime Tunice , & cum suo ornatu in se , &
 „ circa se antedicto Guardiano , Officialibus , atque Sociis
 „ ibi presentibus , & pro se , & successoribus suis , vice ,
 „ & nomine Schole , & Fraternitatis sepedicte acceptanti-
 „ bus , & recipientibus dedit , donavit , & reservato dum-
 „ taxat sibi usu pro toto tempore vite sue cessit , & trans-
 „ tulit cum plenitudine libertatis , & potestatis dominium ,
 „ & proprietatem ex nunc ; usum vero post mortem ejus
 „ statim , & immediate apprehendendi , habendi , tenendi ,
 „ & in perpetuum possidendi , sine ulla alicujus contradi-
 „ ctione , molestia , aut inquietudine ; & ita Dominatio
 „ Sua Reverendissima mihi Notario infra scripto ibi presen-
 „ ti jussit , atque imposuit , ut de his omnibus publicum
 „ conficerem instrumentum , & ad firmitatem rei , & ro-
 „ bur perpetuum predictis Guardiano , Officialibus , atque
 „ Sociis , nominibus , quibus supra , unum , vel plura ,
 „ quemadmodum requisierint cum clausulis , & solemnita-
 „ tibus opportunis traderem , atque legaliter exhiberem .
 „ Promisit quoque solemnī stipulatione premissa , presen-
 „ tem donationem cum omnibus , & singulis in ea con-
 „ tentis per se , & successores suos firmam , ratam , & ro-
 „ gatam habere , & tenere , & ei non contrafacere , vel
 „ venire de jure , vel de facto per se , vel alium aliqua

„ ratione, vel causa, sub obligatione, & ipotheca omnium
 „ suorum bonorum mobilium, & immobilium presentium
 „ & futurorum.

„ Ego Ulixes de Aliotis (a) Filius q. Domini Gratiadei
 „ Venetiarum Civis, publicus Imperiali auctoritate Nota-
 „ rius, Judexque ordinarius, & Illustrissimi Ducalis Domi-
 „ nii Venetiarum Secretarius, ac Comes Palatinus predi-
 „ ctis omnibus, & singulis presens fui, eaque rogatus scri-
 „ bere, & publicare, aliis negotiis occupatus per infra-
 „ scriptum Bartholomeum de Brandis Notarium Publicum
 „ in hanc publicam formam ex actis meis redigi, & scri-
 „ bi feci, & ad evidentiam, & majorem cautelam me
 „ subscripsi, ac signum meum apposui consuetum.

„ Ego Bartholomeus de Brandis Gasparis filius, publicus
 „ Imperiali auctoritate Notarius predicta omnia, & sin-
 „ gula ex actis, & imbreviaturis prefati Domini Ulixis
 „ de Aliotis traxi, & quia erat aliis negotiis occupatus,
 „ ejus jussu in hanc publicam formam scripsi, & recolle-
 „ gi, & ad evidentiam me subscripsi, & signum meum
 „ apposui consuetum. “


C A-

(a) Erat tunc Ulixes de Aliotis ex numero Confratrum Sodalitatis nostræ, & Anno 1461. Magni Custodis munere functus fuerat. Ejus opera eo anno quo Sodalitatem rexit, superioris aulae majoris laqueare supra quadringentis quinquaginta Seraphinorum calatis imaginibus auro obductis ornatum fuit, quorum singuli octo alis instructi sunt: in quo licet ingenio magis videatur indulisse suo, ut proprio cognomini alluderet, quam eorum exhibita in Sacris Codicibus exempla fuisse imitatus, in quibus vel quatuor, ut apud Ezechielem (Cap. I. vv. 6. 11.) vel sex ad summum alæ, ut apud Isaiam (Cap. VI. v. 2.) & Joannem (Apocal. IV. v. 8.) illis tribuuntur; excusari tamen aliqua ratione posset auctoritate Hieronymi, qui singulis Isaiæ Seraphim duodenas usque alas in nonnullis Codicibus aptari animadvertit (Epiſt. XVIII. al. 142. 143. ad Damasum): quod etiam in antiquis musivis operibus observare licet, quibus Ducalis Basilicæ Sacellum illud ornatur, quod ex magnifico Regenerationis Fonte ibidem exstructo, Baptisterii Sacellum nuncupatum fuit.

CAPUT DECIMUM.

De Tabulæ nostræ translatione e Bononia Venetias .

I.



Egationis exitus ad Venetorum Rempublicam missæ , de qua superiori capite mentionem fecimus , æquis Optimi Pontificis postulationibus , ac votis respondit . Pietate namque Venetorum Patrum , & Bessarionis prudentia omnia brevi confecta , indictumque Turcis aperte bellum , lege pro Sacro Fœdere lata die xix. Octobris , decretisque ad Templa supplicationibus . Quo audito Pontificem , apud quem tunc Reipublicæ nomine Aloysius Fuscarenus (*a*) Oratorem agebat , in hæc verba prorupisse narrat Petrus Justinianus (*b*) : *Benedicti sint Filii nostri Veneti , benedicta sit eorum tam pia , tam sancta intentio , benedicat Deus Christianissimam Rempublicam , & Senatum eorum adjuvet ; eisque honorificentissime adversus Turcas præstet victoriam .*

Pius itaque XIV. Cal. Jul. anni sequentis 1464. Roma Anconam se contulit , ut Venetos expectaret (*c*) ; Bessarion

(*a*) Cum *Aloyso Fuscareno* magnæ doctrinæ , atque eruditionis viro , occasione plurimum illius ad Romanum Pontificem Legationum , arctissimam Bessarionis amicitiam inierat , ut probant nonnullæ illius ad hunc Epistolæ , quæ leguntur in *Calice membranaceo* illius Sæculi , in Bibliotheca q. Serenissimi Ducis Marci Fuscareni servato , trecentas , & amplius Aloysii nunquam editas epistolas complectentur . Cum autem Bessarion anno 1461. e Germanica Legatione rediit , non modo omni honoris genere , Reipublicæ nomine , illum excepit Fuscarenus , qui tunc Utini degebat , sed nullum erga eum amantissimi hominis officium prætermisit . (*Pallad. Istor. del Friuli. Par. II. Lib. I. pag. 39.*)

(*b*) *Rer. Venetar. Lib. VIII.*

(*c*) *Cardinal. Papiens. Commentar. Lib. I. pag. 354.*

rio vero publice Venetiis in Platea D. Marci Sacrum Fœdus (Cruciata vocant) indixit (*a*), & triremi propriis impensis instructa, post xiv. Cal. Augusti (*b*) e portu solvit cum Venetorum Classe, quæ Ducem Christophorum Maurum vehebat, atque Anconam pridie Idus ejusdem mensis pervenit (*c*). Verum Deo sic disponente, cujus incomprehensibilia sunt judicia, & investigabiles viæ, Pontificis, ætate tantum devexa, ac parum præcipiti onerati, sed jam febre, ac doloribus fatigati (erat enim delicato corpore, & ferventis Æstatis injuriis exposito) perurgens languor usque adeo invaluit, ut die sequenti spiritum Deo reddiderit : omnibus intempestivum ejus obitum deflentibus, quo non obscure intelligeretur conatus tantos interruptos esse, spemque expectati boni magnopere diminutam (*d*). Hæc vero omnia quæ enarravimus, itemque prædicti Pii II. verba satis superque esse possunt ad propulsandam iniquissimam calumniam, Venetis ab Aloysio Eliano impositam, qua Venetorum tarditatem, tamquam callide excogitam, Pontifici causam mortis existisse audacter asseruit.

Sed ad rem nostram redeamus. Itaque justis defuncto Pontifici Anconæ persolutis, Venetorum Dux cum sua Classe inde solvens, Venetias reversus est, Cardinales autem Romam, ut novum Populo Dei Pastorem eligerent, qui & prosequeretur inceptum, & Christianos Principes, maxime-

(*a*) *Ciaccon. Vit. Pont. Tom. II. pag. 906.*

(*b*) Colligitur ex duobus Documentis ad ipsum Bessarionem spectantibus Venetiis adhuc degentem die 19. Julii Anni 1464. a Cl. Flaminio Cornelio editis (*Eccl. Ven. Dec. I. pagg. 241. 243.*)

(*c*) *Papiens. l. c. pag. 358.*

(*d*) *Id. pag. 361.*

ximeque Venetos, Ecclesiæ stimulis, atque incitamentis bellum ingreſſos, collatis opibus adjuvaret (a): quod quidem licet ex ſententia ceſſerit, Petro Tituli S. Marci Cardinali ex Nobili Barborum Veneta Familia, qui Pauli II. nomen aſumpſit, in demortui Pontificis locum ſuſſecto; cujus præcipuum fuit ſtudium parandæ Classis in Turcas, quæ ad redimendam Conſtantinopolim duceretur (b); diſſidiis tamen Catholicorum Principum factum eſt, ut cum ſolum circa finem anni 1470., & initium ſequentis Sacrum Fœdus inter Italiæ Principes inſtauratum fuerit, idem paulo poſt repentina Pauli morte, quæ die 25. Julii 1471. accidit, magno Reipublicæ Chriſtianæ detrimento ſolveretur.

2. Cum igitur Sixtus IV. qui Paulo II. datus fuit ſucceſſor, initio ſui Pontificatus plura ad Sacram expeditionem diſpoſita, atque parata invenerit, prima ipſi cura fuit de Mahomete Turcarum Tyranno a Chriſtianorum finibus propulſando. Quamobrem Legatos ad omnes Principes Nationeſque Chriſtianas mittendos eſſe ratus, qui inteſtinis ſublatis odiis, ſedatiſque diſcordiis, illorum animos ad Chriſtianæ Fidei deſenſionem excitarent, Marco Barbo inter alios Tituli S. Marci Cardinali Germanicam, Roderico Borgiæ (qui deinceps novo Alexandri VI. nomine aſſumpto Eccleſiam Univerſalem gubernandam ſuſcepit) Hiſpanicam, Beſſarioni vero noſtro Gallicam Legationem comiſit.

Diu hæſit Beſſario, utrum ipſi per ætatem nimis ingreſcentem, minusque firmam valetudinem longum adeo, mole-

(a) *Id. Ibid.*

(b) *Id. Lib. IV. pag. 396.*

molestumque iter aggredi liceret ; jamque susceptam primum Legationem deposuerat (*a*) , cum acceptis ab ipso Gallorum Rege humanissimis litteris , quibus & animi gaudium testabatur , quo eum sibi Legatum designatum fuisse intellexerat , & hortabatur , ut suum ab Urbe discessum urgeret ; ipsam quoque propriæ salutis curam communi Christianæ Reipublicæ bono posthabitam voluit , atque in Galliam proficisci decrevit .

3. Quamobrem animo secum reputans cum itineris longitudinem , tum incertum humanæ vitæ exitum , cujus proximitatem animo fere divinante præsensit , veritus ne Sacræ illi Tabulæ , quam superioribus annis Sodalitati nostræ donatione inter vivos fuerat elargitus , vel detrimenti aliquid , vel periculi immineret , eam apud se retinere amplius noluit , eandemque per tres Nuntios ad hoc destinatos , datis die xii. Maji Anni 1472. ad Caritatis Sodales Litteris , Venetias mittere tutius judicavit . Res ex ipsis Cardinalis Epistolis patet , quas cum aliis a Caritatis Sodalibus ad Bessarionem missis hic subijcimus ex vetusto Sodalitatis Codice (*b*) , atque adeo a pluribus erroribus expurgatas , qui partim Amanuensium , partim vero Typographi negligentia irreperunt apud Cl. Senatorem Flaminium Corneliū , qui eas primus edidit (*c*) .

„ Bessario Cardinalis Nicænus Fratribus Domus Caritatis
„ Salutem .

„ Postquam in Fraternitatem Vestram sum assumptus ,
„ & initiatus ista Sanctissima Religione , optavi vehemen-

„ ter

(*a*) *Id. Epist.* 431.

(*b*) *Codex* , vulgo Libro di Testamenti.

(*c*) *Eccl. Ven. Dec. VII. pag.* 196. & seqq

„ ter pignus aliquod, & monumentum mee fidei relinque-
 „ re; quo & divine pietati satisfacerem, & animo erga vos
 „ meo. Quom igitur Crux aurea excellenti artificio elabo-
 „ rata, in qua veri Ligni particula Christiane Crucis, &
 „ ejus Divine Vestis nonnihil repositum est, mihi delata
 „ esset, statui eam donandam Domui isti. Nam opus est,
 „ cum forma ipsa Religioni consentaneum, tum ornamen-
 „ to tante Domus, & Religionis amplitudine dignum.
 „ Donavi eam superioribus annis Donatione inter vivos,
 „ sed apud me hactenus retinere volui. In Galliam vero
 „ proficiscens Legatus Reipublice Christiane causa, propono
 „ mihi & itineris longitudinem, & incertum exitum hu-
 „ mane vite, tutiusque judico eam Crucem vobis relinque-
 „ re. Ornandam curavi argento quo est conclusa: & ad-
 „ hibendam hastam, ut ad gestationem in supplicationibus
 „ sit accomodata; eamque misi vobis, ut in Divine Maje-
 „ statis honorem, Caritatis inditium, Fraternitatis nostre
 „ argumentum utamini, & exhibeatis populo venerandam
 „ quom aut locus, aut tempus postulabit. Jacobus Parleo (a).

S

„ Gual-

(a) *Jacobum Parleonem* a Secretis Cardinalis Bessarionis fuisse, nonnullas-
 que illius Epistolas in Vaticana Bibliotheca servari, ex quibus hoc colligi-
 tur, nuperrime monuit me per litteras nunquam satis laudandus Cl. Comes
 Josephus Garampius. Fuit ille Patria non Romanus, ut de Petro (ejus ne
 patruelis, an avunculo ignoro) scribit Cl. Marcus Fuscarenus (*Lib. III. de*
Venetâ Litteratura pag. 231. Not. 10.), sed Ariminensis. Nam præterquam-
 quod Franciscus Philelphus Parleonum amicissimus (*Epistol. Lib. X. pag. 75. edit.*
Ven. 1502.) memorat Sigismundum Malatestam tamquam Parleonum Principem;
 expresse hoc etiam eruitur cum ex sepulchrali Petri Inscriptione a P. Joanne
 de Augustinis relata in Venetis Scriptoribus (*Tom. II. pag. 83.*); tum ex
 Hieronymi II. Ramnuzii, Pauli II. filii, Genealogica Ramnuziorum Historia,
 cuius autographum exemplar inter Cl. Apostoli Zeni Codices servatur num.
 XV. Narrat enim *Paulum Ramnuzium* seniore, cum aliis doctis ejus conci-
 vibus,

„ Gualterius Justinianus (a), Jacobus Sceba (b) nostrarum
rerum

vibus, *Bartholo nempe Soriano* Doctore, *Jacobo*, & *Petro Parleonibus* Græcæ, Latinæque Linguae peritissimis, *Angelo Pacio* Jurisconsulto, & *Joanne Aurelio Augurello*, exquisitæ virtutis viro, anno 1458. VIII. Id. Majas Venetias concessisse, ibique, præter duos postremos, sedem reliquos fixisse, atque inter Venetos Cives ob eorum summam doctrinam fuisse cooptatos.

Qui autem evenerit, ut Jacobus noster in Bessarionis aulam commigrarit, sic liceat nobis conjicere. Anno 1458. Petrus Parleo, testante laudato Philelpho (*Epistolar. lib. XIV. pag. 99.*) Venetis Patriciis adolescentibus (verius Ducalis Cancellariæ Candidatis, ut constat ex Primo Regeſtorum Volumine apud Ampliſſimos Rei Litterariæ Triumviros pag. 33. t.) Eloquentiæ præceptis instituendis datus fuit Magister. Cum autem ex laudata ſepulcrali Inſcriptione doceamur eum anno 1453., quo Beſſario Venetiis Pontificius Legatus degebat, e vivis fuiſſe ſublatus, atque in ejus locum Philippus Ariminenſis ſuſſeſtus fuerit, ut ex eodem Regeſtorum Volumine diſcimus, ſatis mihi probabile eſt, Jacobum, ut animi mœrorem demeret, quo partim ob Petri conſanguinei mortem, partim vero ob publicum illud docendi munus, quod ipſe forte expetebat, & alteri oblatum eſt, premebatur, Venetias relinquendi conſilium cœpiſſe, atque opportunam naſtum occaſionem, facilem habuiſſe apud Beſſarionem aditum, qui Litteratos Viros quamplurimos in aula ſua alebat, ac fovebat. Neque a vero valde abeſſe crediderim, Jacobum noſtrum celebris Nicolai Sagundini, id temporis Excellſi Decemvirum Conſilii a Secretis, commendatione gratum Beſſarioni evaſiſſe. Nam & Beſſarionis, & Parleonum amiciffimum fuiſſe Sagundinum probant Epistolæ duæ elegantiffimæ, typis editæ Tomo II. *Opusculorum Miſcellaneorum*, altera Sagundini ad Beſſarionem, altera Petri Parleonis ad Sagundinum. Utcumque ſeſe res habeat, Jacobus certe noſter poſt Cardinalis mortem Venetiis iterum ſedem fixit, & Sodalitatis noſtræ, cui jam nomen dederat, Magnus Cuſtos renuntiatus fuit anno 1487.: ut ex vetuſto Sodalitii Statutorum Codice alias laudato, & ex alio vulgo *Ordinario* ad dictum annum edocemur, ubi etiam Doctoris titulo decoratur.

(a) De hoc *Gualterio Juſtiniano* inutili plane labore diu quæſivi. Hoc unum pro certo affirmare poſſe arbitror, eum e Clariffima Juſtinianorum Patricia Familia non prodiſſe, ut & ex Genealogico hujus Familæ Stemmate, in quo ejus nomen non legitur, ſatis adparet, & e provincia ſibi cum aliis duobus a Cardinali noſtro demandata colligi poteſt. Ac facile addûcor ut credam, eum aliqua propinquitate fuiſſe cum illo Andreolo Juſtiniano conjunctum, qui hoc itidem tempore florebat, & ad quem Poggius Epistolam dedit, quam inter alias hujus Auctoris habemus impreſſam. Ceterum inter domeſticos, & familiares Beſſarionis nonnulli etiam ex Venetis Patriciis numerantur, inter quos *Eugenius Maurocenus*, Cretenſis Canonicus, qui anno 1466. in Tarviſinum Epiſcopum deſignandus a Senatu fuit nominatus: quod diſcimus ex *Notatorio XVIII.* Ducalis Cancellariæ, ubi hæc leguntur: *Ven. D. Eugenius Mauroceno Canonicus Cretenſis*,

„ rerum Procuratores vobis eam afferent nostro nomine ,
 „ quam servandam , & diligenter custodiendam curetis ,
 „ oramus , in sempiternum Domus Caritatis, & Fraternalis
 S 2 „ tatis

sis, Doctor in Jure Canonico, qui est in Domo Reverendiss. D. Cardinalis Nicæni. Porro cum ex Justinianis nonnulli ex Creta ortum habuerint, præcipue labente Sæculo XV. (ut patet ex Philippica II. Ciceronis, & ex Lib. VIII. Æneidos Virgilii a Joanne Justiniano Cretensi Italice versis, aliisque ejus Operibus Sæculo XVI. Venetiis editis) & cum prædictus Eugenius Maurocenus, qui erat inter familiares Bessarionis, Cretæ Canonicus existerit, hinc haud absurde colligi posset, etiam Gualterium nostrum fuisse Cretensem.

(b) *Jacobus Sceba* natione Cyprius, Vir doctus, & gravis, erat tunc Cardinalis Bessarionis Magister Domus, & intimus Cubicularius. Hæc nobis innotescunt ex quadam Epistola Joannis Hinderbachii Tridentini Episcopi die 13. Septembris 1476. data ad Paulum Maurocenum, insigne illud Venetæ Nobilitatis ornamentum, cujus hortatu Bessario illi amicissimus Bibliothecam suam Reipublicæ largitus est. Hæc igitur ad rem nostram ex laudata Epistola edocemur, cujus fragmenta nonnulla ex Autographo edidit Cl. P. Benedictus Bonelli in Italica Dissertatione Apologetica de B. Simeonis Pueri Tridentini Martyrio Cap. IV. pag. 218; cujusque partem hic exscriptam subijcio: „ Dum hæc scriberemus supervenit unus ex Canonicis notabilis Vir Dominus *Jacobus Sceba de Cypro*, Vir doctus, & gravis, olim Reverendissimi Domini Cardinalis Nicæni Magister Domus, & intimus Servitor, quem Magnificentiam tuam optime nosse reor, qui viso Opere tuo contra perfidiam Judæorum confecto, retulit nobis novum de tua Magnificentia, quod sperabat te proxime ad Ecclesiam Nicosensem, Metropolim in præfata Patria sua in Archiepiscopum promovendum.“

Gymnasii Patavini anno 1434. Scebam nostrum fuisse primo Prorectorem affirmat laudatus Bonellus (*Monum. Eccl. Trident. Vol. III. Par. II. pag. 289.*) Porro Cl. Jacobus Facciolatus (*Fa^{ci}. Gymn. Pat. Tom. I. Par. II. pag. 80.*) eodem anno 1434. *Jacobum Cyprium* electum fuisse Rectorem tradit, splendide Magistratum gessisse, & plurimum sibi sumplisse auctoritatis; imo eundem Jacobum de Medicina extra ordinem eodem anno disputasse refert (*pag. 125.*). Post Bessarionis mortem a Papa Sixto IV. anno 1473. Tridentinus Canonicus resignatus fuit, laudato Bonello ibidem testante, qui etiam addit illum de cultu B. Simeonis Pueri Tridentini apud Venetos benemeritum haberi. Hoc autem in ejusdem argumenti Dissertatione etiam a Cl. Senatore Flaminio Cornelio edita observatum est, qui Tridento a laudato Jacobo ad Venetos S. Mariæ Servorum Fratres dono missas fuisse narrat Reliquias vestium, quibus demortuum B. Simeonis Corpus indutum fuerat.

„ tatis nostræ argumentum , cui hoc opus dicavi (a) pro
mea

Huic Jacobo Sodalitatis nostræ Confratres in grati animi testimonium sex ulnas exquisiti panni rosæ exsiccatae colorem referentis obtulerunt, ut ex Codice, vulgo *Quaderno H* pag. 161. colligimus; ejusque opera iidem nonnullas Indulgentiarum Bullas a Sixto IV. anno 1474. obtinuerunt (*Ibid. pag. 174.*)

(a) Poslicæ Tabulæ nostræ faciei argentea lamina obductæ alteram minorem laminam pariter argenteam aptandam curavit Bessario, in eaque hanc cælari iussit Inscriptionem, qua *hoc opus* Sodalitio Caritatis *dicavit*, præclarissimi muneris perenne argumentum futuram.

BESSARIO. EPISCOPVS. SABIN.
CARDINALIS. NICÆNVS. PATRIAR-
CHA. CONSTANTINOPOLITANVS
BEATÆ. VIRGINI
MARIÆ. SCHOLÆ. CARITATIS
VENETIIS.

Inscriptionem hanc exhibuimus etiam Dissertationis hujus capite II.; ubi monuimus, iterum nos de illa hoc postremo capite verba facturos: quod ideo ad hunc locum distulimus, ut ex iis, quæ jam a nobis adnotata superius fuere, clariora ea fiant, quæ observanda supersunt in ipsa Inscriptione, utque omnis de ejus veritate dubitandi tollatur occasio.

Illud itaque plerisque negotium facessere posset, qua nempe ratione in Epigraphe hac nostra, quam vel ad annum 1472. antequam Sacra Tabula Venetias transferretur, vel certe post annum 1453. quo Charta Donationis exarata fuit, sculptam fuisse certum est, Bessario *Episcopus Sabinensis* audiat. Quamvis enim Sabinensi Ecclesiæ datus ille fuerit Præsul anno 1449.; eodem tamen anno, vix mense uno interjecto, ad Tusculanam Ecclesiam translatus est, ut Capite præcedenti docuimus. Jam vero nec Ciacconius in *Vitis Pontificum*, & *Cardinalium*, nec ii omnes qui Ciacconianum Opus additionibus, atque correctionibus illustrarunt, nec Ughellius in *Italia Sacra*, nec ullus alius inter innumeros pæne quos perlustravi Auctores, qui de Bessarione scripserunt, dubitare nos sinunt, quin Tusculanæ Ecclesiæ præfuerit usque ad annum 1472., quo diem supremum obiit; ut paulo infra disertius probabimus. Hinc Christianus Fridericus Boernerus, qui Bessarionis Vitam ultimus edidit in eruditissimo Opere *De Hominibus Græcis, Litterarum Græcarum in Italia infla-*
ratoribus, eodem deceptus errore (pag. 48.) mendum procul dubio cubare affirmat, ubi in Panegyrici a Platina post obitum Pii II. conscripti titulo, Episcopus Sabinensis Bessario nuncupatur.

Verum enim vero laudatis Scriptoribus omnibus usque adeo errandi occasio fuit, ni fallor, sepulchralis Inscriptio, quam in Ecclesia SS. Apostolorum Bessario ipse sibi vivens posuit anno 1466; in qua cum Episcopus Tusculanus appelletur, ut re vera eo anno erat, nemini in mentem venit aut dubitandum
occurrit,

„ mea in Deum pietate Valet . Bononiæ III. Idus Ma-
 „ jas. 1472. “

4. Quan-

occurrit, utrum ejusdem, an alterius Ecclesiæ Præful obierit. Nos igitur Inscriptionis nostræ occasione de hoc dubitandum esse rati, ex ipsius Bessarionis Mss. Codicibus quæstionis hujus solvendæ monumenta conquirere cœpimus : quod quidem nobis non in casum cessit. Nam & ab eorum Amanuensis in iis omnibus notis ad Græcorum Codicum 1280. 1285. , & Latinorum 171. 288. 303. 346. calcem appositis ab anno 1469. ad annum 1471. Bessarionem vocari semper Episcopum Sabinensem observavimus, & ipsummet Bessarionem Episcopi Sabini Titulum sibi adsciscere, tum in titulo Librorum suorum *adversus calumniatorem* (Trapezuntium) *Platonis*, tum in Epistola ad Paulum II., qua Libellos suos *de Processione Spiritus Sancti* illi dicat, tum in alia ad eundem *de Errore Paschatis*, quas primus edidit Cl. Venetæ D. Marci Bibliothecæ Custos Antonius Maria Zanetti (*Biblioth. D. Marci Lat. pag. 76. & 196.*). Sed & Michael Canesius in Vita Pauli II. a Cl. Cardinali Quirino evulgata, & Joannes Alerienfis in Epistola seu Præfatione ad Paulum II. primæ Editioni Operum Apuleji præmissa 1469. Bessarionem non Tusculanum, sed Sabinensem Episcopum appellant.

Horum itaque Codicum, Inscriptioni nostræ conformium, auctoritate nixus, conjeceram Bessarionem a Paulo II. post annum 1467. e Tusculana ad Sabinensem Ecclesiam iterum fuisse translatus; cum Cl. Comitis Josephi Garraupii, cui dubium hoc meum proposueram, humanissimæ Litteræ, quod ego conjiciendo asserueram certissimis documentis, confirmarunt : duobus nempe hoc annis post erectum emortuale Bessarionis Monumentum, anno scilicet 1468. prid. Id. Octob. accidisse. Hæc enim, ipso testante, leguntur in *Libro 81. Obligat. Cameral. pag. 50.* „ Die 29. Octobris Ven. vir dn. Johannes de „ Hesbon Canonicus S. Severini Colonien. *reverendissimi domini B. Episcopi „ Sabinen.* Secretarius, & familiaris obtulit Cameræ Ap. pro communi ser- „ vitio dictæ Ecclesiæ, ratione translationis de persona sua de Ecclesia Tu- „ sculana ad dictam Ecclesiam Sabinen. auct. ap. sub dat. Rome apud S. „ Marcum prid. id. Octob. an. V. Florenos auri de Camera “ Addit præterea ex eodem Libro pag. 53. Tusculanæ Ecclesiæ Episcopum eadem die quartadecima Octobris Cardinalem Latinum Urfinum fuisse datum.

Hiscæ minime dubiis testimoniis corrigatur Ughellius tum in Sabinensibus Episcopis, ubi num. 57. nullam de hac secunda Bessarionis ad Ecclesiam Sabinensem translatione mentionem facit, & num. 61. Cardinalem Latinum Urfinum anno 1468. Episcopum Sabinensem electum fuisse scribit post Turcrematæ obitum, qui in diem 26. Septembris incidit; tum in Episcopis Tusculanis num. 38. ubi Bessarionem hujus Ecclesiæ Præsulem obiisse refert; & num. 39. ubi post Bessarionis mortem ad Tusculanam Ecclesiam fuisse translatus tradit laudatum Cardinalem Urfinum, qui tunc in Sabinensi da-

4. Quanta non Sodalitatis nostræ Confratres modo , sed Veneti quoque Patres, Clerus omnis, totius denique Urbis Cives, populusque, Sacræ Tabulæ adventu , lætitia perfusi fuerint , quantaque animi devotione tantum munus exceperint , facilius mente concipi, quam verbis describi potest. Senatus Consulto solemnis indicta supplicatio fuit die Dominico SS. Trinitatis , qui eo anno in septimum Mensis Junii diem incidit. Publicæ venerationi in Ara Majori Ducalis Basilicæ Pretiosum Pignus expositum fuit , Sacrisque solemniter a Venetiarum Patriarcha Maphæo Gerardo (a) peractis , Serenissimo Principe , & Dominio , ac reliquis Patribus, Civibusque comitantibus, ad Caritatis Ædem deductum , firmato altrinsecus ponte ligneo, ut pervium omnibus iter pateret. Tantæ solemnitatis, ac pompæ descriptionem fusius prosequuti sunt ipsi Sodalitatis Confratres , datis Amplissimo Cardinali Litteris , quas hic ex Autographo exhibemus.

„ Fraternitas Charitatis Venetiarum Summo Patri , &
„ Domino Bessarioni Cardinali Niceno Salutem.

„ Munus tuum sicut preciosissimum , ita religiosissimum
„ accepimus qua veneratione , & pietate decet , perlatum
„ nobis a tribus Procuratoribus tuis , viris spectatissimis ,
„ & in obeundis strenue mandatis tuis hominibus diligen-
„ tissimis . Letati, & gavisi sumus quam maxime omnes;
„ imo

tus fuit illi successor. In eundem errorem, ex defectu prædictorum monumentorum, impingere coactus est Joannes Palatius, qui in *Fasces Cardinalium* Titulum Tusculani post Sabinensem Bessarioni attribuit, neque hunc illi post dimissionem Tusculani Tituli restituit: in quo errarunt ceteri omnes qui Bessarionis gesta memoriæ tradiderunt.

(a) In Sodalitii nostri Confratrum album receptus fuit Patriarcha Maphæus Gerardus Idib. Januar. 1487. M. V. laudato Jacobo Parleone Magno Custode.

„ imo universa hec inclita Civitas talis, ac tanti muneris
 „ donatione, cum propter divinitatem tam sublimium, &
 „ rarissimarum Reliquiarum, tum donantis excellentia, &
 „ liberalitate. Es enim, & merito haberis inter optimos
 „ clarissimus, inter clarissimos optimus, inter utrosque sa-
 „ pientissimus. Multa nimirum extant vel varietate sua,
 „ vel magnitudine preclara tua merita in hanc Nobilissi-
 „ mam, & illustrissimam Civitatem. Sed nullum hoc tuo
 „ novo, & recenti beneficio fieri potest preclarius. Quid
 „ enim preciosius eo, si ultra aurum, & argentum, atque
 „ affabrefactum opus, Divine Crucis, & Vestis reliquias
 „ spectes? Nemo est certe sive Rex, sive Princeps, qui pro
 „ hujus generis thesauro comparando non omnes fortunas
 „ effunderet. Quid preterea religiosius, & Sanctius quam
 „ spectare, & adorare particulam Ligni in quo Christus
 „ Deus Optimus Maximus Crucis subire tormentum Re-
 „ demptionis nostre causa non dubitavit? Particulam item,
 „ inquam, Vestis, & amiciminis quod contigit, atque
 „ contextit divina illa, & vivificantia Servatoris nostri
 „ membra, interposita Cruce aurea cum faberrimo Cruci-
 „ fixo. O rem admirabilem, & stupore dignam. O munus
 „ pretiosum. O liberalitatem, & magnificentiam omnibus
 „ seculis predicandam. Cetus, & Fraternitas nostra hoc
 „ tuo pio, & immortalī munere illustrata, non modo te
 „ dignitate Principem, Pietate Patrem, Charitate Fratrem,
 „ omni laude, & veneratione prosequi non desistit, sed &
 „ gratias agit maximas, majores habet tue amplitudini;
 „ summa omnia optat, vitam quamdiutissimam, felicitatem,
 „ & ad extremum Celestis Patrie adeptionem jugi
 „ oratione precatur pro talibus meritis.

„ Quan-

„ Quantum autem in nobis fuit , nichil omnino preter-
 „ misimus , quod ad ipsius Sancte Crucis , & muneris tui
 „ nobilissimi venerationem pertineret . Accessit ad studium
 „ nostrum mira benignitas , & propensa voluntas Illustrissi-
 „ mi Principis , Domini , & Senatus , incliti nominis tui in
 „ primis studiosissimi . Affuerunt omnia , que in declaranda
 „ pietate , & letitia publica , ac tali munere decorando
 „ prestanda erant . E vestigio Senatus Decreto solemnibus sup-
 „ plicatio indicta fuit . Dictus dies Dominicus Sancte Tri-
 „ nitatis ; quo delata , & statuta Sanctissima Cruce ipsa
 „ super Altare Divi Marci preciosis , & relucens gem-
 „ mis referto , licuit passim omnibus eam spectare , &
 „ adorare , tantisper dum & Res Divina religiosissime fieret ,
 „ & Clerus cum quatuor Fraternitatibus Civitatis nostre
 „ lucentissimis funalibus , & religiosis canticis conveniret in
 „ ipsum Templum . Peracta autem Re Divina , cantata
 „ Missa a Reverendissimo Patriarcha Venetiarum , presente
 „ Principe , & Dominio , ac reliquis Patribus procedere
 „ pompa coepit , gestantibus Sacerdotibus Crucem , ac
 „ obumbrante veste deaurata . Adambulabant Liriste pari-
 „ ter , & Cithariste , atque alia Musicorum diversa gene-
 „ ra pulsantes , & cantantes suavissime . Prosequebantur
 „ Patres in densissimo , & frequentissimo numero , & reli-
 „ qua turba Civium incredibili devotione ; ut cunctam Ci-
 „ vitem studio videndi , & adorandi effusam diceres adeo
 „ usque ut pre multitudine utriusque sexus vix transiri po-
 „ terat , donec ventum est ad Templum , & Edem Chariti-
 „ tatis , receptaculum tam pii , & Divini Muneris : & ne
 „ per transitum canalus interpellaretur , remorareturve cur-
 „ sus multitudinis , firmato altrinsecus ponte ligneo pervium
 „ iter

„ iter omnibus factum est , sicut in anniversaria solemnitate , & publico Festo Divi Viti Senatus facere consuevit. Fuit preterea pulcherrimum , & pietate maxima dignum spectaculum videre Religiosos Templi Charitatis indutos Pluviali , & Sacerdotali Veste Carmen Sacrum iterantes , pomparum more , & supplicationum prodire obviam tunc Sancte Cruci , & venientem excipere , exceptamque collocare , & statuere in trono , quod paratum ad id fuerat ornatissime . Totus ille dies ad vesperam usque concursu , & conventu hominum spectantium , & adorantium , ac lacrimoso vultu adprecantium Crucem ipsam consumptus est . Te donatorem , Te auctorem tanti Muneris prope vociferantium , & admiratione prosequentium .

„ Hec volumus pro pietate , & Officio nostro Tibi nota facere , ut intelligas Munus tuum pie , & immortaliter positum , & collocatum esse . Decrevimus autem Muneri ipsi Divino Tabernaculum , & Monumentum fabricatum in loco Edis nostre Fraternitatis celebri , & conspicuo , cum Inscriptione Nominis Tui honorificentissima . Servabimusque diligentissime , & in supplicationibus , atque solemnitatibus ad Immortalis Dei gloriam , Amplitudinis Tue sempiternam pietatem , & Fraternitatis nostre ornamentum , Cruce ipsa Sanctissima perpetuo utemur , populoque devotissime adorandam eam , ut jubes , exhibebimus. Vale.

„ Venetiis die Sexto Mensis Julii 1472.

„ Reverendissime Dominationis Tue

„ Filii Devotissimi

„ Guardianus (a), & ceteri Colleghe Charitatis.

T

5.

(a) Erat tunc Magnus Sodalitatis Cultos *Andreas de la Sega* , Francisci illius

5. Lugduni tum degebat Bessario , cum ad eum Confratrum

illius nepos, qui primum Canonicus Tarvisinus, non tamen in Sacris Ordinibus constitutus, deinde Magnus Venetæ Reipublicæ Cancellarius, anno 1470. obierat, exacto in amplissima illa dignitate trigesimo, & eo amplius anno. Consule P. Joannem de Augustinis in Scripturis Venetis Tom. II. pag. 91.

Quoniam vero hic de Magno Sodalitatis nostræ Custode fermo recurrit, religioni mihi ducere, si ejus temporis Privilegia ipsi concessa prætermitterem. Non enim solum *Magnifici* titulo decorabatur, & Veste, quam Ducalem vocant, exornabatur (quod commune aliarum etiam hujusmodi Sodalitatum Magnis Custodibus erat) sed eodem amictus indumento in solempni supplicatione, quæ die SS. Vito, & Modesto sacra fieri solet, ad Serenissimi Ducis latus incedebat, Sodalitatis etiam Cancellario eodem habitu induto comitante: quod Privilegium illis concessum fuit, quia Caritatis Confratres anno 1310. adversus celebrem Bajamontis Theupoli conjurationem arreptis armis pro Principe, ac Patribus fortiter dimicarunt. Facti hujus memoriam litteris consignavit Anonymus illius temporis dictæ conjurationis Scriptor, cujus mihi copiam summa humanitate fecit eruditissimus, præstantissimusque Senator Petrus Gradonicus de Confinio S. Justinæ. In ejus autem rei perenne monumentum, ut laudatus Auctor tradit, purpureum illud Vexillum in Platea D. Lucæ erectum fuit, Sodalitatis nostræ Stemmate ornatum, quod adhuc erectum servatur.

Hoc autem Stemma, quod etiam ære incisum in Operis hujus fronte exhibuimus, ex Cruce constat aurea, seu flava ejus speciei, quam artis hujusmodi Auctores *ancorata* vocant, duos concentricos circulos pariter aureos, seu flavos, alternis nexibus implicata, ita interfecans, ut minoris circuli aream in quatuor dividat quadrantes, quorum duo ad verticem oppositi rubri coloris, duo vero alii virides adparent; reliquam autem aream inter minorem, & majorem circulum, in quatuor pariter æqualia mixtilinea segmenta quadrangulæ formæ, ita disposita, ut duo, quæ viridium triangulorum basi subsunt, rubra sint, quæ vero rubrorum basi, viridia. Porro qui Sodalitatis nostræ Stemina excogitarunt, hoc sibi indicandum proposuerunt, necesse esse Caritatem cum Fide, & Spe mutuo vinculo conjungi: quod ex MS. Anonymi antiquo Chronico discimus apud sapius merito laudatum Cl. Senatorem Flaminium Cornelium (*Eccl. Ven. Dec. XI. Par. I. pag. 290.*) his verbis:

„ La prima fu sotto il nome di S. Maria della Carità, la quale adopera le
 „ cere rosse per segno che bisogna che la Carità sia ardente, & ha per in-
 „ segna una Croce zala in mezzo anzi attraversa in due cerculetti simil-
 „ mente zali con li colori verdi, & rossi remessi per le parti che descrive
 „ la predetta Crose. Havendo opinion quei che prima istituirono questa in-
 „ segna de mostrar l'union, ch'è necessario che abbia la Carità con la Fe-
 „ de, e con la Speranza.

trum nostrorum Litteræ delatæ fuerunt ; quas ab eo benigne admodum , & singulari grati animi affectu exceptas fuisse discimus ex ejusdem Epistola altera, ad eos Idibus Septembris Lugduno data, quam ex Joannis Caroli Sivos (a) Mss. Codicibus exscriptam, nobisque a superius laudato Cl. Senatore Petro Gradonico humanissime traditam , publici juris nunc primum facimus.

„ Spectabilibus Viris Custodibus , & reliquis Collegis
 „ Domus Caritatis, Fratribus Nostris Carissimis
 Bessario Cardinalis Salutem.

„ Non potuit honorificentius mea in Vos Pietas accipi ;
 „ nam video omnia prestita esse in Sanctissimis Reliquiis ,
 „ aut dicandis, aut venerandis , que vel ad Nomen Divi-
 „ num colendum , vel ad mutuam Caritatem dedurandam
 „ (f. decorandam) pertinebant. Tanta autem prestitistis,
 „ quanta capere non possum, nec debeo ; sunt enim Di-
 „ vine illius digna Majestatis , cujus causa & nos munus
 „ istud misimus , & Vos tantis honoribus accepistis. Istam
 „ tamen hilaritatem (f. liberalitatem) vestram, quoniam
 „ amantissimis mei animis proficiscitur , perlibenter acci-
 „ pio, agoque gratias ingentes tante benevolentie, & cari-
 „ tati, cujus nomine initiati sumus, & Fratres . Quod in
 „ munere honorando decrevistis de Tabernaculo , cum be-

T 2

„ ne-

(a) Joannes Carolus Sivos, celebris Sæculo XVII. ineunte Medicinæ Professor, & Serenissimi Ducis Joannis Bembi Medicus, fuit Sodalitatis nostræ Confrater, unaque, & altera vice Custodis Majoris munere functus est, primum anno 1607; deinde anno 1614. Ejus Opera Mss. multigenæ eruditionis apud Patricium Venetum Petrum Memo servantur.

„ nevolentiam agnosco erga me, tum vestrum in res divi-
 „ nas studium maxime admiror, & laudo; est enim piis-
 „ simum, & apud Immortalem Deum uberrimum fru-
 „ ctum Vobis allaturum. Valete. Lugduni. Idib. Septemb.
 „ 1472. “

6. Beneficentissimi Cardinalis munificentiam pluribus, ut par erat, publicis grati animi monumentis prosequuti sunt Sodalitatis nostræ Confratres. Nam præterquamquod Sacræ Tabulæ statim in Sodalitii Sacello interiori, quod vulgo *Albergo* vocant, nobile Tabernaculum erexerunt, peritioribus, qui tunc Venetiis aderant, artificibus ampla mercede conductis (a), benemeriti quoque Donatoris effigiem pingendam, sub eaque marmoream hanc Epigraphen insculpendam jusserunt.

*SI QUANDO, FRATRES, OCULOS HUC ADJECE-
 RITIS, BESSARIONIS CARDINALIS MEMORIAM
 PIE COLERE NE GRAVEMINI, QUI MAJORUM VE-
 STRORUM IN SE ANIMUM, ATQUE OBSERVAN-
 TIAM GRATE REPUTANS, LIGNO CRUCIS SAN-
 CTISSIMO, SERVATORIS TUNICA, MULTISQUE
 PRÆTEREA RELIGIOSISSIMIS, AC PRETIOSISSI-
 MIS MUNERIBUS SE IPSUM PRIVANS, IIS SACRA-
 RIUM HOC VESTRUM, ET VETUSTATE, ET SAN-
 CTIMONIA APUD OMNES CLARUM, VIVENS PER-
 PETUO DECORAVIT.*

6. Pretiosa alia munera, de quibus in Inscriptione hac
 no-

(a) *Cod. Sodal. vulgo* Quaderno H. pag. 161.

nostra mentio fit, fuerunt insignis vere portio Purpurei illius Vestimenti, quo a militibus, quibus eum Pilatus tradidit flagellandum, indutus fuit Christus Dominus; & quatuor ex Dominica Corona Spinæ. Sacra hæc quoque Lipsana, aliaque permulta, quæ in Sacrario Sodalitatis nostræ religiose servantur, in Catalogum digesta, pro Dissertationis hujus coronide illustrare decreveram. Verum cum multa adhuc de illis inquirenda mihi supersint monumenta, alias id, Deo dante, præstabo.

7. Dictam porro Bessarionis effigiem quis tunc pinxerit ignoramus. Probabile tamen videtur celebris Gentilis Bellini opus fuisse, quo artifice id temporis dicto Tabernaculo picturis exornando usos fuisse Confratres nostros ex laudato Codice discimus: idque eo vel magis verosimile est, quia laudatus Gentilis eundem Bessarionem pinxerat in Tabula Aulæ Majoris Consilii, in qua Pontifex, & Dux Venetiarum Legatos ad Imperatorem Fridericum mittentes repræsentabantur (a). Porro Franciscus Sansovinus (b) eam Imaginem albo Sodalitatis indumento velatam a pictore fuisse repræsentatam refert. Verum cum eam anno 1540. impius nescio quis furatus fuerit (c), Janectino Cordegliagni, qui a nonnullis (d) Cordella vocatur, & inter celebriores Joannis Bellini discipulos numeratur (e), novam aliam condendi munus impositum fuit; qui pereleganti pictura tanti Viri effigiem Monachali S. Basilii habitu indu-

T 3

tam

(a) Joann. Bottari Not. ad Vasarium Tom. I. pag. 405.

(b) Venez. Descritta Lib. VII.

(c) Notator. II. pag. 134.

(d) Boschini Miniere della Pitt. pag. 361.

(e) Bottari l. c. pag. 501. Not. II.

tam (a) , & dextera manu Sacram Tabulam de qua agimus gestantem exhibuit . Effigies hæc , quam etiam ære incisam Operi huic nostro præmisimus , summa diligentia adhuc servatur in eodem Sacello , quod anno 1744. elegantius instructum fuit , hac nova Inscriptione adposita , qua iterum Sodalitas Caritatis , post tria circiter sæcula , beneficiorum , quibus ab Amplissimo Cardinali affecta fuit , memorem , ac nunquam intermoriturum animum testatum voluit .

Bessarion S. R. E. Cardinalis Archiepiscopus Nicænus

De Munere Singulari , & Pretioso Erga Majores Nostros Benemeritus
Ligni SS. Crucis , Purpuræ , Tunicæ Inconfutis , Et Quatuor De Corona Spinarum
Quæ Una Cum Aliis De Columna , Et Sepulcro Servatoris Particulis , Sanctorumq. Reliquiis

Minus Prius Religiose Reconditæ , Et Pio Cultui Minus Manifestæ

Pietate Confratrum Sacello Hoc Elegantius Instructo ,

Et Sacrario Cum Altari Exstructo , Splendidius Publicæ Adorationi Collocatæ Sunt.

Effigies vero , Quam Desuper , Lector , Intueris In Magis Grati Animi Monumentum

Hoc Anno Ab Orbe Reparato MDCCXLIV. Præfixa Fuit.

8. Verum quanta animi reverentia , ac devotione Caritatis Confratres tanti Benefactoris memoriam semper coluerint , Sacrumque ejus munus custodierint , testantur innumera documenta , quæ in Sodalitii nostri Codicibus passim

(a) Eodem Monachali habitu Cardinalis nostri effigies picta fuit cum in dicta Tabula Aula Majoris Consilii , tum etiam Bononiæ a Galasso Galassi in Ecclesia S. Mariæ de Monte , ut testatur Baruffaldus apud laudatum Cl. Joannem Bottari in additionibus ad notas ad Valarium Tom. II. pag. 26.

sim leguntur. Unum, vel alterum memorabo, ne nimia sermonis prolixitate lectores diutius detineam, ac fastidio afficiam.

Notum satis est quem Optimi Cardinalis nostri Legatio ad Ludovicum XI. Galliarum Regem, exitum habuerit. Nam cum ille ad Burgundiæ Ducem iter primum fecisset, quod sine Regis offensione id fieri posse judicasset, ejus rei causa Regis in se odium ita concitavit, ut haud benigne exceptus, infectis rebus in Italiam redierit. Quo factum est, ut ex animi moerore ob ignominiam ipsi illatam, in itinere in morbum inciderit (a); & Taurino Ravennam Pado devectus, ea in Urbe, in Palatio Veneti Patricii Antonii Danduli, tunc Ravennæ Prætoris, a quo munificentissime fuerat exceptus (b), anno 1472. (c), xiv. Cal.

De-

(a) *Papient. Epist.* 534.

(b) *Joann. de Augustinis in Scriptorib. Ven. Tom. I. pag. 512. ex Cod. Ms. ap. P. V. Henricum Dandulum servato.*

(c) Pontanus in notis ad Phranzæ Chronicon pag. 314. ait Bessarionem obiisse anno 1473. Idem fuit error Ughellii in Tusculanis Episcopis num. 38. Jacobi Boissardi in *Elogiis Virorum Doctr. Illustr.* pag. 221. & Joannis Trithemii in *Scriptoribus Ecclesiasticis* num. 821. Rocchus Pyrrhus *Lib. III. Sicil. Sacr.* pag. 511. mortem ejus confert in annum 1474. Aubertus Miræus in *Aust. de Scriptor. Eccl.* pag. 459. affirmat eum obiisse anno 1466. nempe confundit annum, quo Bessarion sepulchrale monumentum sibi vivens posuit, cum anno quo diem obiit supremum. In alium errorem lapsus est Sansovinus in Chronico, dum hujus Cardinalis mortem anno 1468. assignat; fortasse ultimum tituli Tusculani annum cum anno emortuali confundens; vel cum anno, quo Venetæ Reipublicæ Bibliothecam suam dono misit vivens, quam falso Sabellicus, ante Sansovinum, testamento legavisse scribit *Hist. Ven. Dec. I. lib. II. pag. 43. edit. Ven. 1718.* Porro Phranza *Lib. III. cap. 30. & ex eo Panvinus*, ad annum 1472. mortem ejus referunt: quod etiam colligitur ex Cardinalis Papiensis Epistola 488. & ex antiquis Sodalitii nostri Necrologiis.

Decembris (*a*), anno ætatis suæ 77. diem obierit supremum: omnibus desiderium sui relinquens, & præsertim Venetis Patriciis, *qui partim privato officio, partim publico ad eum venerant; quique videntes irruentem turbam suis humeris elatum corpus in Episcopium detulerunt, præbueruntque omnibus deosculandum, atque venerandum; ut ait Incertus Auctor funebris Orationis in ipsius Bessarionis laudem, Romæ in Basilica SS. Apostolorum habitæ (b).* Itaque VIII. Id. Decembris ejusdem anni, omni ut decuit magnificentia, benemerito Cardinali iusta persolverunt Sodalitatis nostræ Confratres (*c*); anno vero 1480. Prid. Id. Novembris in Generalibus Comitibus captum est (*d*), ut anniversaria obitus ejus dies solemnem exequiarum pompa quotannis in Ecclesia Caritatis recoleretur: quod quidem semper servatum fuit, atque adhuc servatur diligentissime, funebri pegmate ea die erecto, eique sub umbella purpureo galero superimposito, quod in dicto interiori Sacello e regione Bessarionis Imaginis appensum custoditur.

9. Pretioso autem muneri religiose in supplicationibus deferendo plures dicti dies. Nam prædicto anno 1480. Idib. Novembris statutum est (*e*), ut singulis B. Virginis sole-

(*a*) Laudatus Phranza Bessarionis obitum die 15. Novembris, Panvinus vero, & post eum ceteri Scriptores die 18. mensis ejusdem accidisse scribunt; Sodalitatis nostræ Necrologia diei ejusdem mensis 19. hoc adsignant. Sed duæ postremæ discordiæ facile conciliari possunt, si supponatur, quod probabile est, eum nocte media inter 18. & 19. diem Novembris occubuisse.

(*b*) Orationis hujus, typis editæ sine loco, Typogr. & anno, fragmenta nonnulla refert Cl. Apostolus Zenus, & ex eo laudatus Joannes de Augustinis Tom. I. pag. 513.

(*c*) *Cod. vulgo Ordinatio ad Ann. 1482.*

(*d*) *Notator. Pergam. Cap. 50.*

(*e*) *Ibid. Cap. 51.*

solemnibus Festis , singulisque diebus , quibus Comitia celebrantur , Sacra Tabula intra Sodalitii parietes circumferatur : quod Anno 1517. 4. Id. Majas etiam ad diem Inventionis S. Crucis extensum fuit (a). Porro ex quo Sacrum hoc Pignus Venetias delatum est , usus invaluit , ut in publica supplicatione Vespere Feriæ V. in Cœna Domini fieri solita , ad Basilicam D. Marci pegmati impositum deportetur , cui duobus Thuriferariis præcedentibus , quatuor Sacerdotes adsint Tunicis (vulgo Tunicellas vocant) induti .

10. Inter optimas vero sanctiones , quibus Sacro huic Pignori cultus identidem fuit adauctus , illa honorificentior habenda est , qua die v. Mensis Januarii Anni præsentis , etiam in solempni pompa ejus diei , quo Corporis Christi Festum celebratur , illud deferendum esse decreverunt . Pietate namque , & Religione Generalis Conventus cautum est , ut in publicis supplicationibus pegma Sacræ Tabulæ statuendæ destinatum , a quatuor Sodalitatis Confratribus albo ejusdem Sodalitatis habitu indutis circumgestetur , iisdem præcedentibus Thurificatoribus , comitantibusque Sacerdotibus .

Hæc sunt , Illustrissimi Domini , quæ ad Sacrum hoc Phylacterium , atque ad Amplissimi Cardinalis Bessarionis memoriam illustrandam in unum colligenda , & vestris oculis , animisque exhibenda esse judicavi . Vos igitur laborem hunc meum iis quibus soletis humanitatis , ac benevolentiae significationibus excipite . Eo enim consilio ad hanc
exaran-


(a) *Ibid. Cap. 122.*



exarandam Disfertationem animum appuli , ut & Vobis
jubentibus morem gererem , & meam in Vos omnes ob-
servantiam publico testimonio comprobata apud posteros
relinquerem .





VENETIIS,
MDCCLXVII.

TYPIS MODESTI FENTII,
SUPERIORUM PERMISSU.















2070H
OMA

SPECIAL

88-B

2126

